

Oratio.

DEUS, qui in liberandis fidelibus tuis ab impiorum captivitate, beatum Raymundum Nonnatum Confessorem tuum mirabilem effecisti: ejus nobis intercessione concede; ut a peccatorum vinculis absoluti, quæ tibi sunt placita, liberis mentibus exequamur. Per Dominum nostrum.

Pro Commemoratione S. Paulini Episcopi & Confessoris.

Oratio.

OMnipotens sempiternæ Deus, qui es Sanctorum tuorum splendor mirabilis: quique hodierna die beatum Paulinum Confessorem tuum, atque Pontificem æternæ beatitudinis gloria sublimasti: concede propitius; ut ejus merita veneramur in terris, intercessionis ejus auxilio apud misericordiam tuam muniamur in cælis. Per Dominum nostrum.

Secreta & Postcommunio de Confessore Pontifice. Pag. xxij.

FESTA SEPTEMBRIS.

IN FESTO

SS Angelorum Custodum.

Quod celebratur Dominica I. Septembris, vel II. post Festum S. Bartholomæi.

Introitus.

Benedicite Dominum omnes Angeli ejus: potentes virtute, qui facitis verbum ejus, ad audiendam vocem sermonis,

num ejus. **Psalmus.** Benedic anima mea Domino: & omnia, quæ intra me sunt, nomini sancto ejus. **✠. Gloria Patri.**

Oratio.

DEUS, qui ineffabili providentia sanctos Angelos tuos ad nostram custodiam mittere dignaris: largire supplicibus tuis; & eorum semper protectione defendi, & æterna societate gaudere. Per Dominum nostrum.

Fir Commemoratio Dominica occurrentis.

Lectio libri Exodi.

Hæc dicit Dominus Deus: Ecce ego mittam Angelum meum, qui præcedat te, & custodiat in via, & introducat in locum quem paravi. Observa eum, & audi vocem ejus, nec contemnendum putes: quia non dimittet cum peccaveris, & est nomen meum in illo. Quod si audieris vocem ejus, & feceris omnia quæ loquor, inimicus ero inimicis tuis, & affligam affligentes te. Præcedetque te Angelus meus.

Graduale. Angelis suis Deus mandavit de te, ut custodiant te in omnibus viis tuis. **✠.** In manibus portabunt te, ne umquam offendas ad lapidem pedem tuum. Alleluya, alleluya. **✠.** Benedicite Domino omnes virtutes ejus: ministri ejus, qui facitis voluntatem ejus. Alleluya.

Sequentia sancti Evangelii secundum Matthæum.

In illo tempore: Accesserunt discipuli ad Jesum, dicentes: Quis,

putas, major est in regno cælorum? Et advocans Jesus parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum cælorum. Quicumque ergo humiliaverit se, sicut parvulus iste, hic est major in regno cælorum. Et qui suscepit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris. Væ mundo à scandalis. Necesse est enim ut veniant scandala: verumtamen væ homini illi, per quem scandalum venit. Si autem manus tua, vel pes tuus scandalizat te: abscede eum, & projice abs te: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. Videte ne contemnatis unum ex his pusillis: dico enim vobis, quia Angeli eorum in cælis semper vident faciem Patris mei, qui in cælis est. **Credo.**

Offertorium. Benedicite Dominum omnes Angeli ejus: ministri ejus, qui facitis verbum ejus, ad audiendam vocem sermonum ejus.

Secreta.

Suscipe Domine munera, quæ pro sanctorum Angelorum tuorum veneratione deferimus: &

concede propitius; ut perpetuis eorum præsidiiis à præsentibus periculis liberemur, & ad vitam perveniamus æternam. Per Dominum nostrum.

Communio. Benedicite omnes Angeli Domini Dominum: hymnum dicite, & superexaltate eum in sæcula.

Postcommunio.

Sumpsimus, Domine, divina mysteria, sanctorum Angelorum tuorum festivitatem lætantes: quæsumus; ut eorum protectione ab hostium jugiter liberemur insidiis & contra omnia adversa muniamur. Per Dominum nostrum.

Infra Octavam SS. Angelorum Custodum dicitur Missa sicut in die Festo, cum secunda Oratione de B. V. M. Concede nos. Tertia pro Ecclesia, vel Papa. Pag. 315.

Die 1. Septembris.

IN FESTO

S. Egidii Abbatis.

Introitus.

S justi meditabuntur sapientiam, & lingua ejus loquetur judicium: lex Dei ejus in corde

ipsius. **Psalmus.** Noli emulâri in malignantibus: neque zelaveris facientes iniquitatem. **✠. Gloria Patri.**

Oratio.

Intercessio nos quæsumus Domine, beati Egidii Abbatis commendet: ut, quod nostris meritis

Y v y y 3

non

non valēmus, ejus patrocīnio allēquāmur. Per Dōminum nostrum.

Pro Commemoratione SS. Martyrum duodecim Fratrum.

Oratio.

Fraterna nos, Dōmine, Mārtirum tuōrum corōna lātificet: quā & fidei nostrā prābeat incrementa virtūtum; & multiplici nos suffrāgio consolētur. Per Dōminum nostrum.

Lectio libri Sapiētiā.

Dilectus Deo & hominibus, cuius memōria in benedictiōne est. Similem illum fecit in glōria sanctōrum, & magnificāvit eum in timōre inimicōrum, & in verbis suis monstra placāvit. Glorificāvit illum in conspectu regum, & iussit illi coram pōpulo suo, & ostēdit illi glōriam suam. In fide & lenitāte ipsius sanctum fecit illum, & elēgit eum ex omni carne. Audīvit enim eum, & vocem ipsius, & indūxit illum in nubem. Et dedit illi corā prācepta, & legem vitā & disciplinā.

Graduale. Dōmine, prāvenisti eum in benedictiōnibus dulcedinis: posuisti in cāpite ejus corōnam de lapide pretiōso. **V.** Vitā petiit ā te, & tribuisti ei longitūdinem diērum in sēculum sēculi. Allelūja, allelūja. **V.** Justus ut palma florēbit: sicut cedrus Libani multiplicābitur. Allelūja.

Sequētia sancti Evangēlii
secūndum Matthaeum.

In illo tēpore: Dixit Petrus ad Jesum: Ecce nos reliquimus omnia, & secuti sumus te: quid

ergo erit nobis? Jesus autem dixit illis: Amen dico vobis, quod vos qui secuti estis me, in regeneratione, cum sederit Filius hominis in sede maiestatis suae, sedebitis & vos super sedes duodecim, iudicantes duodecim tribus Israel. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam aeternam possidebit.

Offertorium. Desiderium animae ejus tribuisti ei Dōmine, & voluntate labiōrum ejus non fraudasti eum: posuisti in cāpite ejus corōnam de lapide pretiōso.

Secreta.

Sacris altāribus, Dōmine, hōstias superpōstas sanctus Aegidius Abbas quāsumus, in salutem nobis provenire depōscat. Per Dōminum nostrum.

Pro SS. Martyribus duodecim Fratribus. Secreta.

Mysteria tua, Dōmine, pro sanctōrum Mārtirum tuōrum commemoratiōne devōta mente tractemus: quibus nobis & prāsidiū crescat, & gaudiū. Per Dōminum nostrum.

Communio. Fideles servus & prudens, quem constituit Dōminus super familiā suā: ut det illis in tēpore tritici mensuram.

Postcommunio.

Protegat nos, Dōmine, cum tuī perceptiōne sacramēti beātus Aegidius Abbas pro nobis intercedēdo: ut & conversatiōnis ejus experiāmur insignia, & intercessiō-

nis

nis percipiāmus suffrāgia. Per Dōminum nostrum Jesum Christum.

Pro SS. Martyribus duodecim Fratribus. Postcommunio.

Praesta quāsumus omnipotens Deus: ut quorum memōriam sacramēti participatiōne recōlimus; fidem quoque proficiēdo sectemur. Per Dōminum nostrum Jesum Christum.

Die 2. Septembris.

IN FESTO

S. Stephani Regis Hungariae Confessoris.

Introitus.

Deus justus meditabitur sapiētiā, & lingua ejus loquētur iudicium: lex Dei ejus in corde ipsius. **Psalmus.** Noli emulāri in malignātibz: neque zelāveris facientes iniquitatem. **V.** Glōria Patri.

Oratio.

Concēde, quāsumus, Ecclesiā tuā omnipotens Deus: ut beātum Stēphanum Confessōrem tuum, quem regnāntem in terris propagatōrem habuit; propugnatōrem habere mereātur gloriōsum in cœlis. Per Dōminum nostrum.

Lectio libri Sapiētiā.

Beātus vir, qui inventus est sine macula, & qui post aurum non abiit, nec sperāvit in pecūnia & thesauris. Quis est hic, & laudābimus eum? fecit enim mirabilia

in vita sua. Qui probātus est in illo, & perfectus est, erit illi glōria aeterna: qui potuit transgredi, & non est transgressus; facere mala, & non fecit. Ideo stabilita sunt bona illius in Dōmino, & eleēmōsynas illius enarrābit omnis Ecclesiā sanctōrum.

Graduale. Justus ut palma florebit: sicut cedrus Libani multiplicabitur in domo Dōmini. **V.** Ad annuntiāndum manē misericordiam tuā, & veritatem tuā per noctem. Allelūja, allelūja. **V.** Beātus vir, qui suffert tentatiōnem: quōniam cum probātus fuerit, accipiet corōnam vitā. Allelūja.

Sequētia sancti Evangēlii
secūndum Lucam.

In illo tēpore: Dixit Jesus discipulis suis parabolam hanc: Homo quidam nobilis abiit in regionem longinquā accipere sibi regnum, & revēti. Vocatis autem decem servis suis, dedit eis decem mnas, & ait ad illos: Negotiāmini dum venio. Cives autem ejus oderant eum: & miserunt legatiōnem post illum, dicentes: Nolumus hunc regnāre super nos. Et factum est ut rediret accepto regno: & iussit vocari servos, quibus dedit pecūniā, ut sciret quantum quisque negotiātus esset. Venit autem primus, dicens: Dōmine, mna tua decem mnas acquisivit. Et ait illi: Euge bone serve, quia in mōdico fuisti fidelis, eris potestatem habens super decem civitates. Et alter venit, dicens: Dōmine, mna tua fecit quinque mnas. Et huic ait: Et tu esto fu-

per

per quinque civitates. Et alter venit, dicens: Domine, ecce mna tua, quam habui repositam in sudario: timui enim te, quia homo austerus es: tollis quod non posuisti, & metis, quod non seminasti. Dicit ei: De ore tuo te iudico, serve nequam. Sciebas quod ego homo austerus sum, tollens quod non posui, & metens quod non seminavi: & quare non dedisti pecuniam meam ad mensam, ut ego veniens, cum usuris utique exegissem illam? Et astantibus dixit: Auferte ab illo mnam, & date illi, qui decem mnas habet. Et dixerunt ei: Domine, habet decem mnas. Dico autem vobis, quia omni habenti dabitur, & abundabit: ab eo autem qui non habet, & quod habet, auferetur ab eo.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Respice quas offerimus hostias omnipotens Deus, & presta: ut qui Passionis Dominicæ mysteria celebramus; imitemur, quod agimus. Per Dominum nostrum.

Communio. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

Presta quæsumus omnipotens Deus: ut beati Stephani Confessoris tui fidem congrua devotione sectemur; qui ejusdem fidei dilatatione, de terreno regno ad cælestis regni gloriam meruit pervenire. Per Dominum nostrum.

Die 4. Septembris.

IN FESTO

S. Rosalix Virginis Panormitanæ.
Missa: Dilexisti. Pag. xxxiv. præter Orationem sequentem.

Oratio.

EXaudi nos Deus salutaris noster: ut sicut de beatæ Rosaliæ Virginis tuæ festivitâte gaudemus; ita piæ devotionis erudiamur affectu, & ejus intercessione ab iracundiæ tuæ flagellis misericorditer liberemur. Per Dominum nostrum Jesum Christum.

Die 5. Septembris.

IN FESTO

S. Victorini Episcopi & Martyris.
Missa: Statuit ei Dominus, ex Communi unius Martyris & Pontificis. Pag. ij. præter primam Orationem.

Oratio.

Omnipotens sempiternus Deus, qui es Sanctorum tuorum splendor mirabilis, quique hodierna die beatum Victorinum Martyrem tuum atque Pontificem beatitudinis æternæ gloria sublimasti: concede propitius; ut cujus gloriam veneramur in terris, intercessionis ejus auxilio apud tuam misericordiam muniamur in cælis. Per Dominum nostrum Jesum Christum Filium tuum.

Eodem Die.

FESTUM

S. Laurentii Justiniani Episcopi & Confessoris. Missa habetur inter Sanctos ad libitum in Calce. Pag. cxxxj.

IN

Die 8. Septembris.
IN NATIVITATE
Beatæ Mariæ Virginis.

Introitus.



Alve sancta parens, enixa puerpera Regem: qui celum terramque regit in sacula sæculorum.

Psalmus. Eructavit cor meum verbum bonum: dico ego opera mea Regi. **✠.** Gloria Patri.

Oratio.

Familis tuis, quæsumus Domine, cælestis gratiæ munus impertire: ut quibus beatæ Virginis partus extitit salutis exordium; Nativitatis ejus votiva sollemnitas pacis tribuat incrementum. Per Dominum nostrum Jesum Christum.

In Missis privatis pro commemoratione S. Adriani Martyris

Oratio.

Presta quæsumus omnipotens Deus: ut qui beati Adriani Martyris tui natalitia colimus; intercessione ejus in tui nominis amore roborémur. Per Dominum nostrum Jesum Christum.

Lectio libri Sapientix.

Dominus possedit me in initio viarum suarum, antequam quidquam faceret à principio. Ab æterno ordinata sum, & ex antiquis antequam terra fieret. Non dum erant abyssi, & ego jam concepta eram: necdum fontes aquarum eruperant: necdum montes gravi mole constiterant: ante col-

les ego parturiebar: adhuc terram non fecerat, & flumina, & cardines orbis terræ. Quando præparabat cælos, aderam: quando certa lege, & gyro vallabat abyssos: quando æthera firmabat sursum, & librabat fontes aquarum: quando circumdabat mari terminum suum, & legem ponebat aquis, nè transirent fines suos: quando appendebant fundamenta terræ. Cum eo eram, cuncta componens: & delectabar per singulos dies, ludens coram eo omni tempore, ludens in orbe terrarum: & deliciæ meæ, esse cum filiis hominum. Nunc ergo filii audite me: Beati, qui custodiunt vias meas. Audite disciplinam, & estote sapientes, & nolite abjicere eam. Beatus homo qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem à Domino.

Graduale. Benedicta & venerabilis es Virgo Maria: quæ sine tactu pudoris, inventa es mater Salvatoris. **✠.** Virgo Dei genitrix, quem totus non capit orbis, in tua se clausit viscera, factus homo. Allelûja, allelûja. **✠.** Felix es sacra Virgo Maria, & omni laude dignissima: quia ex te ortus est sol justitiæ, Christus Deus noster. Allelûja.

Initium sancti Evangelii secundum Matthæum.

Liber generationis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit

Z z z z

Judam,

Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David Regem. David autem Rex genuit Salomōnem ex ea quæ fuit Uriæ. Salomon autem genuit Róboam. Róboam autem genuit Abiam. Abias autem genuit Afa. Afa autem genuit Jósaphat. Jósaphat autem genuit Joram. Joram autem genuit Oziam. Ozias autem genuit Jóatham. Jóatham autem genuit Achaz. Achaz autem genuit Ezechiam. Ezechias autem genuit Manáffen. Manáffen autem genuit Amon. Amon autem genuit Josiam. Josias autem genuit Jechoniam, & fratres ejus in transmigratiōe Babylōnis. Et post transmigratiōem Babylōnis: Jechonias genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Josēph virum Mariæ, de qua natus est Jesus, qui vocatur Christus. **Credo.**

Offertorium. Beata es Virgo Maria, quæ omnium portasti Crea-

torem: genuisti, qui te fecit, & in ætérnum pèrmanes Virgo.

Secreta.

UNigéniti tui, Dómine, nobis succurrat humanitas: ut, qui natus de Virgine, matris integritatem non minuit, sed sacravit; in Nativitatis ejus solénnis, nostris nos piáculis exuens, oblatiōnem nostram tibi faciat acceptam Jesus Christus Dóminus noster. Qui tecum vivit & regnat.

Pro S. Adriano.

Secreta.

MUnéribus nostris, quæsumus Dómine, precibusque susceptis: & cœlestibus nos munda mysteriis, & cleménter exaudi. Per Dóminum nostrum.

Præfatio de beata Maria. Erte in Nativitate. **Pag. 260. quæ dicitur per totam Octavam, etiam in Festis, nisi habuerint propriam.**

Communio. Beata viscera Mariæ Virginis, quæ portavérunt æterni Patris Filium.

Postcommunio.

Sumpsimus, Dómine, celebritatis annuæ votiva sacramenta: præsta quæsumus; ut & temporális vitæ nobis remédia præbeant, & æternæ. Per Dóminum nostrum Jesum Christum.

Pro S. Adriano.

Postcommunio.

DA, quæsumus Dómine Deus noster: ut sicut tuórum commemoratiōe Sanctórum temporáli gratulamur officio; ita perpétuo lætémur aspéctu. Per Dóminum nostrum Jesum Christum.

Infra Octavam Nativitatis B. Mariæ, & in die Octava, dicitur

Missæ

Missæ sicut in die Festi: sed infra Octavam, quando non fit Commemoratio Festi simplicis, dicitur secunda Oratio de Spiritu sancto, Deus, qui corda fidélium. Tertia, Ecclésiæ. vel pro Papa, Deus omnium. Pag. lxxj.

DOMINICA

infra Octavam Nativitatis B. Mariæ

IN FESTO

SS. Nominis B. Mariæ Virginis.

Introitus.

Vultum tuum deprecabuntur omnes divites plebis: adducuntur Regi virgines post eam: proxima ejus adducuntur tibi in læticia, & exultatione. **Psalms.** Eructavit cor meum verbum bonum: dico ego ópera mea Regi. **Glória Patri.**

Oratio.

Concède, quæsumus omnipotens Deus: ut fideles tui, qui sub sanctissimæ Virginis Mariæ Nómine, & protectiōe lætántur; ejus pia intercessiōe, à cunctis malis liberéntur in terris, & ad gaudia æternæ pervenire mereántur in cœlis. Per Dóminum nostrum.

Et fit commemoratio Dominicæ occurrentis.

Lectio libri Sapientię.

EGo quasi vitis fructificavi suavitatem odoris: & flores mei fructus honoris, & honestatis. Ego mater pulchræ dilectiōnis, & timó-

ris, & agnitiōnis, & sanctæ spei. In me grátia omnis viæ, & veritatis, in me omnis spes vitæ, & virtutis. Transite ad me omnes, qui concupiscitis me, & à generatiōibus meis implémini. Spiritus enim meus super mel dulcis, & hereditas mea super mel, & favum. Memoria mea in generatiōes sæculórum. Qui edunt me, adhuc esuriunt: & qui bibunt me, adhuc sitient. Qui audit me, non confundetur: & qui operántur in me, non peccábunt. Qui elúcidant me, vitam ætérnam habébunt.

Graduale. Benedicta, & venerabilis es Virgo Maria: quæ sine tactu pudoris inventa es Mater Salvatoris. **Virgo Dei Genitrix,** quem totus non capit orbis, in tua se clausit viscera, factus homo. Allelúja, allelúja. **Post partum** Virgo inviolata permansisti, Dei Genitrix intercede pro nobis. Allelúja.

Sequentia sancti Evangelii secundum Lucam.

In illo tempore: Missus est Angelus Gabríel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, & nomen Virginis Mariæ. Et ingressus Angelus ad eam dixit: Ave grátia plena: Dóminus tecum: Benedicta tu in mulieribus. Quæ cum audisset, turbata est in sermone ejus, & cogitabat qualis esset ista salutatio. Et ait Angelus ei: Nè timeas Mariæ; invenisti enim grátiam apud Deum: Ecce concipies in útero, & paries filium, &

Z z z z z

vocabis

vocabis nomen ejus Jesum. Hic erit magnus, & filius Altissimi vocabitur, & dabit illi Dominus Deus sedem David patris ejus; & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, & virtus Altissimi obumbrabit tibi. Ideoque & quod nascetur ex te sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua: & hic mensis sextus est illi; quæ vocatur sterilis: quia non erit impossibile apud Deum omne verbum: Dixit autem Maria: Ecce ancilla Domini, fiat mihi secundum verbum tuum.

Et dicitur Credo.

Offertorium. Ave Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

Tua, Domine, propitiatione, & beata Maria semper Virginis intercessionem, ad perpetuam atque presentem hæc oblatio nobis proficiat prosperitatem, & pacem. Per Dominum nostrum.

Deinde altera Secreta pro Dominica occurrente.

Præfatio de beata Maria. Et te in Nomine. Pag. 260.

Communio. Beata viscera Mariae Virginis, quæ portaverunt æterni Patris Filium.

Postcommunio.

Sumptis, Domine, salutis nostræ subsidiis: da, quæsumus, beatæ

Mariæ semper Virginis patrocinis nos ubique protegi; in cujus veneratione, hæc tuæ obtulimus majestati. Per Dominum nostrum Jesum Christum.

Deinde altera Postcommunio de Dominica occurrente.

In fine Missæ legitur Evangelium Dominicæ occurrentis.

Die 9. Septembris.

PRO

COMMEMORATIONE

S. Gorgonii Martyris.

Oratio.

Sanctus tuus, Domine, Gorgonius tua nos intercessionem lætificet: & pia faciat solemnitate gaudere.

Pro S. Kunegunde Virgine.

Oratio.

Omnipotens sempiternæ Deus, qui à gloria tua nullum excipis sexum, nullamque conditionem excludis: te suppliciter exoramus; ut, sicut beatæ Kunegundi Virgini post terræ culmen imperii celestis regni solium contulisti; ita meritis ejus & precibus, nobis quoque famulis tuis æternæ felicitatis præmia largiaris. Per Dominum nostrum Jesum Christum.

Pro S. Gorgonio Martyre.

Secreta.

Grata tibi sit, Domine, nostra servitutis oblatio: pro qua sanctus Gorgonius martyr interventor existat.

Pro S. Kunegunde Virgine.

Secreta.

Accepta tibi sit, Domine, sacrata plebis oblatio, pro tuorum honore Sanctorum: quorum se

meritis

meritis de tribulatione percepisse cognoscit auxilium. Per Dominum nostrum Jesum Christum.

Pro S. Gorgonio Martyre.

Postcommunio.

Familiam tuam, Deus, suavis æterna contingat & vegetet: quæ in martyre tuo Gorgonio, Christi Filii tui bono jugiter odore pascatur.

Pro S. Kunegunde Virgine.

Postcommunio.

Satiasti Domine familiam tuam munéribus sacris: ejus quæsumus semper interventionem nos refove, cujus sollemnia celebramus. Per Dominum nostrum Jesum Christum Filium tuum.

Die 10. Septembris.

IN FESTO

S. Nicolai de Tolentino. Missa: Justus ut palma florebit. **de Communi Confessoris non Pontificis.** Pag. xxvij. cum commemoratione de Octava Nativitatis B. Mariæ, ut supra in die, Pag. 629. Et dicitur Credo.

Die 11. Septembris.

PRO

COMMEMORATIONE

SS. Prothi & Hyacinthi Martyrum.

Oratio.

Beatórum Mátyrum tuórum Proti & Hyacinthi nos Domine foveat pretiosa confessio: & pia jugiter intercessio tueatur.

Tertia Oratio de Spiritu sancto. Pag. lxxj.

Secreta.

Pro sanctorum mátyrum tuórum Proti & Hyacinthi com-

memoratione, múnere tibi Domine, quæ debemus, exsolvimus: præsta quæsumus; ut remedium nobis perpetuæ salutis operentur.

Postcommunio.

Ut percepta nos, Domine, tua sancta purificent: beatórum mátyrum tuórum Proti & Hyacinthi, quæsumus, impleret oratio.

Die 14. Septembris.

IN FESTO

Exaltationis sanctæ Crucis.

Introitus.



Nos autem gloriarí oportet in Cruce Domini nostri Jesu Christi, in quo est salus, vita, & resurrectio nostra: per quem salvati, & liberati sumus. **Psalms.** Deus misereatur nostri, & benedicat nobis: illuminet vultum suum super nos, & misereatur nostri. Glória Patri.

Oratio.

Deus, qui nos hodierna die Exaltationis sanctæ Crucis annua solemnitate lætificas: præsta quæsumus; ut cujus mystérium in terra cognovimus, ejus redemptionis præmia in cælo mereamur. Per eundem Dominum nostrum.

Et sit commemoratio de Octava Nativitatis B. Mariæ.

Oratio.

Famulis tuis, quæsumus Domine, celestis gratiæ munus impertire: ut quibus beatæ Virginis

Z z z z 3

pactus

partus exitit salutis exordium; Nativitatis ejus votiva sollemnitas pacis tribuat incrementum. Per Dominum nostrum.

Pro S. Materno Episcopo & Confessore. Oratio.

DEUS, qui beatum Maternum Confessorem tuum atque Pontificem per merita beati Petri Apostoli tui, quadragésimo die à morte resuscitasti, & eundem exinde per annos quadraginta Pontificali Infula decorasti: tribue quæsumus; ut quem tot miraculis in terra coruscare vidimus, ejus apud te precibus adjuvemur, & ab omni malo corporis, & animæ liberemur. Per Dominum nostrum.

Lectio Epistolæ beati Pauli Apostoli ad Philippenses.

Fratres, Hoc enim sentite in vobis, quod & in Christo Jesu: qui cum in forma Dei esset, non rapinam arbitratus est esse se æqualem Deo: sed semetipsum exinavit, formam servi accipiens, in similitudinem hominum factus, & habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod & Deus exaltavit illum, & donavit illi nomen, quod est super omne nomen: ut in nomine Jesu omne genu flectatur cælestium, terrestrium, & infernorum; & omnis lingua confiteatur, quia Dominus Jesus Christus in gloria est Dei Patris.

Graduale. Christus factus est pro nobis obediens usque ad mortem, mortem autem crucis. **V.** Propter quod & Deus exaltavit il-

lum, & dedit illi nomen, quod est super omne nomen. Alleluja, alleluja. **V.** Dulce lignum, dulces clavos, dulcia ferens pondera: quæ sola fuisti digna sustinere Regem cælorum, & Dominum. Alleluja.

Sequentia sancti Evangelii secundum Joannem.

IN illo tempore: Dixit Jesus turbis Judæorum: Nunc iudicium est mundi: nunc princeps hujus mundi ejicietur foras. Et ego, si exaltatus fuero à terra, omnia traham ad meipsum: (hoc autem dicebat, significans qua morte esset moriturus.) Respondit ei turba: Nos audivimus ex lege, quia Christus manet in æternum: & quomodo tu dicis: Oportet exaltari Filium hominis? Quis est iste Filius hominis? Dixit ergo eis Jesus: Adhuc modicum lumen in vobis est. Ambulate dum lucem habetis, ut non vos tenebræ comprehendant: & qui ambulat in tenebris, nescit quò vadat. Dum lucem habetis, credite in lucem, ut filii lucis sitis. **Credo.**

Offertorium. Protege Domine plebem tuam per signum sanctæ Crucis, ab insidiis inimicorum omnium: ut tibi gratam exhibeamus servitutem, & acceptabile fiat sacrificium nostrum. Alleluja.

Secreta.

Jesu Christi Domini nostri corpore & sanguine saginandi, per quem Crucis est sanctificatum vexillum, quæsumus Domine Deus noster: ut sicut illud adorare meruimus; ita perenniter ejus gloriæ salutaris potiâmur effectu. Per

eundem

eundem Dominum nostrum Jesum Christum.

De Octava Nativitatis B. Mariæ.

Secreta.

UNnigéniti tui, Domine, nobis succurrat humanitas: ut, qui natus de Virgine, matris integritatem non minuit, sed sacravit; in Nativitatis ejus sollemnibus, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit & regnat.

Pro S. Materno. Secreta.

Sancti Materni Confessoris tui atque Pontificis, quæsumus Domine, annua sollemnitas pietati tuæ nos reddat acceptos: ut per hæc pia placationis officia, & illum beata retributio comitetur, & nobis gratiæ tuæ dona conciliet. Per Dominum nostrum.

Præfatio de Cruce. Qui salutem humani generis. **Pag. 250.**

Communio. Per signum Crucis de inimicis nostris libera nos Deus noster.

Postcommunio.

Adesto nobis Domine Deus noster: & quos sanctæ Crucis letari facis honore; ejus quoque perpétuis defende subsidiis. Per Dominum nostrum.

De Octava Nativitatis B. Mariæ.

Postcommunio.

Sumpimus, Domine, celebritatis annuæ votiva sacramenta: præsta quæsumus; ut & temporalis vitæ nobis remedia præbeant, & æternæ. Per Dominum nostrum.

Pro S. Materno. Postcommunio.

DEUS fideliū remunerator animarum, præsta: ut beati

Materni Confessoris tui atque Pontificis, cujus venerandam celebrâmur festivitatem, precibus indulgentiam consequamur. Per Dominum nostrum Jesum Christum.

Die 15. Septembris.

IN OCTAVA

Nativitatis B. Mariæ. **Missæ:** ut in die, cum commemoratione S. Nicomedis Martyris.

Si hodie occurrat FERIA Quatuor Temporum, in Ecclesiis Cathedralibus & Collegiatis dicuntur duæ Missæ, una de Octava cum commemoratione S. Nicomedis tantum, altera de FERIA, cum Orationibus assignatis; & in hac Missa, & sequentibus Quatuor Temporum dicitur semper Præfatio communis. **Pag. 278.**

Oratio.

Adesto, Domine, populo tuo: ut beati Nicomedis martyris tui merita præclara suscipiens, ad impetrandam misericordiam tuam semper ejus patrocinis adjuvetur. Per Dominum nostrum.

Secreta.

Suscipe, Domine, mûnera propitius oblata: quæ majestati tuæ, beati Nicomedis martyris commendet oratio. Per Dominum nostrum.

Postcommunio.

Purificent nos, Domine, sacramenta quæ sumpimus: & intercedente beato Nicomede martyre tuo; à cunctis efficiant vitiis absolutos. Per Dominum nostrum Jesum Christum Filium tuum.

Die

Die 16. Septembris.

IN FESTO

S. Ludmillæ Viduæ Martyris.

Introitus.

ME expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. *Psalmus.*

Psalmus. Beati immaculati in via: qui ambulant in lege Domini. *Glória Patri.*

Oratio.

Adjuvent nos, quæsumus, preces & mérita S. Ludmillæ Martyris tuæ, Domine Deus noster: ut ejus vestigiis inhærentes; in fide inveniâmur stabiles, & in sanctis operibus efficaces. Per Dominum nostrum Jesum Christum.

In Ecclesia Metropolitana Pragensi pro commemoratione S. Euphemie Martyris sub una conclusione

Oratio.

Presta, Domine, precibus nostris cum exultatione proveniunt: ut S. Martyris Euphemie, cujus diem passionis annua devotione recolimus, etiam fidei constantiam subsequamur. Per Dominum nostrum Jesum Christum.

Lectio libri Sapientie.

Confitebor tibi Domine rex, & collaudabo te Deum Salvatorem meum. Confitebor nomini tuo: quoniam adiutor & protector factus es mihi, & liberaisti corpus

meum a perditione, a laqueo lingue iniquæ, & a labiis operantium mendacium, & in conspectu astantium factus es mihi adiutor. Et liberaisti me secundum multitudinem misericordie nominis tui a rugientibus preparatis ad escam, de manibus querentium animam meam, & de portis tribulationum, quæ circumdederunt me: a presura flammæ, quæ circumdedit me, & in medio ignis non sum aestuata: de altitudine ventris inferi, & a lingua coinquinata, & a verbo mendacii, a rege iniquo, & a lingua injusta: laudabit usque ad mortem anima mea Dominum, quoniam eruis sustinentes te, & libera eos de manibus gentium Domine Deus noster.

Graduale. Dilexisti iustitiam, & odisti iniquitatem. *Propterea* unxit te Deus, Deus tuus, oleo lætitiæ. Alleluja, alleluja. *Spécie tua, & pulchritudine tua intendere, prospere procede, & regna.* Alleluja.

Sequentia sancti Evangelii secundum Matthæum.

In illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cælorum homini negotiatori, querenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile

est

est regnum cælorum sagenæ missæ in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione sæculi: exibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. At illis: Ideo omnis scriba doctus in regno cælorum, similis est homini patrifamilias, qui profert de thesauro suo nova & vetera.

Pragæ Credo.

Offertorium. Diffusa est gratia in labiis tuis, propterea benedixit te Deus in æternum, & in sæculum sæculi.

Secreta.

Munera, quæsumus Domine, oblata sanctifica: & cordibus nostris eam dilectionem validius infunde; qua beata Ludmilla mortis tormenta superavit. Per Dominum nostrum.

Pro S. Euphemia M.

Secreta.

Vota populi tui, quæsumus Domine, propitius intende: & cujus nos tribuis solennia celebrare; fac gaudere suffragiis. Per Dominum nostrum.

Communio. Principes persecuti sunt me gratis, & a verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

Sumpto salutari Sacramento, quæsumus Domine: ut sicut

iste panis cælestis beata Ludmillæ non defuit ad gratiam; ita nobis semper proficiat ad medelam. Per Dominum nostrum.

Pro S. Euphemia M.

Postcommunio.

Exaudi Domine preces nostras: & sanctæ Martyris tuæ Euphemie, cujus festa sollemniter celebramus, continuis foveamur auxiliis. Per Dominum nostrum Jesum Christum Filium tuum.

Eodem Die.

FESTUM

SS. Cornelii & Cypriani Pontificum & Martyrum. Missa: Intret de Comuni plurimorum Martyrum. Pag. xiiij.

Die 17. Septembris.

IN FESTO

S. Lamberti Episcopi & Martyris.

Introitus.

Statuisti ei Domine testamentum pacis, & principem fecisti eum: ut sit illi sacerdotii dignitas in æternum. *Psalmus.* Memoro Domine David, & omnis mansuetudinis ejus. *Glória Patri.*

Oratio.

Intercessio, quæsumus Domine: beati Lamberti Martyris tui atque Pontificis, tuam nobis non desinat placare iustitiam, & nostrum tibi devotum efficere famulatum. Per Dominum nostrum.

A a a a a

Lectio

Lectio Epistolæ beati Jacobi
Apostoli.

Charissimi, Beatus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se. Nemo cum tentatur, dicat quoniam à Deo tentatur: Deus enim intentator malorum est: ipse autem neminem tentat. Unusquisque verò tentatur à concupiscentia sua abstractus, & illéctus. Deinde concupiscentia cum concéperit, parit peccatum: peccatum verò cum consummátum fuerit, generat mortem. Nolite itaque errare fratres mei dilectissimi. Omne datum optimum, & omne donum perfectum, desús est, descendens à Patre lúminum: apud quem non est transmutatio, nec vicissitudinis obumbratio. Voluntariè enim genuit nos verbo veritatis, ut simus initium aliquod creaturæ ejus.

Graduale. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. **✠.** Nihil proficiet inimicus in eo, & filius iniquitatis non nocébit ei. Allelúja, allelúja. **✠.** Tu es sacerdos in ætérnum, secundum ordinem Melchisedech. Allelúja.

Sequéntia sancti Evangelii secundum Matthæum.

In illo tempore: Dixit Jesus discipulis suis: Vos estis sal terræ. Quòd si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mun-

di. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est. Nolite putare, quoniam veni solvere legem, aut prophetas: non veni solvere, sed adimplere. Amen quippe dico vobis, donec transeat cælum & terra, jota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cælorum: qui autem fecerit & docuerit, hic magnus vocabitur in regno cælorum.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Hostias tibi, Domine, B. Lamberti Martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dominum.

Communio. Semel juravi in sancto meo: semen ejus in ætérnum manébit: & sedes ejus sicut sol in conspectu meo, & sicut luna perfecta in ætérnum: & testis in cælo fidelis.

Postcommunio.

Refecti participatione muneris sacri, quæsumus Domine Deus noster: ut cujus exequimur cultum, intercedente B. Lamberto Martyre tuo atque Pontifice, sentiamus effectum. Per Dominum.

Eodem

Eodem Die.
FESTUM

Impressionis Stigmatum sancti Francisci.

Introitus.

Mihi autem absit gloriari, nisi in Cruce Domini nostri Jesu Christi: per quem mihi mundus crucifixus est, & ego mundo. **Psalmus.** Voce mea ad Dominum clamaui: voce mea ad Dominum deprecatus sum. **✠.** Gloria Patri.

Oratio.

Domine Jesu Christe, qui frigescente mundo, ad inflammandum corda nostra tui amoris igne, in carne beatissimi Francisci Passionis tue sacra Stigmata renovasti: concède propitius; ut ejus meritis & precibus crucem jugiter feramus, & dignos fructus poenitentiae faciamus. Qui vivis & regnas cum Deo Patre.

Lectio Epistolæ beati Pauli
Apostoli ad Galatas.

Fratres, Mihi autem absit gloriari, nisi in Cruce Domini nostri Jesu Christi: per quem mihi mundus crucifixus est, & ego mundo. In Christo enim Jesu, neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, & misericordia, & super Israël Dei. De cetero nemo mihi molestus sit: ego enim stigmata Domini Jesu in corpore meo porto.

Gratia Domini nostri Jesu Christi, cum spiritu vestro, fratres, Amen.

Graduale. Os justi medicabitur sapientiam: & lingua ejus loquetur judicium. **✠.** Lex Dei ejus in corde ipsius: & non supplantabuntur gressus ejus. Allelúja, allelúja. **✠.** Franciscus pauper, & humilis, cælum dives ingreditur, hymnis cælestibus honoratur. Allelúja.

Sequéntia sancti Evangelii secundum Matthæum.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucrétur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Munera, tibi Domine, dicata sanctifica: & intercedente beato Francisco, ab omni nos culpæ labe purifica. Per Dominum nostrum.

Communio. Fidelis servus & prudens, quem constituit Dominus

A a a a a 2

super

super familiam suam: ut det illis in tempore tritici mensuram.

Postcommunio.

DEUS, qui mira crucis mystéria in beato Francisco Confessore tuo multiformiter demonstrasti: da nobis quaesumus; devotionis suae semper exempla sectari, & assidua ejusdem crucis meditatione muniri. Per Dominum nostrum Jesum Christum Filium tuum: Qui tecum vivit & regnat in unitate.

Die 18. Septembris.

IN FESTO

S. Thomae de Villa-nova Episcopi & Confessoris. Missa: Statuit. ex Communi Confessoris Pontificis. Pag. xx. prater Orationem, quae dicitur ut infra.

Oratio.

DEUS, qui beatum Thomam Pontificem insignis in pauperes misericordiae virtute decorasti: quaesumus; ut ejus intercessione in omnes, qui te deprecantur, divitias misericordiae tuae benignus effundas. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

Die 19. Septembris.

IN FESTO

SS. Martyrum Januarii Episcopi, & Sociorum. Missa: Salus autem iustorum. ut in Communi plurimorum Martyrum. Pag. xvj.

Si sequens Festum SS. Eustachii & Sociorum Martyrum venerit in Quatuor Temporibus, in Ecclesiis

Cathedralibus, & Collegiatis dicuntur duae Missae, una de Sanctis sine commemoratione Quatuor Temporum, & Vigiliae: & altera de Quatuor Temporibus, cum commemoratione Vigiliae; & Tertia Oratio A Cunctis. Pag. lxxxix & in fine Missae non dicitur Evangelium de Vigilia.

Die 20. Septembris.

IN FESTO

SS. Eustachii & Sociorum Martyrum. Missa: Sapientiam sanctorum. de Communi plurimorum Martyrum. Pag. xiv.

Si hoc Festum venerit extra Dominicam sit commemoratio de Vigilia sancti Matthaei per Orationes, quae sumuntur ex Missa sequenti.

Die 20. Septembris.

IN VIGILIA

S. Matthaei Apostoli & Evangelistae.

Introitus.

Ego autem sicut oliva fructifera in domo Domini, speravi in misericordia Dei mei: & expe-

ctabo nomen tuum, quoniam bonum est ante conspectum sanctorum tuorum. **Psalmus.** Quid gloriaris in malitia: qui potens es in iniquitate. **Gloria Patri.**

Oratio.

DA, quaesumus, omnipotens Deus: ut beati Matthaei Apostoli tui & Evangelistae, quam pra-

venimus,

venimus, veneranda solemnitas, & devotionem nobis augeat, & salutem. Per Dominum nostrum.

Extra Bohemia in Missa de Vigilia, secunda Oratio erit de beata Maria, Concède. Tertia, pro Ecclesia, vel pro Papa. Pag. 315.

Lectio libri Sapientiae.

Benedictio Domini super caput iusti. Ideo dedit illi Dominus hereditatem, & divisit illi partem in tribubus duodecim: & invenit gratiam in conspectu omnis carnis. Et magnificavit eum in timore inimicorum, & in verbis suis monstravit. Glorificavit illum in conspectu regum, & iussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Et dedit illi coram praecipua, & legem vitae & disciplinae, & excelsum fecit illum. Statuit ei testamentum aeternum, & circumcinxit eum zona iustitiae: & induit eum Dominus coronam gloriae.

Graduale. Justus ut palma florebit: sicut cedrus Libani multiplicabitur in domo Domini. **Gloria Patri.** Ad annuntiandum manere misericordiam tuam, & veritatem tuam per noctem.

Sequentia sancti Evangelii secundum Lucam.

In illo tempore: Vidit Jesus publicanum nomine Levi, sedentem ad telonium, & ait illi: Sequere me. Et relictis omnibus, surgens secutus est eum. Et fecit ei convivium magnum Levi in domo

sua: & erat turba multa publicanorum, & aliorum qui cum illis erant discumbentes. Et murmurabant Pharisei & Scribae eorum, dicentes ad discipulos ejus: Quare cum publicanis & peccatoribus manducatis & bibitis? Et respondens Jesus, dixit ad illos: Non egent qui sani sunt medico, sed qui male habent. Non veni vocare justos, sed peccatores ad poenitentiam.

Offertorium. Gloria & honore coronasti eum: & constituisti eum super opera manuum tuarum Domine.

Secreta.


Apostolici reverentia culminis offerentes tibi sacra mystéria, Domine quaesumus: ut beati Matthaei Apostoli tui & Evangelistae suffragiis, cujus natalitia praevenimus, plebs tua semper & sua vota deprecatur, & desiderata percipiat. Per Dominum nostrum Jesum Christum Filium tuum.

Præfatio Communis. Pag. 278.

Communio. Magna est gloria ejus in salutari tuo: gloriam & magnum decorem impones super eum, Domine.

Postcommunio.

Sancti Apostoli tui & Evangelistae Matthaei, quaesumus Domine, supplicatione placatus: & veniam nobis tribue, & remedia sempiterna concede. Per Dominum nostrum Jesum Christum Filium tuum: Qui tecum vivit & regnat.



Die 21. Septembris.

IN FESTO

S. Matthæi Apostoli & Evangelistæ.

Introitus.

DS justi meditabuntur sapiëntiam, & lingua ejus loquetur iudicium: lex Dei ejus in corde

ipsius. **Psalmus.** Noli æmulari in malignantibus: neque zelaveris facientes iniquitatem. **Glória Patri.**

Oratio.

Beatissimi Apostoli & Evangelistæ Matthæi, Domine, precibus adjuvemur: ut quod possibilis nostra non obtinet; ejus nobis intercessione donetur. Per Dominum nostrum.

Lectio Ezechiëlis Prophætæ.

Similitudo vultus quatuor animalium, facies hominis, & facies leonis à dextris ipsorum quatuor: facies autem bovis, à sinistris ipsorum quatuor, & facies aquilæ desuper ipsorum quatuor. Facies eorum, & pennæ eorum extēntæ desuper: duæ pennæ singulorum jungēbantur, & duæ tegēbant corpora eorum: & unumquodque eorum coram facie sua ambulabat: ubi erat impetus spiritus, illuc gradiebantur, nec revertēbantur cum ambularent. Et similitudo animalium, aspectus eorum quasi carbonum ignis ardentium, & quasi aspectus lampadarum. Hæc erat visio discurrens in medio animalium,

splendor ignis, & de igne fulgur egrēdiens. Et animalia ibant, & revertēbantur in similitudinem fulguris coruscantis.

Graduale. Beatus vir, qui timet Dominum: in mandatis ejus cupit nimis. **Potens in terra erit semen ejus: generatio rectorum benedicetur.** Allelūja, allelūja. **Te gloriosus Apostolorum chorus laudat, Domine.** Allelūja.

Sequentia sancti Evangelii secundum Matthæum.

In illo tempore: Vidit Jesus hominem sedentem in telonio, Matthæum nomine. Et ait illi: Sequere me. Et surgens, secutus est eum. Et factum est discumbente eo in domo, ecce multi publicani & peccatores venientes discumbēbant cum Jesu, & discipulis ejus. Et vidētes Pharisei, dicebant discipulis ejus: Quare cum publicanis & peccatoribus manducat. Magister vester? At Jesus audiens, ait: Non est opus valentibus medicus, sed malè habentibus. Euntes autem discite quid est: misericordiam volo, & non sacrificium. Non enim veni vocare justos, sed peccatores. **Credo.**

Offertorium. Posuisti Domine in capite ejus coronam de lapide pretioso: vitam petiit à te, & tribuisti ei. Allelūja.

Secreta.

Supplicationibus beati Matthæi Apostoli & Evangelistæ, quaesumus Domine, Ecclesiæ tuæ commendetur oblatio: cujus magnificis prædicationibus eruditur. Per Dominum nostrum.

Præfatio

Præfatio de Apostolis. Pag. 263.

Communio. Magna est gloria ejus in salutari tuo: gloriam & magnum decorem impones super eum, Domine.

Postcommunio.

Precēptis, Domine, sacramentis, beato Matthæo Apostolo tuo & Evangelistæ interveniente deprecāmur: ut quæ pro ejus celebrata sunt gloria; nobis proficiant ad medelam. Per Dominum nostrum Jesum Christum.

Die 22. Septembris.

IN FESTO

SS. Martyrum Mauricii & Sociorum ejus.

Introitus.

Non taces in conspectu tuo Domine, gemitus compeditorum: redde vicinis nostris septu-

plum in sinu eorum: vindica sanguinem Sanctorum tuorum, qui effusus est. **Psalmus.** Deus venerunt Gentes in hereditatem tuam, polluerunt templum sanctum tuum: posuerunt Jerusalem in pomorum custodiam. **Glória Patri.**

Oratio.

Annue, quaesumus omnipotens Deus: ut sanctorum Martyrum tuorum Mauricii & Sociorum ejus, nos lætificet festiva sollemnitas; ut quorum suffragiis nitimur, eorum natalitiis gloriemur. Per Dominum nostrum.

Pro Commemoratione S. Emmerami Episcopi & Martyris.

Oratio.

DEUS, qui nos annua beati Emmerami Martyris tui atque Pontificis festivitate lætificas: da nobis ejus meritis intervenientibus, perpetua protectione muniri, & salutari gaudere profectu. Per Dominum nostrum.

Lectio libri Apocalypsis beati Joannis Apostoli.

In diebus illis: Respondit unus de senioribus, & dixit mihi: Hi, qui amicti sunt stolis albis, qui sunt? & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum Dei, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius, nec cadet super illos sol, neque ullus æstus: quoniam Agnus, qui in medio throni est, reget illos, & deducet eos ad vitæ fontes aquarum, & absterget Deus omnem lacrymam ab oculis eorum.

Graduale. Gloriosus Deus in sanctis suis: mirabilis in maiestate, faciens prodigia. **Dextera tua, Domine, glorificata est in virtute: dextera manus tua confrēgit inimicos.** Allelūja, allelūja. **Corpora sanctorum in pace sepulta sunt: & nomina eorum vivent in generatione & generationem.** Allelūja.

Sequen-

Sequentia sancti Evangelii
secundum Lucam.

IN illo tempore: Dixit Jesus discipulis suis: Cum audieritis praelia, & seditiones, nolite terri: oportet primum hac fieri, sed nondum statim finis. Tunc dicebat illis: Surget gens contra gentem, & regnum adversus regnum. & terramotus magni erunt per loca, & pestilentiae, & fames, terroresque de caelo, & signa magna erunt. Sed ante haec omnia injicient vobis manus suas, & persequentur, tradentes in synagogas & custodias, trahentes ad reges & praesides propter nomen meum: contingeret autem vobis in testimonium. Ponite ergo in cordibus vestris, non praemeditari quemadmodum respondeatis. Ego enim dabo vobis os & sapientiam, cui non poterunt resistere & contradicere omnes adversarii vestri. Trademini autem a parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro non peribit. In patientia vestra possidebitis animas vestras.

Offertorium. Mirabilis Deus in sanctis suis: Deus Israel ipse dabit virtutem & fortitudinem plebi suae: benedictus Deus. Alleluja.

Secreta.

Respice, quæsumus Domine, munera, quæ in sanctorum martyrum tuorum, Mauricii & sociorum ejus, commemoratione deferimus: & præsta; ut quorum honore sunt grata, eorum nobis fiant

intercessione perpetua. Per Dominum nostrum.

Pro S. Emmeramo.

Secreta.

Munera tibi, Domine, dicata sanctifica: & intercedente beato Emmeramo Martyre tuo atque Pontifice, per eadem nos placatus intende. Per Dominum nostrum Jesum Christum.

Communio. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Cœlestibus refecti sacramentis & gaudiis, supplices te rogamus Domine: ut quorum gloriamur triumphis; protegâmur auxiliis. Per Dominum nostrum.

Pro S. Emmeramo.

Postcommunio.

Hæc nos communio, Domine purget a crimine: & intercedente beato Emmeramo Martyre tuo atque Pontifice, cœlestis remedium faciat esse consortes. Per Dominum nostrum Jesum Christum Filium tuum.

Die 23. Septembris.

IN FESTO

S. Lini Papæ & Martyris.

Introitus.



Statu it ei Dominus testamentum pacis, & principem fecit eum: ut sit illi sacerdotii dignitas in æternum. **Psalmus.** Meménto Domine

ne

ne David, & omnis mansuetudinis ejus. **Gloria Patri.**

Oratio.

DEUS, qui nos beati Lini Martyris tui atque Pontificis annua solemnitate lætificas: concède propitius; ut cujus natalitia colimus, de ejusdem etiam protectione gaudeamus. Per Dominum nostrum Jesum Christum.

Deinde fit commemoratio S. Theclæ Virginis & Martyris, nisi fuerit Dominica: quia tunc commemoratio S. Theclæ fit in Dominica, & Festum S. Lini transfertur in aliam diem non impeditam.

Oratio.

DA, quæsumus, omnipotens Deus: ut qui beatæ Theclæ Virginis & Martyris tuæ natalitia colimus; & annua solemnitate lætémur, & tantæ fidei proficiamus exemplo.

Tertia Oratio. A Cunctis. Pag. lxxxix.

Lectio Epistolæ beati Jacobi
Apostoli.

Charissimi, Beatus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se. Nemo cum tentatur, dicat quoniam a Deo tentatur: Deus enim intentator malorum est: ipse autem neminem tentat. Unusquisque verò tentatur a concupiscentia sua abstractus, & illéctus. Deinde concupiscentia cum conceperit, parit peccatum: peccatum verò cum consummatur, fuerit, generat mortem. Nolite itaque errare fratres mei dilectissimi.

Omne datum optimum, & omne donum perfectum, desursum est, descendens a Patre luminum: apud quem non est transmutatio, nec vicissitudinis obumbratio. Voluntariè enim genuit nos verbo veritatis, ut simus initium aliquod creaturæ ejus.

Graduale. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. **Nihil proficiet inimicus in eo, & filius iniquitatis non cœbit ei. Alleluja, alleluja.** Tu es sacerdos in æternum, secundum ordinem Melchisedech. Alleluja.

Sequentia sancti Evangelii
secundum Lucam.

In illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum; nè, posteaquam posuerit fundamentum, & non poterit perficere, omnes qui vident, incipiant illudere ei, dicentes: quia hic homo cœpit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem milibus occurrere ei, qui cum vigin-

B b b b

ti

ti millibus venit ad se? alioquin, adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Munera tibi Domine, dicata sanctifica: & intercedente beato Lino Martyre tuo atque Pontifice, per eadem nos placatus intende. Per Dominum nostrum.

Pro S. Thecla. Secreta.

Suscipe Domine, munera, quæ in beatæ Theclæ Virginis & Martyris tuæ solemnitate deferimus: cujus nos confidimus patrocinio liberari.

Tertia, Exaudi nos. Pag. lxxxix.

Communio. Semel juravi in sancto meo: semen ejus in æternum manebit: & sedes ejus sicut sol in conspectu meo, & sicut luna perfecta in æternum: & testis in celo fidelis.

Postcommunio.

Hæc nos communio, Domine, purget à crimine: & intercedente beato Lino Martyre tuo atque Pontifice, cœlestis remediū faciat esse cōsortes. Per Dominum nostrum Jesum Christum.

Pro S. Thecla. Postcommunio.

Auxiliētur nobis, Domine, sumpta mystéria: & intercedente beatâ Theclâ Virgine & Martyre tua, sempiterna faciant protectione gaudere.

Tertia, Munder, & muniat. Pag. lxxxix.

Die 24. Septembris.

IN FESTO

B. Virginis Mariæ de Mercede.

Introitus.

Salve sancta parens, enixa puēpera Regem: qui cœlum terramque regit in sæcula sæculorum.

Psalmus. Eructavit cor meum verbum bonum: dico ego opera mea Regi. **Glória Patri.**

Oratio.

DEUS, qui per gloriosissimam Filii tui Matrem ad liberandos Christi fideles à potestate Paganorum nova Ecclesiam tuam prole amplificare dignatus es: præsta quæsumus; ut quam piè veneramur tanti operis Institutricem, ejus pariter meritis, & intercessione à peccatis omnibus, & captivitate dæmonis liberemur. Per eundem Dominum nostrum.

Lectio libri Sapientiæ.

AB initio, & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei hæreditas illius, & in plenitudine sanctorum detentio mea.

Graduale.

Graduale. Benedicta & venerabilis es Virgo Maria: quæ sine tactu pudoris, inventa es mater Salvatoris. **Virgo Dei genitrix,** quem totus non capit orbis, in tua se clausit viscera, factus homo. Allelûja, allelûja. **Post partum** Virgo inviolata permansisti: Dei genitrix intercede pro nobis. Allelûja.

Sequentia sancti Evangelii secundum Lucam.

In illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit; & ubera, quæ suxisti. At ille dixit: Quinimò beati, qui audiunt verbum Dei, & custodiunt illud. **Credo.**

Offertorium. Ave Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

Tua, Domine, propitiatio, & beatæ Mariæ semper Virginis intercessio, ad perpetuam atque præsentem hæc oblatio nobis proficiat prosperitatem & pacem. Per Dominum nostrum.

Communio. Beata viscera Mariæ Virginis, quæ portaverunt æterni Patris Filium.

Postcommunio.

Sumptis, Domine, salutis nostræ subsidiis: da quæsumus, beatæ Mariæ semper Virginis patrocinio nos ubique protegi; in cujus veneratione, hæc tuæ obtulimus majestati. Per Dominum nostrum Jesum Christum Filium tuum: Qui tecum vivit.

Die 26. Septembris.

IN FESTO

SS. Martyrum Cypriani & Justinæ. Missa: Salus autem justorum. ut in Communi plurimorum Martyrum. Pag. xvj. præter Orationes, quæ dicuntur ut infra.

Oratio.

Beatorum Martyrum Cypriani & Justinæ nos, Domine, foveant continuata præsidia: quia non desinis propitius intueri; quos talibus auxiliis concesseris adjuvari. Per Dominum nostrum.

Secreta.

Munera tibi, Domine, nostræ devotionis offerimus: quæ & pro tuorum tibi grata sint honore justorum; & nobis salutaria, te miserante, reddantur. Per Dominum nostrum Jesum Christum.

Postcommunio.

Presta nobis, quæsumus Domine, intercedentibus sanctis Martyribus tuis Cypriano & Justina: ut quod ore contingimus; pura mente capiamus. Per Dominum nostrum Jesum Christum.

Die 27. Septembris.

IN FESTO

SS. Martyrum Cosmæ & Damiani.

Introitus.

Sapientiam sanctorum narrent populi: & laudes eorum nuntiet Ecclesia: nomen autem eorum vivent in sæculum sæculi. **Psalmus.**

B b b b b 2

Exultate

^{Psal.}
^{32.} Exultate iusti in Domino: rectos decet collaudatio. ✠. Glória Patri.

Oratio.

Presta quæsumus omnipotens Deus: ut qui sanctorum Martyrum tuorum Cosmæ & Damiani natalitia colimus, à cunctis malis imminentibus eorum intercessionibus liberemur. Per Dominum nostrum Jesum Christum.

Pro Commemoratione Translationis S. Sigismundi M.

Oratio.

DEUS, qui nos concedis sancti tui Sigismundi allationem colere: da nobis in æterna lætitia de ejus societate gaudere. Per Dominum nostrum Jesum Christum.

Lectio libri Sapientie.

^{Sap.}
^{f. c.} **J**usti autem in perpetuum vivent, & apud Dominum est merces eorum, & cogitatio illorum apud Altissimum. Ideo accipient regnum decoris, & diadema speciei de manu Domini: quoniam dextera sua teget eos, & brachio sancto suo defendet illos. Accipiet armaturam zelus illius, & armabit creaturam ad ultionem inimicorum. Induet pro thorace justitiam, & accipiet pro galea iudicium certum. Sumet scutum inexpugnabile æquitatem.

^{Psal.}
^{33.} **Graduale.** Clamaverunt iusti, & Dominus exaudivit eos, & ex omnibus tribulationibus eorum liberavit eos. ✠. Juxta est Dominus his, qui tribulato sunt corde: & humiles spiritu salvabuntur. Allelúja, allelúja. ✠. Hæc est vera fraternitas, quæ vincit mundi crimi-

na: Christum secuta est, incluta tenens regna cælestia. Allelúja.

Sequentia sancti Evangelii secundum Lucam.

^{Lucæ}
^{6. c.} **I**n illo tempore: Descendens Jesus de monte, stetit in loco campetri, & turba discipulorum ejus, & multitudo copiosa plebis ab omni Judæa, & Jerúsalem, & maritima, & Tyri, & Sidonis, qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, & cum separaverint vos, & exprobraverint vos, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in celo.

^{Psal.}
^{5.} **Offertorium.** Gloriabuntur in te omnes, qui diligunt nomen tuum: quoniam tu Domine benedices justo: Domine, ut scuto bonæ voluntatis tuæ coronasti nos.

Secreta.

Sanctorum tuorum nobis Domine, pia non desit oratio: quæ & muneris nostra conciliet; & tuam nobis indulgentiam semper obtineat. Per Dominum nostrum Jesum Christum.

Pro

Pro S. Sigismundo.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cujus solemnitate deferatur. Per Dominum nostrum.

^{Psal.}
^{78.} **Communio.** Posuerunt mortalia servorum tuorum, Domine, escas volatilibus cæli, carnes sanctorum tuorum bestis terræ: secundum magnitudinem brachii tui posside filios morte punitorum.

Postcommunio.

Protegat, quæsumus Domine, populum tuum & participatio cælestis indulgentia convivii, & deprecio collata Sanctorum. Per Dominum nostrum Jesum Christum.

Pro S. Sigismundo.

Postcommunio.

Refecti participatione muneris sacri, quæsumus Domine Deus noster: ut cujus exequimur cultum; intercedente beato Sigismundo Martyre tuo, sentiamus effectum. Per Dominum nostrum Jesum Christum.

Die 28. Septembris.

IN FESTO

S. Wenceslai Martyris, Ducis, & Patroni Regni.

Introitus.

^{Psal.}
^{20.} **I**n virtute tua, Domine, lætabitur justus: & super salutare tuum exultabit vehementer: desiderium animæ ejus tribuisti ei.

^{Psal.}
^{117.} **Psalmus.** Quoniam prævenisti eum in benedictionibus dulcedinis: posuisti in capite ejus coronam de lapide pretioso. ✠. Glória Patri.

Oratio.

DEUS, qui beati Wenceslai nobilitatem in meliorem mutasti dignitatem, & eum per martyrii palmam ad cælestem perduxisti gloriam: ejus precibus nos ab omni adversitate custodi, & ejusdem tribue gaudere consortio. Per Dominum nostrum.

Lectio libri Sapientie.

^{Sap.}
^{10. b.} **J**ustum deduxit Dominus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complèvit labores illius. In fraude circumvenientium illum affuit illi: & honestum fecit illum. Custodivit illum ab inimicis, & à seductoribus tutavit illum, & certamen forte dedit illi ut vinceret, & sciret quoniam omnium potèntior est sapientia. Hæc venditum justum non dereliquit, sed à peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potèntiam adversus eos qui eum deprimebant: & mendaces ostendit, qui maculaverunt illum: & dedit illi claritatem æternam, Dominus Deus noster.

^{Psal.}
^{117.} **Graduale.** Beatus vir, qui timet Dominum: in mandatis ejus cupit nimis. ✠. Potens in terra erit semen ejus: generatio rectorum benedicetur. Allelúja, allelúja. ✠. Posuisti Domine super caput

B b b b b 3

ejus

ejus coronam de lapide pretioso.
Allelúja.

Sequéntia sancti Evangelii
secundum Matthæum.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucratur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Credo. in Bohemia.

Offertorium. Glória & honore coronasti eum: & constituisti eum super opera manuum tuarum Domine.

Secreta.

Oblationem hanc, omnipotens Deus, altari tuo superpositam, beati Wenceslai Martyris intercessio tibi reddat acceptam, & nobis jugiter faciat esse salutarem. Per Dominum nostrum.

Communio. Qui vult venire post me, abneget semetipsum: & tollat crucem suam, & sequatur me.

Postcommunio.

Quæsumus omnipotens Deus, ut cælestia sacramenta, quæ sumpsimus: intercedente beato Wenceslao Martyre tuo, à peccatis absolutos, ad suum faciant purior-

res venire principium. Per Dominum nostrum Jesum Christum.

Infra Octavam S. Wenceslai
dicitur Missa sicut in Festo, cum secunda Oratione de B. V. Concède tertia pro Ecclesia vel Papa. Pag. 315.

Die 29. Septembris.
IN DEDICATIONE
S. Michaelis Archangeli.

Introitus.

Benedicite Dominum omnes Angeli ejus: potentes virtute, qui facitis verbum ejus. **Psalmus.** Benedic anima mea Domino: & omnia, quæ intra me sunt, nomini sancto ejus. **Gloria Patri.**

ad audiendam vocem sermonum ejus. **Psalmus.** Benedic anima mea Domino: & omnia, quæ intra me sunt, nomini sancto ejus. **Gloria Patri.**

Oratio.

DEUS, qui miro ordine Angelorum ministeria hominumque dispensas: concède propitius; ut à quibus tibi ministrantibus in cælo semper assistitur, ab his in terra vita nostra muniatur. Per Dominum nostrum Jesum Christum.

Et hæc Oratio tantum dicitur.

Lectio libri Apocalypsis beati Joannis Apostoli.

In diebus illis: Significavit Deus quæ oportet fieri cito, mittens per Angelum suum servo suo Joanni: qui testimonium perhibuit verbo Dei, & testimonium Jesu Christo, quæcumque vidit. Beatus,

qui

qui legit, & audit verba prophetiæ hujus: & servat ea, quæ in ea scripta sunt. Tempus enim propè est. Joannes septem Ecclesiis, quæ sunt in Asia. Grátia vobis, & pax ab eo, qui est, & qui erat, & qui venturus est; & à septem spiritibus, qui in conspectu throni ejus sunt; & à Jesu Christo, qui est testis fidelis, primogenitus mortuorum, & princeps regum terræ, qui dilexit nos, & lavit nos à peccatis nostris in sanguine suo.

Graduale. Benedicite Dominum omnes Angeli ejus, potentes virtute, qui facitis verbum ejus. **Psalmus.** Benedic anima mea Domino, & omnia interiora mea nomen sanctum ejus. Allelúja, allelúja. **Sancte Michaël Archangele** defende nos in prælio: ut non pereamus in tremendo judicio. Allelúja.

Sequéntia sancti Evangelii
secundum Matthæum.

In illo tempore: Accesserunt discipuli ad Jesum, dicentes: Quis putas, major est in regno cælorum? Et advocans Jesus parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum cælorum. Quicumque ergo humiliaverit se, sicut parvulus iste, hic est major in regno cælorum. Et qui susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris. Væ mundo à

scandalis. Necessè est enim ut veniant scandala: verumtamen væ homini illi, per quem scandalum venit. Si autem manus tua, vel pes tuus scandalizat te: abscide eum, & projice abs te: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. Videte, ne contemnatis unum ex his pusillis: dico enim vobis quia Angeli eorum in cælis semper vident faciem Patris mei, qui in cælis est. **Credo.**

Offertorium. Stetit Angelus juxta aram templi, habens thuribulum aureum in manu sua, & data sunt ei incensa multa: & ascendit fumus aromaticum in conspectu Dei. Allelúja.

Secreta.

Hostias tibi, Domine, laudis offerimus, suppliciter deprecantes: ut easdem Angelico pro nobis interveniente suffragio, & placatus accipias, & ad salutem nostram provenire concedas. Per Dominum nostrum.

Communio. Benedicite omnes Angeli Domini Dominum: hymnum dicite, & superexaltate eum in sæcula.

Postcommunio.

Beati Archangeli tui Michaelis intercessione suffulti, supplices te Domine deprecamur: ut quod ore prosequimur; contingamus & mente. Per Dominum nostrum.

Die

Die 30. Septembris.

IN FESTO

S. Hieronymi Presbyteri Confessoris, & Ecclesiae Doctoris.

Introitus.

IN medio Ecclesiae aperuit os ejus: & implevit eum Dominus spiritu sapientiae & intel-

lectus: stolam gloriae induit eum.

Psalmus. Bonum est confiteri Domino: & psallere nomini tuo, Altissime. **Glória Patri.**

Oratio.

DEUS, qui Ecclesiae tuae in exponendis sacris Scripturis beatum Hieronymum Confessorem tuum, Doctorem maximum providere dignatus es: presta quaesumus; ut ejus suffragantibus meritis, quod ore simul & opere docuit, te adjuvante exercere valeamus. Per Dominum nostrum.

Lectio Epistolae beati Pauli
Apóstoli ad Timotheum.

Charissime, Testificor coram Deo & Jesu Christo, qui iudicaturus est vivos, & mortuos, per adventum ipsius, & regnum ejus: praedica verbum, inste opportune, importune: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, pruriéntes auribus: & a veritate quidem auditum avértent, ad fabulas autem converténtur

Tu verò vigila, in omnibus labora, opus fac Evangelistae, ministerium tuum imple. Sobrius esto. Ego enim jam delibor, & tempus resolutionis meae instat. Bonum certamen certavi, cursum consummavi, fidem servavi. In reliquo reposita est mihi corona justitiae, quam reddet mihi Dominus in illa die, justus iudex: non solum autem mihi, sed & iis qui diligunt adventum ejus.

Graduale. Os iusti meditabitur sapientiam: & lingua ejus loquetur iudicium. **Lex Dei ejus in corde ipsius: & non supplantabitur gressus ejus. Allelúja, allelúja.** **Amavit eum Dominus, & ornavit eum: stolam gloriae induit eum. Allelúja.**

Sequentia sancti Evangelii
secundum Matthaeum.

In illo tempore: Dixit Jesus discipulis suis: Vos estis sal terrae. Quod si sal evanuerit, in quo salietur? ad nihilum valet ultra, nisi ut mittatur foras, & conculetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in caelis est. Nolite putare quoniam veni solvere legem, aut prophetas: non veni solvere, sed adimplere. Amen quippe dico vobis, donec transeat caelum & terra, jota unum, aut unus apex

non

FESTA OCTOBIS.

Dominica I. Octobris non impedita per Dedicationem Ecclesiae Metropolitanæ

FESTUM

SS. Rosarii B. V. Mariae.
secus Dominica sequenti celebratur.

Introitus.

Salve sancta parens, enixa puérpera Regem: qui caelum terramque regit in saecula saeculorum. **Psalmus.** Eructavit cor meum verbum bonum: dico ego opera mea Regi. **Glória Patri.**

Oratio.

DEUS, cujus Unigenitus, per vitam, mortem, & resurrectionem suam, nobis salutis aeternae praemia comparavit: concede quaesumus; ut haec mysteria Sanctissimo beatæ Mariæ Virginis Rosario recolentes, & imitemur quod continent, & quod promittunt, assequamur. Per eundem Dominum.

Et fit Commemoratio Dominicae occurrentis.

Lectio libri Sapientiae.

AB initio, & ante saecula creatus sum, & usque ad futurum saeculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicaui in populo ho-

C c c c c

norifi-

non praeteribit a lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno caelorum: qui autem fecerit & docuerit, hic magnus vocabitur in regno caelorum. **Credo.**

Offertorium. Justus ut palma florebit: sicut cedrus, quae in Libano est, multiplicabitur.

Secreta.

Donis caelestibus, da nobis, quaesumus Domine, libera tibi mente servire: ut munera, quae deferimus, interveniente beato Hieronymo Confessore tuo, & medelam nobis operentur, & gloriam. Per Dominum nostrum.

Communio. Fidelis servus & prudens, quem constituit dominus super familiam suam: ut det illis in tempore tritici mensuram.

Postcommunio.

Repleti alimonia caelesti, quaesumus Domine: ut interveniente beato Hieronymo Confessore tuo, misericordiae tuae gratiam consequi mereamur. Per Dominum nostrum Jesum Christum Filium tuum.

Prima Dominica post hoc Festum, in Dedicatione Metropolitanae Pragensis. Missa: Terribilis. Pag. xli. cum commemoratione Dominicae currentis, & celebratur Prae ga cum Octava.



norificatio, & in parte Dei mei hereditas illius, & in plenitudine sanctorum detentio mea.

Graduale. Benedicta & venerabilis es Virgo Maria, quæ sine tactu pudoris, inventa es Mater Salvatoris. ✠ Virgo Dei Genitrix, quem totus non capit orbis, in tua se clausit viscera factus homo. Allelúja, allelúja. ✠ Post partum, Virgo, inviolata permansisti: Dei Genitrix intercede pro nobis. Allelúja.

Sequentia sancti Evangelii secundum Lucam.

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit; & ubera, quæ suxisti. At ille dixit: Quinimodo beati, qui audiunt verbum Dei, & custodiunt illud.

Credo.

Offertorium. Ave Maria, gratia plena: Dominus tecum: Benedicta tu in mulieribus: & benedictus fructus ventris tui.

Secreta.

FAc nos quæsumus, Domine, his munéribus offerendis convenienter aptari, & per Sanctissimi Rosarii mystéria sic vitam, Passionem, & glóriam Unigeniti tui recollere, ut ejus digni promissionibus efficiamur. Per eundem Dominum nostrum.

Deinde fit Commemoratio Dominicæ.

Præfatio. Et te in Solemnitate beate Mariæ semper Virginis. Pag. 260.

Communio. Beata viscera Ma-

riæ Virginis, quæ portaverunt æterni Patris Filium.

Postcommunio.

Sanctissimæ Genitricis tuæ, cuius Rosarium celebramus, quæsumus Domine, precibus adjuvemur: ut, & mysteriorum, quæ recollimus, virtus percipiatur, & Sacramentorum quæ sumpsimus, obtineatur effectus. Qui vivis.

Deinde fit Commemoratio Dominicæ.

Die 1. Octobris.

IN FESTO

S. Remigii Episcopi & Confessoris
Missæ: Statuit ei de Communi
Confessoris Pontificis. Pag. xx.

Die 2. Octobris.

Extra Bohemiâ SS. Angelorum Custodum. Vide supra. Pag. 624.

Die 4. Octobris.

IN FESTO

S. Francisci Confessoris.

Introitus.

Mihi autem absit gloriari, nisi in Cruce Domini nostri Jesu Christi: per quem mihi mundus crucifixus est, & ego mundo. **Psalmus.** Voce mea ad Dominum clamavi: voce mea ad Dominum deprecatus sum. ✠ Gloria Patri.

Oratio.

DEUS, qui Ecclesiam tuam beati Francisci méritis, foetu novæ prolis amplifcas: tribue nobis,

ex

ex ejus imitatione terrena despice-re, & cælestium donorum semper participatione gaudere. Per Dominum nostrum.

Lectio Epistolæ beati Pauli
Apóstoli ad Galatas.

Fratres, Mihi autem absit gloriari, nisi in Cruce Domini nostri Jesu Christi: per quem mihi mundus crucifixus est, & ego mundo. In Christo enim Jesu, neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, & misericordia, & super Israël Dei. De cetero nemo mihi molestus sit: ego enim stigmata Domini Jesu in corpore meo porto. Gratia Domini nostri Jesu Christi, cum spiritu vestro, fratres, Amen.

Graduale. Os justi meditabitur sapientiam: & lingua ejus loquetur judicium. ✠ Lex Dei ejus in corde ipsius: & non supplantabuntur gressus ejus. Allelúja, allelúja. ✠ Franciscus pauper & humilis, cælum dives ingreditur, hymnis cælestibus honoratur. Allelúja.

Sequentia sancti Evangelii
secundum Matthæum.

IN illo tempore: Respondens Jesus, dixit: Confiteor tibi Pater, Domine cæli & terræ, quia abscondisti hæc a sapientibus, & prudentibus, & revelasti ea parvulis. Itæ Pater: quoniam sic fuit placitum ante te. Omnia mihi tradita sunt a Patre meo. Et nemo novit Filium nisi Pater: neque Patrem quis novit, nisi Filius, & cui

voluerit Filius revelare. Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite à me, quia mitis sum, & humilis corde: & inveniatis requiem animabus vestris. Jugum enim meum suave est, & onus meum leve.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Munera tibi, Domine, dicata sanctifica: & intercedente beato Francisco, ab omni nos culpæ labe purifica. Per Dominum nostrum Jesum Christum.

Communio. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

Ecclésiā tuam, quæsumus Domine, gratia cælestis amplifcet: quam beati Francisci Confessoris tui illuminare voluisti gloriosis méritis, & exemplis. Per Dominum nostrum Jesum Christum.

Die 5. Octobris.

IN OCTAVA

S. Wenceslai. Missa in Bohemia: ut in illius Festo.

Eodem Die.

IN FESTO

SS. Placidi, & Sociorum Martyrum.
Missæ: Salus autem Justorum. ut in Communi plurimorum Martyrum.
Pag. xvj. præter Orationes quæ sumuntur ex Missa: Sapientiam. Pag. xiv. & xv.

C e c c c 2

Die

Die 6. Octobris.
IN FESTO
S. Brunonis Confessoris.

Introitus.



Qusti meditabitur sapientiam, & lingua ejus loquetur iudicium: lex Dei ejus in corde

ipsius. **Psalms.** Noli æmulari in malignantibus: neque zelaveris facientes iniquitatem. **Gloria Patri.**

Oratio.

Sancti Brunonis Confessoris tui, quæsumus Domine, intercessionibus adjuvemur: ut qui Majestatem tuam graviter delinquendo offendimus; ejus meritis & precibus, nostrorum delictorum veniam consequamur. Per Dominum nostrum.

Lectio libri Sapientie.

Beatius vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus; facere mala, & non fecit. Ideo stabilita sunt bona illius in Domino, & elemosynas illius enarrabit omnis Ecclesia sanctorum.

Graduale. Justus ut palma florebit: sicut cedrus Libani multiplicabitur in domo Domini. **Ad**

annuntiandum mane misericordiam tuam, & veritatem tuam per noctem. Alleluja, alleluja. **Beatus** vir, qui suffert tentationem: quoniam cum probatus fuerit, accipiet coronam vitæ. Alleluja.

Sequentia sancti Evangelii
secundum Lucam.

In illo tempore: Dixit Jesus discipulis suis: Siat lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis: ut cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: Amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodiri domum suam. Et vos estote parati: quia qua hora non putatis, Filius hominis veniet.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Laudis tibi, Domine, hostias immolamus, in tuorum commemoratione sanctorum: quibus nos & presentibus exui malis confidimus, & futuris. Per Dominum nostrum.

Communio. Beatus servus, quem, cum venerit dominus, invenit

nerit vigilanter: amen dico vobis, super omnia bona sua constituet eum.

Postcommunio.

Quæsumus omnipotens Deus: ut qui cœlestia alimenta percipimus, intercedente beato Brunone Confessore tuo, per hæc contra omnia adversa muniamur. Per Dominum nostrum Jesum Christum Filium tuum.

Die 7. Octobris.

IN FESTO

S. Marci Papæ & Confessoris. Missa: Sacerdotes tui Domine. ut in Comuni Confessoris Pontificis. Pag. xxj. præter Orationes, quæ dicuntur ut infra.

Oratio.

Exaudi, Domine, preces nostras, & interveniente beato Marco Confessore tuo atque Pontifice, indulgentiam nobis tribue placatus & pacem. Per Dominum nostrum.

Pro Commemoratione SS. Martyrum Sergii, Bacchi, Marcelli & Apuleji.

Oratio.

Sanctorum Martyrum tuorum nos, Domine, Sergii, Bacchi, Marcelli, & Apuleji beata merita prosequantur: & tuo semper faciant amore ferventes. Per Dominum nostrum.

Secreta.

Accepta tibi sit Domine, sacrae plebis oblatio, pro tuorum honore sanctorum: quorum se meritis percepisse de tribulatione cognoscit auxilium. Per Dominum nostrum.

Pro SS. Martyribus Sergio, Baccho, Marcello, & Apulejo.

Secreta.

Majestatem tuam nobis, Domine quæsumus, hæc hostia reddat immolanda placatam, tuorum digna postulatione sanctorum. Per Dominum nostrum.

Postcommunio.

Da quæsumus Domine, fidelibus populis sanctorum tuorum semper veneratione lætari, & eorum perpetua supplicatione muniri. Per Dominum nostrum.

Pro SS. Martyribus Sergio, &c. Postcommunio.

Sacramentis, Domine, muniamur acceptis: & sanctorum Martyrum tuorum Sergii, Bacchi, Marcelli, & Apuleji intercessionibus, contra omnes nequitias irruentes, armis cœlestibus protegāmur. Per Dominum nostrum Jesum Christum Filium tuum.

Die 8. Octobris.

IN FESTO

S. Birgittæ Viduæ. Missa: Cognovi Domine. de Comuni nec Virginis, nec Martyris. Pag. xxxix. præter Orationem primam.

Oratio.

Domine Deus noster, qui beata Birgittæ per Filium tuum Unigenitum secreta cœlestia revelasti: ipsius pia intercessionibus da nobis famulis tuis, in revelatione sempiternæ gloriæ tuæ gaudere lætantes. Per eundem Dominum nostrum Jesum Christum.


Epistola. Charissime, Viduas honora. Pag. xlj.

Die 9. Octobris.

IN FESTO

SS. Martyrum Dionysii, Rustici, & Eleutherii.

Introitus.



Sapiéntiam San-
ctorum narrent
pópuli, & laudes
eorum nuntiet
Ecclesia: nóni-
na autem eorum

vivent in sæculum sæculi. *Psalmus.*

Psalm. 32.
Exultate iusti in Dómino: rectos
decet collaudatio. *V.* Glória Patri.

Oratio.

DEUS, qui hodierna die be-
atum Dionysium Mátyrem
tuum atque Pontíficem, virtúte
constántiæ in passiõne roborásti:
quíque illi ad prædicandum Gén-
tibus glóriam tuam, Rústicum &
Eleuthérium sociare dignátus es:
tribue nobis quæsumus, eorum imi-
tatiõne pro amóre tuo prospéra
mundi despícere, & nulla ejus ad-
vèrsa formidare. Per Dóminum
nostrum.

Lectio Actuum Aposto-
lorum.

Act. 17. c.
IN diébus illis: Stans Paulus in
medio Areopági, ait: Viri Athe-
nienses, per ómnia quasi supersti-
tiosiores vos video. Præteriens
enim, & videns simulacra vestra,
inveni & aram, in qua scriptum e-
rat: Ignóto Deo. Quod ergo
ignorantes colitis, hoc ego annún-
tio vobis. Deus, qui fecit mun-
dum, & ómnia quæ in eo sunt, hic
celi & terræ cum sit Dóminus, non

in manufactis templis hábitat, nec
mánibus humanis colitur, indigens
áliquo, cum ipse det ómnibus vi-
tam, & inspiratiõnem, & ómnia:
fecitque ex uno omne genus hó-
minum inhabitare super univér-
sam faciém terræ, definíens statu-
ta témpora, & téminos habitati-
onis eorum, quærere Deum, si for-
tè attréctent eum, aut invéniant,
quamvis non longè sit ab uno quo-
que nostrum. In ipso enim vívi-
mus, & movémur, & sumus: sicut
& quidam vestrorum Poëtárum di-
xérunt: Ipsius enim & genus su-
mus. Genus ergo cum simus Dei,
non debémus æstimare auro aut
argénto, aut lápidi, sculpturæ ar-
tis, & cogitatiõnis hóminis, Divi-
num esse simile. Et témpora qui-
dem hujus ignorantiæ despiciens
Deus, nunc annútiat hominibus,
ut omnes ubique pœniténtiam a-
gant, eò quòd statuit diem, in quo
judicáturus est orbem in æquitáte,
in viro, in quo statuit, fidem præ-
bens ómnibus, suscitans eum à
mórtuis. Cum audissent autem
resurrectiõnem mortuorum, qui-
dam quidem irridébant, quidam
verò dixerunt: Audiémus te de
hoc iterum. Sic Paulus exiit de
medio eorum. Quidam verò vi-
ri adhæréntes ei, crediderunt: in
quibus & Dionysius Areopágeta,
& mulier nómine Dámaris, & alii
cum eis.

Psalm. 123.
Graduale. Anima nostra, sicut
passer, erépta est de láqueo venán-
tium. *V.* Láqueus contritus est,
& nos liberati sumus: adiutorium
nostrum in nómine Dómini, qui
fecit cælum & terram. Allelúja,
allelúja.

Psalm. 67.
allelúja. *V.* Iusti epuléntur, &
exúltent in conspéctu Dei: & de-
lecténtur in lætítia. Allelúja.

Sequéntia sancti Evangelii se-
cundum Lucam.

Lucæ 12. 2.
IN illo témpore: Dixit Jesus di-
scípulis suis: Atténdite à fer-
mento Phariseorum, quod est hy-
pócrisis. Nihil autem opértum est,
quod non revelétur: neque ab-
scónditum, quod non sciátur. Quo-
niam quæ in ténebris dixístis, in
lúmine dicéntur: & quod in au-
rem locúti estis in cubiculis, præ-
dicábitur in tectis. Dico autem
vobis amicis meis: Nè terreámi-
ni ab his qui occidunt corpus, &
post hæc non habent ampliùs quid
fáciant. Osténdam autem vobis
quem timeátis: timéte eum, qui
postquam occiderit, habet potestá-
tem mittere in gehénnam. Ità
dico vobis hunc timéte. Nónne
quinque passerés vaneunt dipón-
dio, & unus ex illis non est in obli-
viõne coram Deo? Sed & capilli
capitis vestri omnes numeráti sunt.
Nólite ergo timére: multis passé-
ribus pluri estis vos. Dico au-
tem vobis: Omnis quicúmque con-
fessus fuerit me coram hominibus,
& Filius hóminis confitébitur il-
lum coram Angelis Dei.

Psalm. 149.
Offertorium. Exultábunt sancti
in glória, lætabúntur in cubilibus
suis: exaltatiões Dei in faucibus
eorum. Allelúja.

Secreta.

Oblata tibi Dómine múnera pó-
puli tui, pro tuorum honó-
re Sanctorum, suscipe propítius,
quæsumus: & eorum nos interce-

siõne sanctífica. Per Dóminum
nostrum Jesum Christum.

Lucæ 12. 2.
Communio. Dico autem vobis
amicis meis: nè terreámini ab his,
qui vos persequúntur.

Postcommunio.

Sumptis, Dómine, sacraméntis,
quæsumus: ut intercedéntibus
beáteis Mátyribus tuis, Dionysio,
Rústico, & Eleuthério, ad redem-
ptiõnis æternæ proficiámus au-
gméntum. Per Dóminum nostrum.

Die 10. Octobris.

IN FESTO

SS. Gereonis & Sociorum Marty-
rum. Missa: Intret. ut in Commu-
ni plurimorum Martyrum. Pag. xij.
præter Orationem sequentem.

Oratio.

DEUS, qui hunc diem beatô-
rum Mátyrum tuorum Ge-
reónis, Cassii atque Floréntii, so-
ciorumque eorum passiõne conse-
crásti: præsta quæsumus; ut eô-
rum suffrágia apud te sentiámus in
cælis, quorum hic pio amóre so-
lémnia venerámur in terris. Per
Dóminum nostrum.

Eodem Die.

FESTUM

S. Francisci Borgie Confessoris.

Introitus.



Os iusti meditábi-
tur sapiéntiam,
& lingua ejus
loquétur judi-
cium: lex Dei
ejus in corde
ipsius. *Psalmus.* Noli æmulári in
malignán-

malignantibus: neque zelaveris facientes iniquitatem. ✠ Glória Patri.

Oratio.

Domine Jesu Christe, veræ humilitatis & exemplar, & præmium: quæsumus, ut sicut beatum Franciscum in terræni honoris contemptu imitatore tu gloriosum effecisti; ita nos ejusdem imitationis, & gloriæ tribuas esse consortes. Qui vivis & regnas cum Deo Patre in unitate Spiritus sancti Deus.

Lectio libri Sapientie.

Dilectus Deo & hominibus, cuius memoria in benedictione est. Similem illum fecit in gloria sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ & disciplinæ.

Graduale. Domine, prævenisti eum in benedictionibus dulcedinis: posuisti in capite ejus coronam de lapide pretioso. ✠ Vitam petiit à te, & tribuisti ei longitudinem dierum in sæculum sæculi. Allelûja, allelûja. ✠ Justus ut palma florebit: sicut cedrus Libani multiplicabitur. Allelûja.



Sequentia sancti Evangelii secundum Matthæum.

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, iudicantes duodecim tribus Israël. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.

Offertorium. Desiderium animæ ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Domine, hostias superpositas sanctus Franciscus Borgias quæsumus, in salutem nobis provenire deprecatur. Per Dominum nostrum Jesum Christum.

Communio. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

Protegat nos, Domine, cum tui perceptione sacramenti beatus Franciscus Borgias pro nobis intercedendo: ut & conversationis ejus experiamur insignia, & intercessionis percipiamus suffragia. Per

Dominum

Dominum nostrum Jesum Christum Filium tuum: Qui tecum vivit & regnat.

Die 13. Octobris.

IN FESTO

S. Eduardi Regis Confessoris. Misericordia: Os justi. ut in Communi Confessoris non Pontificis. Pag. xxvj. cum Oratione sequenti.

Oratio.

DEUS, qui beatum Regem Eduardum Confessorem tuum æternitatis gloria coronasti: fac nos, quæsumus, ita eum venerari in terris; ut cum eo regnare possimus in cælis. Per Dominum nostrum Jesum Christum Filium tuum: Qui tecum vivit & regnat.

Die 14. Octobris.

IN FESTO

S. Callisti Papæ & Martyris.

Introitus.

Sacerdotes Dei benedicite Dominum: sancti & humiles corde laudate Deum.

Psalmus. Benedicite omnia opera Domini Domino: laudate & superexaltate eum in sæcula. ✠ Glória Patri.

Oratio.

DEUS, qui nos conspicias ex nostra infirmitate deficere: ad amorem tuum nos misericorditer per Sanctorum tuorum exempla restaura. Per Dominum nostrum Jesum Christum Filium tuum: Qui tecum vivit & regnat.

Lectio Epistolæ beati Pauli Apostoli ad Hebræos.

Fratres: Omnis Pontifex ex hominibus assumptus, pro hominibus constituitur in iis quæ sunt ad Deum, ut offerat dona, & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron.

Graduale. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. ✠ Nihil proficiet inimicus in eo: & filius iniquitatis non nocēbit ei. Allelûja, allelûja. ✠ Amavit eum Dominus, & ornavit eum: stolam gloriæ induit eum. Allelûja.

Sequentia sancti Evangelii secundum Matthæum.

In illo tempore: Dixit Jesus discipulis suis: Nihil est opertum, quod non revelabitur: & occultum, quod non sciatur. Quod dico vobis in tenebris, dicite in lumine: & quod in aure auditis, prædicite super testa. Et nolite timere eos, qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam. Nonne duo passeres assē vaneunt: & unus ex illis non cadet super terram sine Patre vestro? Vestri autem capilli capi-

D d d d

tis

tis omnes numerati sunt. Nolite ergo timere: multis passeribus meliores estis vos. Omnis ergo qui confitebitur me coram hominibus, confitebor & ego eum coram Patre meo, qui in caelis est.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Mystica nobis, Domine, profit oblatio: quae nos & a reatibus nostris expediat, & perpetua saluatione confirmet. Per Dominum nostrum Jesum Christum.

Communio. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

Quæsumus omnipotens Deus: ut reatus nostros munera sacrata purificent; & recte vivendi nobis operentur effectum. Per Dominum nostrum.

Die 15. Octobris.
IN FESTO

S. Hedwigis Reginae Poloniae, Viduae. Missa: Cognovi Domine, ex Communi nec Virginis nec Martyris. prater Orationem sequentem.

Oratio.

DEUS qui beatam Hedwigem a seculi pompa ad humilem tuæ Crucis sequelam toto corde transire docuisti: concede; ut ejus meritis & exemplo discamus perituras mundi calcare delicias, & in amplexu tuæ crucis omnia nobis adversantia superare. Qui vivis.

Eodem Die.

IN FESTO

S. Teresiae Virginis. Missa: Dilexisti de Communi Virginum. Pag. xxxiv. prater sequentem Orationem.

Oratio.

Exaudi nos Deus salutaris noster: ut sicut de beata Teresiae Virginis tuæ festivitate gaudemus; ita caelestis ejus doctrinae pabulo nutriamur, & pia devotionis erudiatur affectu. Per Dominum nostrum Jesum Christum.

Die 16. Octobris.

IN FESTO

S. Galli Abbatis. Missa: Os justis ex Communi Abbatum. Pag. xxix. prater primam Orationem.

Oratio.

DA nobis æternæ consolationis Pater, per preces beati Galli Abbatis Confessoris tui pacem, & salutem mentis & corporis: ut ejus tota dilectione inhaereamus præceptis; & quæ tibi placita sunt, tota vita perficiamus. Per Dominum nostrum Jesum Christum.

Die 18. Octobris.

IN FESTO

S. Lucae Evangelistae.

Introitus.

Mihi autem nimis honorati sunt amici tui Deus: nimis confortatus est principatus eorum. **Psalmus.** Domine probasti me, & co-

gnovisti

gnovisti me: tu cognovisti sessionem meam, & resurrectionem meam. **Glória Patri.**

Oratio.

Interveniatur pro nobis, quaesumus Domine, sanctus tuus Lucas Evangelista: qui crucis mortificationem jugiter in suo corpore, pro tui nominis honore portavit. Per Dominum nostrum.

Lectio Epistolae beati Pauli
Apóstoli ad Corinthios.

Ratres, Grátias ago Deo, qui dedit eandem sollicitudinem pro vobis in corde Titi, quoniam exhortationem quidem suscepit: sed cum sollicitior esset, sua voluntate profectus est ad vos. Misimus etiam cum illo fratrem, cujus laus est in Evangelio per omnes Ecclesias: non solum autem, sed & ordinatus est ab Ecclesiis comes peregrinationis nostrae, in hanc gratiam, quæ ministratur a nobis ad Domini gloriam, & destinatam voluntatem nostram: devitantes hoc, ne quis vos vituperet in hac plenitudine, quæ ministratur a nobis. Providemus enim bona non solum coram Deo, sed etiam coram hominibus. Misimus autem cum illis & fratrem nostrum, quem probavimus in multis saepe sollicitum esse: nunc autem multo sollicitiorem, confidentia multa in vos, si ve pro Tito, qui est socius meus, & in vobis adiutor, sive fratres nostri, Apóstoli Ecclesiarum, gloria Christi. Ostrationem ergo, quæ est charitatis vestrae, & nostrae gloriae pro vobis, in illo ostendite in faciem Ecclesiarum.

Graduale. In omnem terram exivit sonus eorum: & in fines orbis terræ verba eorum. **Psalmus.** Cæli enarrant gloriam Dei: & opera manuum ejus annuntiat firmamentum. Alleluja, alleluja. **Joan.** Ego vos elegi de mundo, ut eatis, & fructum afferatis: & fructus vester maneat. Alleluja.

Sequentia sancti Evangelii
secundum Lucam.

In illo tempore: Designavit Dominus, & alios septuaginta duos: & misit illos binos ante faciem suam, in omnem civitatem & locum, quod erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, & neminem per viam salutaveritis. In quamcumque domum intraveritis, primum dicite: Pax huic domui: & si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes & bibentes quæ apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, & suscepint vos, manducate quæ apponuntur vobis: & curate infirmos, qui in illa sunt, & dicite illis: Appropinquavit in vos regnum Dei. **Credo.**

Offertorium. Mihi autem nimis honorati sunt amici tui Deus: ni-

D d d d d 2

mis

mis confortatus est principatus eorum.

Secreta.

Donis cœlestibus da nobis, quæsumus Domine, libera tibi mente servire: ut mûnera quæ deferimus, interveniente beato Evangelista tuo Luca, & medelam nobis operentur, & gloriâ. Per Dñm nostrum.

Præfatio de Apostolis. Pag. 263.

Communio. Vos qui secuti estis me, sedebitis super sedes, iudicantes duodecim tribus Israël.

Postcommunio.

Praesta quæsumus omnipotens Deus: ut quod de sancto altari tuo accipimus; precibus beati Evangelistæ tui Lucæ sanctificet animas nostras, per quod tui esse possimus. Per Dñm nostrum Jesum Christum Filium tuum.

Die 19. Octobris.

IN FESTO

S. Petri de Alcantara Confessoris.

Introitus.

Ustus ut palma florêbit: sicut cedrus Libani multiplicabitur: plantatus in domo Dñi, in atriis domus Dei nostri. **Psalmus.** Bonum est confiteri Dñino: & psallere nōmini tuo, Altissime. **Gloria Patri.**

Oratio.

DEUS, qui beatum Petrum Confessorem tuum admirabilis pœnitentiæ, & altissimæ contemplatiō-

nis munere illustrare dignatus es: da nobis quæsumus; ut ejus suffragantibus meritis carne mortificati facilius cœlestia capiâmus. Per Dñm nostrum Jesum Christum Filium tuum.

Lectio Epistolæ beati Pauli
Apóstoli ad Philippenses.

Fratres, Quæ mihi fuerunt lucra, hæc arbitratus sum propter Christum detrimenta. Verumtamen existimo omnia detrimentum esse, propter eminentem scientiam Jesu Christi Dñi mei: propter quem omnia detrimentum feci, & arbitror ut stercora ut Christum lucrificam, & inveniar in illo non habens meam iustitiam, quæ ex lege est, sed illam, quæ ex fide est Christi Jesu: quæ ex Deo est iustitia in fide, ad cognoscendum illum, & virtutem resurrectionis ejus, & societatem passionum illius configuratus morti ejus: si quo modo occurrâ ad resurrectionem, quæ est ex mortuis: non quod jam acciperim, aut jam perfectus sim: sequor autem, si quomodo comprehendam, in quo & comprehensus sum à Christo Jesu.

Graduale. Os iusti meditabitur sapientiam: & lingua ejus loquetur iudicium. **Gloria.** Lex Dei ejus in corde ipsius: & non supplantabuntur gressus ejus. Allelûja, allelûja. **Gloria.** Beatus vir, qui timet Dñm: in mandatis ejus cupit nimis. Allelûja.



Sequē-

Sequētia sancti Evangelii secundum Lucam.

In illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quæ possidetis, & date elemosynam. Facite vobis sacculos, qui non veterascunt, thesaurum non deficientem in celis: quod fur non appropriat, neque tinea corrumpit. Ubi enim thesaurus vester est, ibi & cor vestrum erit.

Offertorium. In virtute tua, Domine, lætabitur iustus, & super salutem tuam exultabit vehementer: desiderium animæ ejus tribuisti ei.

Secreta.

Praesta nobis, quæsumus, omnipotens Deus: ut nostræ humilitatis oblatio, & pro tuorum tibi grata sit honore Sanctorum, & nos corpore pariter & mente purificet. Per Dñm nostrum Jesum Christum Filium tuum.

Communio. Amen dico vobis: quod vos qui reliquistis omnia, & secuti estis me: centuplum accipietis, & vitam æternam possidebitis.

Postcommunio.

Quæsumus omnipotens Deus: ut qui cœlestia alimenta percipimus; intercedente beato Petro Confessore tuo, per hæc contra omnia adversa muniamur. Per Dñm nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia sæcula sæculorum. **Gloria.** Amen.

Die 21. Octobris.

IN FESTO

SS. Ursulæ & Sociarum Virginum & Martyrum.

Introitus.

Quæbar de testimonio tuis in conspectu regum, & non confundebam: & meditabar in mandatis tuis, quæ dilexi nimis. **Psalmus.** Beati immaculati in via: qui ambulant in lege Domini. **Gloria Patri.**

Oratio.

DA nobis, quæsumus Domine Deus noster, sanctarum Virginum & Martyrum tuarum Ursulæ & Sociarum ejus, palmas incessabili devotione venerari: ut quas digna mente non possumus celebrare; humilibus saltem frequentemus obsequiis. Per Dñm nostrum Jesum Christum.

Pro Commemoratione S. Hilariionis Abbatis.

Oratio.

Intercessio nos, quæsumus Domine, beati Hilariionis Abbatis commendet: ut, quod nostris meritis non valemus, ejus patrocinio assequamur. Per Dñm nostrum.

Lectio Epistolæ beati Pauli
Apóstoli ad Corinthios.

Fratres: De virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. Existimo ergo hoc bo-

D d d d 3

num

num esse propter instantem necessitatem, quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acciperis uxorem, non peccasti. Et si nupserit virgo, non peccavit. Tribulatio nem tamen carnis habebunt huiusmodi. Ego autem vobis parco. Hoc itaque dico, fratres: Tempus breve est: reliquum est, ut & qui habent uxores, tamquam non habentes sint: & qui fient, tamquam non fientes: & qui gaudent, tamquam non gaudentes: & qui emunt, tamquam non possidentes: & qui utuntur hoc mundo, tamquam non utantur: praeterit enim figura huius mundi. Volo autem vos sine sollicitudine esse. Qui sine uxore est, sollicitus est quae Domini sunt, quomodo placeat Deo. Qui autem cum uxore est, sollicitus est quae sunt mundi, quomodo placeat uxori, & divisus est. Et mulier innupta, & virgo cogitat, quae Domini sunt; ut sit sancta corpore & spiritu: in Christo Jesu Domino nostro.

Graduale. Dilexisti iustitiam, & odisti iniquitatem. **✠.** Propterea unxit te Deus, Deus tuus, oleo laetitiae. Alleluja, alleluja. **✠.** Adducuntur Regi virgines post eam, proximae ejus afferuntur tibi in laetitia. Alleluja.

Sequentia sancti Evangelii secundum Matthaeum.

Matt. **IN** illo tempore: Dixit Jesus discipulis suis parabolam hanc: Simile erit regnum caelorum decem

virginibus: quae accipientes lampades suas, exierunt obviam sponso & sponsae. Quinque autem ex eis erant fatuae, & quinque prudentes: sed quinque fatuae, acceptis lampadibus, non sumpserunt oleum secum: prudentes vero acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Media autem nocte clamor factus est: Ecce sponsus venit, exite obviam ei. Tunc surrexerunt omnes virgines illae, & ornaverunt lampades suas. Fatuae autem sapientibus dixerunt: Date nobis de oleo vestro: quia lampades nostrae extinguuntur. Responderunt prudentes, dicentes: Ne forte non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quae paratae erant, intraverunt cum eo ad nuptias, & clausa est janua. Novissime vero veniunt & reliquae virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Afferentur Regi virgines post eam: proximae ejus afferentur tibi in laetitia & exultatione: adducuntur in templum Regi Domino.

Secreta

Intende, quaesumus Domine, muna, altaribus tuis pro sanctarum Virginum & Martyrum tuarum Ursulae, & sociarum ejus, festivitatem proposita: ut sicut per haec beata mysteria, illis gloriam contuli-

sti;

sti; ita nobis indulgentiam largiaris. Per Dominum nostrum.

Pro S. Hilarione Abbate.

Secreta.

Sacris altaribus, Domine, hostias superpositas sanctus Hilarion Abbas, quaesumus, in salutem nobis provenire deprecatur. Per Dominum nostrum.

Communio. Confundantur superbi, quia injuste iniquitatem fecerunt in me: ego autem in mandatis tuis exercabor, in tuis justificationibus, ut non confundar.

Postcommunio.

Praesta nobis, quaesumus Domine, intercedentibus sanctis Virginibus & Martyribus tuis: ut quod ore contingimus, pura mente capiamus. Per Dominum nostrum.

Pro S. Hilarione Abbate.

Postcommunio.

Protegat nos, Domine, cum tu perceptione sacramenti, beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum.

Die 22. Octobris.

IN FESTO

S Severi Episcopi & Confessoris. **Missa:** Sacerdotes tui Domine. ex Communi Confessoris Pontificis. Pag. xxj. prater sequentem Orationem.

Oratio.

Omnipotens sempiterne Deus, qui es in meritis sancti Severi Episcopi mirabilis: quaesumus immensam clementiam tuam; ut

sicut ei eminentem gloriam contulisti, sic ad consequendam misericordiam tuam, ejus nos tribue precibus adjuvari. Per Dominum nostrum Jesum Christum.

Die 23. Octobris.

IN FESTO

S. Severini Episcopi & Confessoris. **Missa:** Statuit ei Dominus. ex Communi Confessoris Pontificis. Pag. xx. cum Oratione sequenti.

Oratio.

DEUS, qui beati Severini Confessoris tui atque Pontificis diem natalitium celebrandum concedis: ejus quaesumus, continua intercessione, super nos misericordiam tuam multiplica; ut cujus patrocinii gratulamur, ejus suffragiis praesentis vitae subsidium, & aeternae salutis premia consequamur. Per Dominum nostrum Jesum Christum.

Die 25. Octobris.

IN FESTO

SS. Crispini & Crispiniani Martyrum.

Introitus.

Sapientiam Sanctorum narrent populi: & laudes eorum nuntiet Ecclesia: nomina autem eorum vivent in saeculum saeculi. **Psalmus.** Exultate justi in Domino: re-ctos decet collaudatio. **✠.** Gloria Patri.

Oratio.

Oratio.

Omnipotens sempiternus Deus, qui in sanctorum Martyrum tuorum Crispini & Crispiniani cordibus flammam tuæ dilectionis ardere fecisti: da mentibus nostris eandem fidei, charitatisque virtutem; ut quorum gaudemus triumphis, proficiamus exemplis. Per Dominum nostrum Jesum Christum Filium tuum.

Pro Commemoratione SS. Chrysanthi & Dariae Martyrum.

Oratio.

Beatorum Martyrum tuorum, Domine, Chrysanthi & Dariae, quaesumus, adsit nobis oratio: ut quos veneramur obsequio, eorum pium iugiter experiamur auxilium. Per Dominum nostrum.

Lectio libri Sapientiae.

Iusti autem in perpetuum vivent, & apud Dominum est merces eorum, & cogitatio illorum apud Altissimum. Ideo accipient regnum decoris, & diadema speciei de manu Domini: quoniam dextera sua teget eos, & brachio sancto suo defendet illos. Accipiet armaturam zelus illius, & armabit creaturam ad ultionem inimicorum. Induet pro thorace iustitiam, & accipiet pro galea iudicium certum. Sumet scutum inexpugnabile æquitatem.

Graduale. Anima nostra, sicut passer erepta est de laqueo venantium. **V.** Laqueus contritus est, & nos liberati sumus: adiutorium nostrum in nomine Domini, qui fecit cælum & terram. Alleluya, alleluya. **V.** Iusti epulentur, & ex-

ultent in conspectu Dei: & delectentur in læticia. Alleluya.

Sequentia sancti Evangelii secundum Lucam.

In illo tempore: Dixit Jesus discipulis suis: Cum audieritis praelia, & seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, & regnum adversus regnum. Et terramotus magni erunt per loca, & pestilentia, & fames terroresque de cælo, & signa magna erunt. Sed ante hæc omnia injicient vobis manus suas, & persequentur, tradentes in synagogas & custodias, trahentes ad reges & praesides propter nomen meum: continget autem vobis in testimonium. Ponite ergo in cordibus vestris, non praemeditari quemadmodum respondeatis. Ego enim dabo vobis os, & sapientiam, cui non poterunt resistere & contradicere omnes adversarii vestri. Trademini autem a parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro non peribit. In patientia vestra possidebitis animas vestras.

Offertorium. Exultabunt Sancti in gloria, letabuntur in cubilibus suis: exaltationes Dei in faucibus eorum. Alleluya.

Secreta.

Munera tibi, Domine, nostræ devotionis offerimus: quæ & pro tuorum tibi grata sint honoris iustorum, & nobis salutaria,

te

Die 27. Octobris.

IN VIGILIA

SS. Apostolorum Simonis & Judæ.

Introitus.

Netret in conspectu tuo, Domine, gemitus compeditorum: redde vicinis nostris se-

ptuplum in sinu eorum: vindica sanguinem sanctorum tuorum, qui effusus est. **Psalms.** Deus venerunt Gentes in hereditatem tuam, polluerunt templum sanctum tuum: posuerunt Jerusalem in pomorum custodiam. **V.** Gloria Patri.

Oratio.

Concède quaesumus omnipotens Deus: ut sicut Apostolorum tuorum Simonis & Judæ gloriosa natalitia prævenimus; sic ad tua beneficia promerenda maiestatem tuam pro nobis ipsi præveniant. Per Dominum nostrum.

Secunda Oratio de B. Maria. Concède. **Tertia.** Ecclesie tuæ. **vel pro Papa.** Deus omnium. Pag. 315.

Lectio Epistolæ beati Pauli Apostoli ad Corinthios.

Fratres, Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cedimur, & instabiles sumus, & laboramus operantes manibus

E e e e e nibus

te miserante, reddantur. Per Dominum nostrum Jesum Christum.

Pro SS. Chrysantho, & Daria MM. Secreta.

Populi tui, quaesumus Domine, tibi grata sit hostia: quæ in natalitiis sanctorum Martyrum tuorum Chrysanthi, & Dariae sollemniter immolatur. Per Dominum nostrum Jesum Christum.

Communio. Dico autem vobis amicis meis: ne terreamini ab his, qui vos persequuntur.

Postcommunio.

Praesta nobis, quaesumus Domine: intercedentibus sanctis Martyribus tuis Crispino & Crispiniano, ut, quod ore contingimus, pura mente capiamus. Per Dominum nostrum Jesum Christum Filium tuum.

Pro SS. Chrysantho & Daria MM. Postcommunio.

Mysticis, Domine, replenti sumus votis & gaudiis: praesta quaesumus; ut intercessionibus sanctorum Martyrum tuorum Chrysanthi & Dariae, quæ temporaliter agimus, spiritaliter consequamur. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia secula seculorum. **R.** Amen.

Die 26. Octobris.

IN FESTO

S. Evaristi Papæ & Martyris. Missa: Statuit ei Dominus. de Communi unius Martyris Pontificis. Pag. ij.

nibus nostris: maledicimur, & benedicimus: persecutiōnem patimur, & sustinemus: blasphemamur, & obsecramus: tamquam purgamenta huius mundi facti sumus, omnium peripsēma usque adhuc. Non ut confundam vos hæc scribo, sed ut filios meos charissimos moneo: in Christo Jesu Domino nostro.

Graduale. Vindica Domine sanguinem sanctorum tuorum, qui effusus est. *Ps.* *78.* **V.** Posuerunt mortalia servorum tuorum, Domine, escas volatilibus celi: carnes sanctorum tuorum bestiis terræ.

Sequētia sancti Evangelii secundum Joannem.

Joan. *15. a.* **I**n illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes, & ardescet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis.

Ps. *149.* **Offertorium.** Exultabunt sancti

in gloria, lætabuntur in cubilibus suis: exaltationes Dei in faucibus eorum.

Secreta.

Muneribus nostris, Domine, SS. Apostolorum tuorum Simonis & Judæ festa præcedimus, te suppliciter deprecantes: ut quæ conscientia nostræ præpediuntur obstaculis, illorum meritis grata reddantur. Per Dominum.

Secunda Secreta de beata Maria. Tua Domine. **Tertia, Protege.** vel **Oblatis.** *Ps.* *315.*

Communio. Posuerunt mortalia servorum tuorum, Domine, escas volatilibus celi, carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

Sumpto, Domine, sacramento, suppliciter deprecamur: ut intercedentibus beatis Apostolis tuis Simone & Juda, quod temporaliter gerimus, ad vitam capiamus æternam. Per Dominum nostrum.

Secunda Postcommunio de beata Maria. Sumptis, Domine. **Tertia, Quæsumus Domine.** vel, **Hæc** nos. *Ps.* *315.*

Die 28. Octobris.

IN FESTO

SS. Apostolorum Simonis & Judæ

Introitus.

Mihi autem nimis honorati sunt amici tui Deus: nimis confortatus est principatus eorum. *Ps.* *138.*

mus.

vid. **mus.** Domine probasti me, & cognovisti me: tu cognovisti sessionem meam, & resurrectionem meam. **V.** Gloria Patri.

Oratio.

DEUS, qui nos per beatos Apostolos tuos Simonem & Judam, ad agnitionem tui nominis venire tribuisti: da nobis eorum gloriam sempiternam & proficiendo celebrare, & celebrando proficere. Per Dominum nostrum.

Lectio Epistolæ beati Pauli Apostoli ad Ephesios.

Ep. *ph.* *4. b.* **F**ratres, Unicuique nostrum data est gratia secundum mensuram donationis Christi. Propter quod dicit: Ascendens in altum, captivam duxit captivitatem: dedit dona hominibus. Quod autem ascendit, quid est, nisi quia & descendit primum in inferiores partes terræ? Qui descendit, ipse est & qui ascendit super omnes cælos, ut impleret omnia. Et ipse dedit quosdam quidem Apostolos, quosdam autem Prophetas, alios verò Evangelistas, alios autem pastores, & doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, & agnitionis Filii Dei, in virum perfectum, in mensuram ætatis plenitudinis Christi.

Ps. *44.* **Graduale.** Constitues eos principes super omnem terram: memores erunt nominis tui Domine. **V.** Pro patribus tuis nati sunt tibi filii: propterea populi confitebuntur tibi. Alleluya, alleluya. **V.** Nimis honorati sunt amici tui Deus:

nimis confortatus est principatus eorum. Alleluya.

Sequētia sancti Evangelii secundum Joannem.

Joan. *15. b.* **I**n illo tempore: Dixit Jesus discipulis suis: Hæc mando vobis, ut diligatis invicem. Si mundus vos odit, scitote quia me priorem vobis odio habuit. Si de mundo fuissetis, mundus quod suum erat, diligeret: quia verò de mundo non estis, sed ego elegi vos de mundo, propterea odit vos mundus. Memento remissionis mei, quem ego dixi vobis: Non est servus major domino suo. Si me persecuti sunt, & vos persequuntur: si sermonem meum servaverunt, & vestrum servabunt. Sed hæc omnia facient vobis propter nomen meum: quia nesciunt eum, qui misit me. Si non venissem, & locutus fuisset eis, peccatum non haberent: nunc autem excusationem non habent de peccato suo. Qui me odit, & Patrem meum odit. Si opera non fecissem in eis, quæ nemo alius fecit, peccatum non haberent: nunc autem & viderunt, & oderunt & me, & Patrem meum. Sed ut adimpleatur sermo, qui in lege eorum scriptus est: Quia odio habuerunt me gratis.

Credo.

Offertorium. In omnem terram exivit sonus eorum: & in fines orbis terræ verba eorum. *Ps.* *18.*

Secreta.

Gloriam, Domine, sanctorum Apostolorum tuorum Simonis & Judæ perpetuam venerantes, quæsumus: ut eam, sacris myste-

E e e e e 2

riis

riis expiati, dignius celebrémus.
Per Dóminum nostrum.

Præfatio de Apostolis. Pag. 263.

Communio. Vos qui secuti estis
me, sedebitis super sedes, iudican-
tes duodecim tribus Israël.

Postcommunio.

Perceptis Dómine sacramentis,
suppliciter exoramus: ut in-
tercedentibus beatis Apóstolis tuis
Simóne & Juda, quæ pro illorum
veneranda gerimus passióne, no-
bis proficiant ad medelam. Per
Dóminum nostrum.

Die 31. Octobris.

IN FESTO

*S. Wolfgangi Episcopi & Confesso-
ris. Duplex per totam Germaniam.
Missa: Sacerdotes tui Dómine. de
Communi Confessoris Pontificis.
Pag. xxj. præter sequentem Oratio-
nem.*

Oratio.

Omnipotens sempiternæ Deus,
qui populo tuo beatum Wolve-
gangum Confessorem tuum atque
Pontificem, æternæ salutis. Mini-
strum concessisti: præsta quæsu-
mus; ut quem Doctorem vitæ ha-
buimus in terris, intercessorem
semper apud te habere mereamur
in cælis. Per Dóminum nostrum
Jesum Christum.

*Fit Commemoratio Vigiliæ O-
mnium Sanctorum ex sequenti
Missa.*

*Ultimum Evangelium de Vigilia.
In Ecclesiis Cathedralibus & Colle-
giatis dicuntur duæ Missæ, una de
Festo, & alia de Vigilia.*

Eodem Die.

IN VIGILIA

Omnium Sanctorum.

Introitus.



Judicant Sancti
gentes, & do-
minantur pó-
pulis: & regná-
bit Dóminus
Deus illorum
in perpétuum. *Psalmus. Exultate
justi in Dómino: rectos decet col-
laudatio. y. Glória Patri.*

*Non dicitur, Glória in excelsis
Oratio.*

Domine Deus noster, multipli-
ca super nos grátiam tuam: &
quorum prævenimus gloriósa so-
lemnia; tribue subsequi in sancta
professione lætítiam. Per Dómi-
num nostrum.

*Secunda Oratio de Spiritu san-
cto, Deus qui corda fidélium. Ter-
tia, Ecclesiæ, vel pro Papa, Deus
omnium fidélium. Pag. lxxvj.*

*Lectio libri Apocalypsis beá-
ti Joánnis Apóstoli.*

In diébus illis: Ecce ego Joán-
nes vidi in médio throni, & quá-
tuor animálium, & in médio seniô-
rum, Agnum stantem tamquam oc-
cisum, habentem cornua septem, &
óculos septem: qui sunt septem
spiritus Dei, missi in omnem ter-
ram. Et venit, & accepit de dexte-
ra sedentis in throno librum. Et
cùm aperuisset librum, quátuor a-
nimália, & vngintiquátuor seniô-
res ceciderunt coram Agno, habén-
tes singuli cítharas, & phialas au-

reas,

reas, plenas odoramentorum, quæ
sunt orationes Sanctorum: Et can-
tabant canticum novum, dicentes:
Dignus es Dómine accipere librum,
& aperire signacula ejus: quóniam
occisus es, & redemisti nos Deo in
sanguine tuo ex omni tribu, & lin-
gua, & populo, & natione: & fe-
cisti nos Deo nostro regnum, &
sacerdotes, & regnabimus super
terram. Et vidi, & audiui vocem
Angelorum multorum in circuitu
throni, & animálium, & seniôrum:
& erat numerus eorum millia mil-
lium, dicentium voce magna: Di-
gnus est Agnus, qui occisus est, ac-
cipere virtutem, & divinitatem, &
sapientiam, & fortitudinem, & ho-
norem, & glóriam, & benedicti-
nem, in sæcula sæculorum, Amen.

*Offertorium. Exultabunt sancti
in glória, lætabuntur in cubilibus
suis: exaltationes Dei in faucibus
eorum.*

Secreta.

Altare tuum, Dómine, muné-
ribus cumulamus oblatis: da
quæsumus; ut ad salutem nostram,
omnium Sanctorum tuorum preca-
tione proficiant, quorum solémnia
ventúra præcúrrimus. Per Dómi-
num nostrum Jesum Christum Fi-
lium tuum.

*Graduale. Exultabunt sancti in
glória: lætabuntur in cubilibus
suis. y. Cantate Dómino canti-
cum novum: laus ejus in Ecclesiá
sanctorum.*

*Sequentia sancti Evangelii
secundum Lucam.*

In illo tempore: Descendens Je-
sus de monte, stetit in loco cam-
pèstri, & turba discipulorum ejus,
& multitudo copiósa plebis ab o-
mni Judæa, & Jerúsalem, & maríti-
ma, & Tyri, & Sidónis, qui véne-
rant ut audirent eum, & sanarén-
tur à languoribus suis. Et qui ve-
xabantur à spiritibus immundis,
curabantur. Et omnis turba quæ-
rebat eum tangere: quia virtus de
illo exibat, & sanabat omnes. Et
ipse elevatis oculis in discipulos
suos, dicebat: Beati pauperes: quia
vestrum est regnum Dei. Beati, qui

nunc esuritis: quia saturabimini;
Beati, qui nunc fletis: quia ridébi-
tis. Beati eritis, cùm vos óderint
hómines, & cùm separaverint vos,
& exprobraverint, & ejecerint no-
men vestrum tamquam malum, pro-
pter Filium hóminis. Gaudere in
illa die, & exultate: ecce enim
merces vestra multa est in cælo.

*Offertorium. Exultabunt sancti
in glória, lætabuntur in cubilibus
suis: exaltationes Dei in faucibus
eorum.*

Secreta.

Altare tuum, Dómine, muné-
ribus cumulamus oblatis: da
quæsumus; ut ad salutem nostram,
omnium Sanctorum tuorum preca-
tione proficiant, quorum solémnia
ventúra præcúrrimus. Per Dómi-
num nostrum Jesum Christum Fi-
lium tuum.

*Secunda Secreta de Spiritu san-
cto. Tertia contra persecutores
Ecclesiæ, vel pro Papa. Pag. lxxvj.*

*Communio. Justorum animæ
in manu Dei sunt, & non tanget
illos tormentum malitiæ: visi sunt
oculis insipientium mori, illi au-
tem sunt in pace.*

Postcommunio.

Sacramentis, Dómine, & gaudiis
optatæ celebritatis explétis,
quæsumus: ut eorum precibus ad-
juvemur; quorum recordatiôni-
bus exhibentur. Per Dóminum
nostrum Jesum Christum Filium
tuum: Qui tecum.

*Secunda Postcommunio de Spi-
ritu sancto. Tertia contra perse-
cutores Ecclesiæ, vel pro Papa.
Pag. lxxvj.*



Die 1. Novembris.

IN FESTO OMNIUM SANCTORUM.

Introitus.



Gaudemus omnes
in Domino, diem
festum celebran-
tes, sub hono-
re Sanctorum o-
mnium: de quo-

rum solemnitate gaudent Angeli,
& collaudant Filium Dei. **Psal-**
mus. Exultate iusti in Domino: re-
ctos decet collaudatio. **Gló-**
ria Patri.

Oratio.

OMnipotens sempiternae Deus,
qui nos omnium Sanctorum
tuorum merita sub una tribuisti
celebritate venerari: quasumus;
ut desideratam nobis tuae propitia-
tionis abundantiam, multiplicatis
intercessoribus largiaris. Per Dó-
minum nostrum.

Lectio libri Apocalypsis beá-
ti Joannis Apóstoli.

IN diebus illis: Ecce ego Joán-
nes vidi alterum Angelum ascen-
dentem ab ortu solis, habentem
signum Dei vivi: & clamavit voce
magna quatuor Angelis, quibus
datum est nocere terrae, & mari,
dicens: Nolite nocere terrae, &
mari, neque arboribus, quoadús-
que signemus servos Dei nostri in
frontibus eorum. Et audiui nú-
merum signatorum, centum qua-

draginta quatuor millia signati, ex
omni tribu filiorum Israël. Ex
tribu Juda duodecim millia signá-
ti. Ex tribu Ruben duodecim mil-
lia signati. Ex tribu Gad duode-
cim millia signati. Ex tribu Aser
duodecim millia signati. Ex tri-
bu Néphthali duodecim millia si-
gnati. Ex tribu Manasse duode-
cim millia signati. Ex tribu Sí-
meon duodecim millia signati. Ex
tribus Levi duodecim millia signá-
ti. Ex tribu Issáchar duodecim
millia signati. Ex tribu Zábulon
duodecim millia signati. Ex tri-
bu Joseph duodecim millia signá-
ti. Ex tribu Bénjamin duodecim
millia signati. Post hæc vidi tur-
bam magnam, quam dinumerare
nemo poterat, ex omnibus gènti-
bus, & tribubus, & pópulis, & lin-
guis, stantes ante thronum, & in
conspéctu Agni, amicti stolis albis,
& palmæ in manibus eorum: &
clamabant voce magna, dicentes:
Salus Deo nostro, qui sedet super
thronum, & Agno. Et omnes An-
geli stabant in circúitu throni, &
seniorum, & quatuor animálium.
Et ceciderunt in conspéctu throni
in facies suas, & adoraverunt De-
um, dicentes, Amen. Benedíctio,
& claritas, & sapientia, & gratiá-
rum actio, honor, & virtus, & for-
titúdo Deo nostro, in sæcula sæcu-
lorum, Amen.

Graduale.

Graduale. Timéte Dóminum omnes Sancti ejus: quóniam nihil deest timéntibus eum. *✠.* Inquirentes autem Dóminum non deficient omni bono. Allelúja, allelúja. *✠.* Veníte ad me omnes, qui laborátis, & oneráti estis, & ego reficiam vos. Allelúja.

Sequéntia sancti Evangélii
secúndum Matthæum.

IN illo témpore: Videns Jesus turbas, ascendit in montem, & cum sedisset, accesserunt ad eum discipuli ejus, & apériens os suum, docebat eos, dicens: Beáti páuperes spíritu: quóniam ipsórum est regnum ccelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti, qui esúriunt & sitiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti, qui persecutiónem patiúntur propter justítiam: quóniam ipsórum est regnum ccelórum. Beáti estis, cum maledixerint vobis, & persecúti vos fúerint, & dixerint omne malum advérsus vos mentiéntes, propter me: gaudéte, & exultáte, quóniam merces vestra copiósa est in ccelis.

Credo.

Offertorium. Justórum ánimæ in manu Dei sunt, & non tanget illos tormentum malitiæ: visi sunt oculis insipientium mori, illi autem sunt in pace.

Secreta.

Munera tibi, Dómine, nostræ devotiónis offerimus: quæ & pro cunctórum tibi grata sint honóre justórum; & nobis salutária, te miseránte, reddántur. Per Dóminum nostrum.

Communio. Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti, qui persecutiónem patiúntur propter justítiam: quóniam ipsórum est regnum ccelórum.

Postcommunio.

DA, quæsumus Dómine, fidélibus pópulis, ómnium Sanctórum semper veneratióne lætári: & eórum perpétua supplicatióne muníri. Per Dóminum nostrum Jesum Christum.

INFRA OCTAVAM

Missa dicitur sicut in die Festi: Secunda Oratio de Spiritu sancto, Deus qui corda fidélium. Tertia, Ecclesiæ. vel pro Papa, Deus ómnium fidélium. ut infra. Pag. lxxvj. Et dicitur Credo.

SECUNDA DIE

Fit Commemoratio Omnium Fidelium Defunctorum: & dicitur **Missa: Réquiem ætérnam.** quæ est prima pro Defunctis, circa finem Missalis. Pag. c.

Sed in Ecclesiis Cathedralibus & Collegiatis dicuntur duæ Missæ: una de Octava post Tertiam, altera principalis pro Defunctis post Nonam. Si autem secunda dies fuerit Dominica, dicta Commemoratio

moratio

moratio Defunctorum sit sequenti Feria ij.

Die 4. Novembris.

IN FESTO

S. Caroli Borromæi Episcopi & Confessoris.

Introitus.

Statuit ei Dóminus testaméntum pacis, & principem fecit eum: ut sit illi sacerdotii dignitas in ætérnum. **Psalms.** Meménto Dómine David, & omnis mansuetúdinis ejus. *✠.* Glória Patri.

Oratio.

ECclésiæ tuam, Dómine, sancti Caroli Confessoris tui atque Pontificis continua protectiône custódi: ut sicut illum Pastoralis sollicitúdo gloriósum reddidit; ita nos ejus intercessiō in tuo semper faciat amore fervéntes. Per Dóminum nostrum.

De Octava Omnium Sanctorum.

Oratio.

OMnípotens sempitérne Deus, qui nos ómnium Sanctórum tuórum mérita sub una tribuísti celebritáre venerári: quæsumus; ut desiderátam nobis tuæ propitiatiónis abundantiam, multiplicatis intercessóribus largiáris.

Pro Commemoratione SS. Vitalis & Agricola Martyrum.

Oratio.

Ræsta quæsumus omnipotens Deus: ut qui sanctórum Martyrum tuórum Vitalis & Agricola

solémnia cólimus; eórum apud te intercessiōnibus adjuvémur. Per Dóminum nostrum.

Lectio libri Sapiéntiæ.

ECce sacerdos magnus, qui in diébus suis placuit Deo, & inventus est justus: & in témpore iracundiæ factus est reconciliatio. Non est inventus similis illi, qui conservávit legem Excelsi. Ideo jurejurando fecit illum Dóminus crêscere in plebem suam. Benedictiōnem ómnium Géntium dedit illi, & testaméntum suum confirmávit super caput ejus. Agnovit eum in benedictiōnibus suis: conservávit illi misericórdiam suam: & invenit grátiam coram oculis Dómini. Magnificávit eum in conspectu regum: & dedit illi corónam glóriæ. Statuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsius: & offerre illi incénsus dignum, in odórem suavitátis.

Graduale. Ecce sacerdos magnus, qui in diébus suis placuit Deo. *✠.* Non est inventus similis illi, qui conserváret legem Excelsi. Allelúja, allelúja. *✠.* Tu es sacerdos in ætérnum secúndum ordinem Melchisedech. Allelúja.

Sequéntia sancti Evangélii
secúndum Matthæum.

IN illo témpore: Dixit Jesus discipulis suis parabolam hanc: Homo péregrè proficiscens, vocávit servos suos, & tradidit illis bona sua. Et uni dedit quinque ta-

ffff

lenta

lenta, alii autem duo, alii verò unum, unicuique secundum propriam virtutem, & profectus est statim. Abiit autem qui quinque talenta accéperat; & operatus est in eis, & lucratus est alia quinque. Similiter & qui duo accéperat, lucratus est alia duo. Qui autem unum accéperat, abiens fodit in terram, & abscondit pecuniam Domini sui. Post multum verò temporis venit dominus servorum illorum, & posuit rationem cum eis. Et accedens qui quinque talenta accéperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum. Ait illi dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium domini tui. Accéssit autem & qui duo talenta accéperat, & ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium domini tui. **Credo.**

Offertorium. Inveni David servum meum, oleo sancto meo unxi eum: manus enim mea auxiliabuntur ei, & brachium meum confortabit eum.

Secreta.

Sancti tui, quæsumus Domine, nos ubique lætificent: ut dum eorum mérita recólimus, patrocinia sentiámus. Per Dominum nostrum Jesum Christum Filium tuum: Qui tecum.

Pro Octava Omnium Sanctorum.
Secreta.

Munera tibi, Domine, nostræ devotionis offerimus: quæ & pro cunctorum tibi grata sint honore justorum, & nobis salutaria, te miserante, reddantur.

Pro SS. Martyribus Vitale & Agricola.
Secreta.

Oblatis, quæsumus Domine, placare munéribus: & intercedéntibus sanctis Martyribus tuis Vitale & Agricola, à cunctis nos defende periculis. Per Dominum nostrum Jesum Christum.

Communio. Fidelis servus & prudens, quem constituit dominus super familiam suam: ut det illis in tempore tritici mensuram.

Postcommunio.

Presta, quæsumus omnipotens Deus: ut de perceptis munéribus grátias exhibéntes, intercedente beato Carolo Confessore tuo atque Pontífice, beneficia potiùs sumamus. Per Dominum nostrum Jesum Christum.

Pro Octava Omnium Sanctorum.

Postcommunio.

DA, quæsumus Domine, fidelibus pópulis, ómnium Sanctórum semper veneratióne lætari: & eórum perpétua supplicatióne muniri.

Pro SS. Martyribus Vitale & Agricola.
Postcommunio.

Hæc nos commúnio, Domine, purget à crimine: & intercedéntibus sanctis Martyribus tuis Vitale & Agricola, cœlestis remédii faciat esse cónsortes. Per Dominum nostrum Jesum Christum Filium tuum.

Die

Die 6. Novembris.

IN FESTO

S. Leonardi Abbatis. Missa: Os justi. de Communi Abbatum. Pag. xxix. præter primam Orationem.

Oratio.

Fac nos, quæsumus Domine Deus noster, beati Leonardi Abbatis intercessiõibus à cunctis mundi perturbatiõibus respirare: ejusque obtentu, tam præsentis vitæ subsidia, quam æternæ beatitudinis præmia reperire. Per Dominum nostrum.

Et fit Commemoratio Octavæ Omnium Sanctorum, ut in Festo. Pag. 675.

Die 7. Novembris.

PRO

COMMEMORATIONE

S. Wilibrordi Episcopi & Confessoris.

Oratio.

DEUS, qui in diversis nationum pópulis præclaros veræ fidei constituisti Doctores: de quorum collégio beatum Wilibrordum Confessorem tuum atque Pontíficem nobis cœlitus dedisti: concède propitius; ut ejus suffragantibus méritis præsentis vitæ sancta gaudia, & futuræ beatitudinis glóriam consequámur. Per Dominum nostrum.

Secreta, & Postcommunio pro S. Wilibrordo. Pag. xxij.

Die 8. Novembris.

IN OCTAVA

Omnium Sanctorum, dicitur Missa sicut in die, cum Commemoratio-

ne SS. Martyrum Quatuor Coronatorum.

Oratio

Presta quæsumus omnipotens Deus: ut qui gloriófos Martyres fortes in sua confessiõne cognóvimus, pios apud te in nostra intercessiõne sentiámus. Per Dominum nostrum.

Secreta.

Benedictio tua, Domine, larga descendat: quæ & munera nostra, deprecántibus sanctis Martyribus tuis, tibi reddat accepta, & nobis sacramentum redemptiõnis efficiat. Per Dominum nostrum.

Postcommunio.

Cœlestibus refecti sacramentis & gaudiis, supplices te Domine deprecámur: ut quorum gloriámur triumphis, protegámur auxiliis. Per Dominum nostrum Jesum Christum Filium tuum.

DOMINICA

Octavam Omnium Sanctorum immediate sequente, Festum Patrocinii beatæ Mariæ Virginis. Missa: Salve sancta Parens. Pag. lxx. & fit Commemoratio Dominicæ.

Die 9. Novembris.

IN DEDICATIONE

Basilicæ Salvatoris. Missa: Terribilis est locus iste. de Communi Dedicatiõis Ecclesiæ, ut infra. Pag. xlj. Et dicitur Credo.

Pro Commemoratione S. Theodori M. xiv. Novembris in Boemia.

*** (o) ***

F f f f f 2

Die

Die 10. Novembris.

IN FESTO

Translationis S. Ludmillæ Viduæ
Martyris.

Introitus.

ME expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. *Psalmus.*
Beati immaculati in via: qui ambulat in lege Domini. *Glória Patri.*

Oratio.

Concède, quaesumus, plebi tuæ omnipotens Deus: ut quæ beatæ Ludmillæ Martyris tuæ Translatione lætatur in terris, ejusdem æternæ societate perfruatur in celis. Per Dominum nostrum.

Pro Commemoratione SS. Martyrum Tryphonis, Respicii, & Nymphæ Virginis.

Oratio.

Fac nos, quaesumus Domine, sanctorum Martyrum tuorum Tryphonis, Respicii, & Nymphæ semper festa sectari: quorum suffragiis protectionis tuæ dona sentiāmus. Per Dominum nostrum Jesum Christum.

Lectio libri Sapientiæ.

Confitebor tibi Domine rex, & collaudabo te Deum Salvatorem meum. Confitebor nomini tuo: quoniam adiutor & protector factus es mihi, & liberasti cor-

pus meum à perditione, à laqueo linguæ iniquæ, & à labiis operantium mendacium, & in conspectu altantium factus es mihi adiutor. Et liberasti me secundum multitudinem misericordiæ nominis tui à rugientibus preparatis ad escam, de manibus querentium animam meam, & de portis tribulationum, quæ circumdederunt me: à presura flammæ, quæ circumdedit me, & in medio ignis non sum æstuata: de altitudine ventris inferi, & à lingua coinquinata, & à verbo mendacii, à rege iniquo, & à lingua iniusta: laudabit usque ad mortem anima mea Dominum, quoniam eruis sustinentes te, & liberabas eos de manibus gentium, Domine Deus noster.

Graduale. Dilexisti iustitiam, & odisti iniquitatem. *Propterea unxit te Deus, Deus tuus, oleo lætitiæ. Allelûja, allelûja. Specie tua, & pulchritudine tua intendē, prospere procède, & regna. Allelûja.*

Sequentia sancti Evangelii
secundum Matthæum.

In illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cælorum homini negotiatori, querenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile

est

Postcommunio.

Sumpto salutari Sacramento, quaesumus Domine: ut sicut iste panis cælestis beatæ Ludmillæ non defuit ad gratiam; ita nobis semper proficiat ad medelam Per Dominum nostrum.

Pro SS. MM. Tryphone, Respicio, & Nympha Virgine.

Postcommunio.

Presta nobis, quaesumus Domine, intercedentibus sanctis Martyribus tuis, Tryphone, Respicio, & Nympha: ut quod ore contingimus, pura mente capiamus. Per Dominum nostrum Jesum Christum Filium tuum.

Eodem Die.

FESTUM

S. Andrea Avellini Confessoris. Missa: Os iusti. de Communi Confessoris non Pontificis. Pag. xxvj. præter Orationem sequentem.

Oratio.

DEUS, qui in corde beati Andrea Confessoris tui, per arduum quotidie in virtutibus proficiendi votum, admirabiles ad te ascensiones disposuisti: concède nobis ipsius meritis, & intercessionē ita ejusdem gratiæ participes fieri; ut perfectiora semper exequentes, ad gloriæ tuæ fastigium feliciter perducāmur. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia sæcula sæculorum. *Amen.*

est regnum cælorum sagæne missa in mare, & ex omni genere piscium congreganti. Quam, cum implēta esset, educētes, & secus littus sedētes, elegerunt bonos in vasa, malos autem foras miserunt. Sic erit in consummatione sæculi: exhibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cælorum, similis est homini patrifamilias, qui profert de thesauro suo nova & vetera. *Præter Credo.*

Offertorium. Diffusa est gratia in labiis tuis, propterea benedixit te Deus in æternum, & in sæculum sæculi. Allelûja.

Secreta.

Munera, quaesumus Domine, oblata sanctifica: & cordibus nostris eam dilectionem validius infunde; qua beatæ Ludmillæ mortis tormenta superavit. Per Dominum nostrum.

Pro SS. MM. Tryphone, Respicio, & Nympha Virgine.

Secreta.

Munera tibi, Domine, nostræ devotionis offerimus: quæ & pro tuorum tibi grata sint honore iustorum, & nobis salutaria, te miserante reddantur. Per Dominum nostrum Jesum Christum.

Communio. Principes persecuti sunt me gratis, & à verbis tuis formidavit cor meum: lætabor ego super eloquia tua, quasi qui invenit spolia multa.

F f f f f 3

Die

Die 11. Novembris.

IN FESTO

S. Martini Episcopi & Confessoris.

Introitus.

Ecdl.
41.0.

Statuit ei Dóminus testaméntum pacis, & principem fecit eum: ut sit illi sacerdotii dignitas in ætérnum. **Psalmus.** Meménto Dómine David, & omnis mansuetudinis ejus. **Gloria Patri.**

Oratio.

Psal.
131.

DEUS, qui cónspicis, quia ex nulla nostra virtute subsistimus: concède propítius; ut intercessiõe beáti Martíni Confessóris tui atque Pontíficis, contra ómnia adversa muniámur. Per Dóminum nostrum Jesum Christum.

In Missis privatis sit Commemoratio S. Mennæ M.

Oratio.

Presta quæsumus omnipotens Deus: ut qui beáti Mennæ Mártiris tui natalitia cólimus, intercessiõe ejus in tui nóminis amore roborémur. Per Dóminum nostrum Jesum Christum.

Lectio libri Sapiéntiæ.

Ecdl.
44.0.

Ecce facérdos magnus, qui in diébus suis placuit Deo, & inventus est justus: & in témpore iracúndiæ factus est reconciliatio. Non est inventus similis illi, qui conservávit legem Excélsi. Ideo jurejurando fecit illum Dóminus créscere in plebem suam. Benedictiõem ómnium Géntium de-

dit illi, & testaméntum suum confirmávit super caput ejus. Agnovit eum in benedictiõibus suis: conservávit illi misericórdiam suam: & invénit grátiam coram óculis Dómini. Magnificávit eum in conspéctu regum: & dedit illi corónam glóriæ. Statuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsius: & offerre illi incensum dignum, in odórem suavitatis.

Cap.
47.2.

Graduale. Ecce facérdos magnus, qui in diébus suis placuit Deo. **Gloria.** Non est inventus similis illi, qui conserváret legem Excélsi. Allelúja, allelúja. **Gloria.** Beátus vir sanctus Mártinus, urbis Turónis Episcopus, requiêvit: quem suscepérunt Angeli atque Archángeli, Throni, Dominatiões, ac Virtutes. Allelúja.

Ecdl.
44.

Sequéntia sancti Evangélii secúndum Lucam.

In illo témpore: Dixit Jesus discípulis suis: Nemo lucernam accéndit, & in abscondito ponit, neque sub módio: sed supra candelábrum, ut qui ingrediúntur, lumen videant. Lucerna corpóris tui, est óculus tuus. Si óculus tuus fúerit simplex, totum corpus tuum lícidum erit: si autem nequam fúerit, étiam corpus tuum tenebrósum erit. Vide ergo ne lumen quod in te est, tenebræ sint. Si ergo corpus tuum totum lícidum fúerit, non habens aliquam partem tenebrarum, erit lícidum

totum,

Die 12. Novembris.

IN FESTO

SS. Quinque Fratrum, Benedicti, Matthæi, Joannis, Isaac, & Christini MM. Patronorum Regni.

Introitus.



Alus autem justórum a Dómino: & protéctor eórum est in témpore tribulatiõnis. **Psalmus.**

Psal.
36.

Noli æmulári in malignántibus: neque zeláveris facientes iniquitatem. **Gloria Patri.**

Oratio.

Sanctórum nos, quæsumus Dómine, Mártirum tuórum Benedicti, Matthæi, Joannis, Isaac, atque Christini, gloriósa hodierna die trophæa lætificent: quatenus eórum interventiõe ad illam perveniámus hereditatem; in qua iidem felices Angelórum cætibz aggregati, tuæ semper Majestátis perfruúntur ineffabili claritate. Per Dóminum nostrum.

Lectio Epístolæ beáti Pauli Apóstoli ad Corinthios.

Fratres, Exhibeamus nosmetipsos sicut Dei ministros, in multa paciéntia, in tribulatiõibus, in necessitatibus, in angústiis, in plagis, in carcéribus, in seditiõibus, in laboribus, in vigiliis, in jejuniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtute Dei, per arma justitiæ a dextris, & a

sinistris,

totum, & sicut lucerna fulgórís illuminábit te.

Psal.
80.

Orationum. Veritas mea, & misericórdia mea cum ipso: & in nómine meo exaltábitur cornu ejus.

Secreta.

DA, miséricors Deus: ut hæc nos salutáris oblátio, & a propriis reátibus indefinenter expédiet, & ab ómnibus tueatur adversis. Per Dóminum nostrum.

Pro S. Menna Martyre.

Secreta.

Munéribus nostris, quæsumus Dómine, precibzque susceptis: & eccléstibus nos munda mysteriis, & clementer exaudi. Per Dóminum nostrum.

Mat.
24.0.

Communio. Beátus servus, quem cum vénerit dóminus, invenerit vigilántem: amen dico vobis, super ómnia bona sua constituet eum.

Postcommunio.

Presta, quæsumus Dómine, Deus noster: ut quorum festivitáte votiva sunt sacraménta, eórum intercessiõe salutaria nobis reddántur. Per Dóminum nostrum Jesum Christum.

Pro S. Menna Martyre.

Postcommunio.

DA, quæsumus Dómine, Deus noster: ut sicut tuórum commemoratiõe Sanctórum, temporáli gratulamur officio; ita perpétuo lætemur aspéctu. Per Dóminum nostrum Jesum Christum Filium tuum.



sinistris. per gloriam, & ignobilitatem, per infamiam, & bonam famam: ut seductores, & veraces; sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, & omnia possidentes.

Graduale. Clamaverunt iusti, & Dominus exaudivit eos: & ex omnibus tribulationibus eorum liberavit eos. **V.** Juxta est Dominus his, qui tribulato sunt corde: & humiles spiritu salvabit. Alleluya, alleluya. **V.** Te Martyrum candidatus laudat exercitus Domine. Alleluya.

Sequentia sancti Evangelii secundum Lucam.

In illo tempore: Dixit Jesus discipulis suis: Attendite a fermento Phariseorum, quod est hypocrisis. Nihil autem operum est, quod non reveletur: neque absconditum, quod non sciatur. Quoniam quae in tenebris dixistis, in lumine dicentur: & quod in aurem locuti estis in cubiculis, praedicabitur in testis. Dico autem vobis amicis meis: Ne terreamini ab his qui occidunt corpus, & post haec non habent amplius quid faciant. Ostendam autem vobis, quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeris veneunt dipondio, & unus ex illis non est in oblivione coram Deo? Sed & capilli

capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis quicumque confessus fuerit me coram hominibus, & Filius hominis confitebitur illum coram Angelis Dei.

Et dicitur Credo in Bohemia.

Offertorium. Justorum animae in manu Dei sunt, & non tanget illos tormentum malitiae: visi sunt oculis insipientium mori, illi autem sunt in pace. Alleluya.

Secreta.

Munera, Domine, oblata sanctifica: & intercedentibus sanctis Martyribus tuis, per eadem nos placatus intende. Per Dominum nostrum.

Communio. Quod dico vobis in tenebris, dicite in lumine, dicit Dominus: & quod in aure audistis, praedicare super tecla.

Postcommunio.


Sanctificet nos, quosumus Domine, tui perceptio Sacramenti: & intercessione sanctorum Martyrum tuorum, Benedicti, Matthaei, Isaac, Joannis atque Christini, tibi reddat acceptos. Per Dominum nostrum Jesum Christum.

Eodem Die.

FESTUM

S. Martini Papae & Martyris.

Introitus.



Acerdotes Dei benedicite Dominum: sancti & humiles corde laudate Deum. **Psalmus.**

Bene-

Benedicite omnia opera Domini Domino: laudate & superexaltate eum in saecula. **V.** Gloria Patri.

Oratio.

DEUS, qui nos beati Martini Martyris tui atque Pontificis annua solemnitate laetificas: concede propitius; ut cujus natalitia colimus, de ejusdem etiam protectione gaudeamus. Per Dominum nostrum.

Lectio Epistolae beati Petri Apostoli.

Charissimi, Communicantes Christi passionibus, gaudete, & in revelatione gloriae ejus gaudeatis exultantes. Si exprobramini in nomine Christi, beati eritis: quoniam quod est honoris, gloriae, & virtutis Dei, & qui est ejus Spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat judicium a domo Dei. Si autem primum a nobis: quis finis eorum, qui non credunt Dei Evangelio? Et si justus vix salvabitur, impius & peccator ubi parerunt? Itaque & hi, qui patiuntur secundum voluntatem Dei, fidei Creatori commendent animas suas in beneficiis.

Graduale. Gloria & honore coronasti eum. **V.** Et constituisti eum super opera manuum tuarum, Domine. Alleluya, alleluya. **V.** Hic est Sacerdos, quem coronavit Dominus. Alleluya.

Sequentia sancti Evangelii secundum Lucam.

In illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim aedificare, non prius sedens computat sumptus, qui necessarii sunt, si habeat ad perficiendum; ne, posteaquam posuerit fundamentum, & non potuerit perficere, omnes qui vident, incipiant illudere ei, dicentes: quia hic homo coepit aedificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin, adhuc illo longe agente, legationem mittens, rogat ea quae pacis sunt. Sic ergo omnis ex vobis, qui non renuntiat omnibus quae possidet, non potest meus esse discipulus.

Offertorium. Inveni David servum meum: oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Munera tibi, Domine, dicata sanctifica: & intercedente beato Martino Martyre tuo atque Pontifice, per eadem nos placatus intende. Per Dominum nostrum.

G g g g

Communi-

Communio. Posuisti Dómine in capite ejus corónam de lapide pretioso.

Postcommunio.

HÆc nos commúnio, Dómine, purget à crimine: & intercedente beato Martino Mártire tuo atque Pontífice, cœléstis remédii faciat esse cónsortes. Per Dóminum nostrum Jesum Christum Fílium tuum.

**Die 13. Novembris.
IN FESTO**

S. Brictii Episcopi & Confessoris. Missa: Sacerdotes tui. de Communi Confessoris Pontificis. Pag. xxj. præter Orationem sequentem.

Oratio.

DEUS, qui nos annua beati Brictii Confessoris tui atque Pontificis solémnia venerári concedis: præsta quæsumus; ut & devótis ea precibus celebrémus, & ejus patrocinio promerente, véniam nostrarum culpárum adipisci mereámur. Per Dóminum nostrum.

Eodem Die.

FESTUM

S. Didaci Confessoris. Missa: Justus ut palma. de Communi Confessoris non Pontificis. Pag. xxvij. præter Orationem sequentem.

Oratio.

OMnipotens sempitérne Deus, qui dispositiône mirabili infirma mundi éligis, ut fórtia quæque confundas: concède propítius humilitati nostræ; ut piis beati Didaci Confessoris tui precibus ad perennem in cœlis glóriam subli-

mari mereámur. Per Dóminum nostrum Jesum Christum.

**Die 14. Novembris.
IN FESTO**

S. Theodori Martyris. Missa: In virtute. de Communi unius Martyris. Pag. v. præter Orationem sequentem.

Oratio.

DEUS, qui nos beati Theodori Mártiris tui confessiône gloriósa circúmdas & prótegis: præsta nobis ex ejus imitatiône proficere, & oratiône fulciri. Per Dóminum nostrum Jesum Christum Fílium tuum.

**Die 15. Novembris.
IN FESTO**

S. Leopoldi Confessoris.

Introitus.

Iustus ut palma florébit: sicut cedrus Líbani multiplicabitur: plantatus in domo Dómini, in átriis domus Dei nostri. **Psalmus.** Bonum est confiteri Dómino: & psállere nómini tuo, Altíssime. **V.** Glória Patri.

Oratio.

DEUS, qui beátum Leopoldum à sæculi curis ad cœléstem glóriam transvexisti: concède quæsumus, ita nos per hæc temporália pertransire; ut æternæ vitæ cónsortia mereámur. Per Dóminum nostrum Jesum Christum Fílium tuum.

Lectio

Lectio Epistolæ beati Pauli
Apóstoli ad Philippenses.

Fratres, Quæ mihi fuérunt lucra, hæc arbitrátus sum propter Christum detriménta. Verúm tamen existimo ómnia detriméntum esse, propter eminentem sciéntiam Jesu Christi Dómini mei: propter quem ómnia detriméntum feci, & árbitor ut stercora, ut Christum lucrificáram, & inveniar in illo, non habens meam justitiam, quæ ex lege est, sed illam, quæ ex fide est Christi Jesu: quæ ex Deo est justitia in fidé, ad cognoscéndum illum, & virtutem resurrectionis ejus, & societatem passionum illius, configurátus morti ejus: si quo modo occurrám ad resurrectionem, quæ est ex mortuis: non quòd jam acceperim, aut jam perfectus sim: sequor autem, si quòmodo comprehendám, in quo & comprehensus sum à Christo Jesu.

Graduale. Os justi meditabitur sapiéntiam: & lingua ejus loquetur judicium. **V.** Lex Dei ejus in corde ipsius: & non supplantabuntur gressus ejus. Allelúja, allelúja. **V.** Beátus vir, qui timet Dóminum: in mandátis ejus cupit nimis. Allelúja.

Sequéntia sancti Evangelii secundum Lucam.

In illo témpore: Dixit Jesus discipulis suis parabolam hanc: Homo quidam nobilis abiit in regiónem longinquam accipere sibi regnum, & revérti. Vocáti autem decem servis suis, dedit eis

decem mnas, & ait ad illos: Negotiámini dum vénio. Cives autem ejus óderant eum: & miserunt legatióem post illum, dicentes: Nolumus hunc regnare super nos. Et factum est ut rediret accepto regno: & jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisivi. Et ait illi: Euge bone serve, quia in módico fuisti fidélis, eris potestatem habens super decem civitates. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitates. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuisti, & metis, quod non seminasti. Dicit ei: De ore tuo te júdico serve nequam. Sciébas, quòd ego homo austérus sum, tollens quod non posui, & metens quod non seminavi: & quare non dedisti pecúniam meam ad mensam, ut ego véniens, cum usúris útique exegissem illam? Et astántibus dixit: Auferte ab illo mnam, & date illi qui decem mnas habet. Et dixerunt ei: Dómine, habet decem mnas. Dico autem vobis, quia omni habénti dábitur, & abundábit: ab eo autem qui non habet, & quod habet, auferétur ab eo.

Offertorium. In virtute tua, Dómine, lætábitur justus, & super salutáre tuum exultábit vehementer: desidérium animæ ejus tribuisti ei.

G g g g 2

Secreta.

Presta nobis, quæsumus, omnipotens Deus: ut nostræ humilitatis oblatio, & pro tuorum tibi grata sit honore Sanctorum, & nos corpore pariter & mente purificet. Per Dominum nostrum Jesum Christum.

Communio. Amen dico vobis: quod vos qui reliquistis omnia, & secuti estis me: centuplum accipietis, & vitam æternam possidebitis.

Postcommunio.

Quæsumus omnipotens Deus: ut qui cœlestia alimenta percipimus; intercedente B. Leopoldo Confessore tuo, per hæc contra omnia adversa muniamur. Per Dominum nostrum Jesum Christum Filium tuum.

Die 16. Novembris.
IN FESTO

S. Ottmari Abbatis. Missa: Os justi ex Communi Abbatum Pag. xxix. præter Orationem sequentem.

Oratio.

Sancti Ottmari Abbatis, Domine, tribue nos fovēri supplicationibus: ut cujus venerabilem sollemnitatem celebramus obsequiis; ejus intercessionibus commendemur & meritis. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia secula seculorum. **R.** Amen.

Die 17. Novembris.
IN FESTO

S. Gregorii Thaumaturgi Episcopi & Confessoris.

Introitus.



Statuit ei Dominus testamentum pacis, & principem fecit eum: ut sit illi sacerdotii dignitas in æternum. **Psalmus.** Memento Domine David: & omnis mansuetudinis ejus. **G.** Gloria Patri.

Oratio.

DA, quæsumus, omnipotens Deus: ut beati Gregorii Confessoris tui atque Pontificis veneranda sollemnitas, & devotionem nobis augeat, & salutem. Per Dominum nostrum.

Lectio libri Sapientie.

Ecce sacerdos magnus, qui in diebus suis placuit Deo, & inventus est justus: & in tempore iracundie factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam glorie. Statuit illi testa-

mentum

Postcommunio

Presta, quæsumus omnipotens Deus: ut de perceptis muneribus gratias exhibentes, intercedente beato Gregorio Confessore tuo atque Pontifice, beneficia potiora sumamus. Per Dominum nostrum Jesum Christum Filium tuum: Qui tecum vivit & regnat in unitate.

Die 18. Novembris.
IN OCTAVA

S. Martini Episcopi Confessoris dicitur Missa sicut in die Festi, sine ulla Commemoratione, nisi venerit in Dominica.

Eodem Die.
IN DEDICATIONE

Basilicarum SS. Apostolorum Petri & Pauli. Missa: Terribilis est locus iste. de Communi Dedicationis Ecclesie, ut infra. Pag. xli. & dicitur Credo.

Die 19. Novembris.
IN FESTO

S. Elisabethæ Viduæ.

Introitus.



Cognovi Domine, quia aequitas judicia tua, & in veritate tua humiliasti me: confuge timore tuo carnes meas, à mandatis tuis timui. **Psalmus.** Beati immaculati in via: qui ambulant in lege Domini. **G.** Gloria Patri.

mentum æternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius: & offerre illi incensum dignum, in odorem suavitatis.

Graduale. Ecce sacerdos magnus, qui in diebus suis placuit Deo. **G.** Non est inventus similis illi, qui conservaret legem Excelsi. Alleluya, alleluya. **G.** Tu es sacerdos in æternum, secundum ordinem Melchisedech. Alleluya.

Sequentia sancti Evangelii secundum Marcum.

In illo tempore: Respondens Jesus discipulis suis, ait illis: Habete fidem Dei. Amen dico vobis, quia quicumque dixerit huic monti: Tollere, & mittere in mare; & non hæsitaverit in corde suo, sed crediderit, quia quodcumque dixerit, fiat, fiet ei. Propterea dico vobis: omnia quaecumque orantes petitis, credite quia accipietis, & evenient vobis.

Offertorium. Inveni David servum meum: oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui, quæsumus Domine, nos ubique lætificent: ut dum eorum merita recolimus, patrocinia sentiāmus. Per Dominum nostrum Jesum Christum.

Communio. Fidelis servus & prudens, quem constituit Dominus super familiam suam: ut det illis in tempore tritici mensuram.

G g g g g 3

Oratio.

Oratio.

Tuorum corda fidelium Deus miserator illustra: & beata Elisabeth precibus gloriosis fac nos prospera mundi despiciere, & celesti semper consolatione gaudere. Per Dominum nostrum.

Pro Commemoratione S. Pontiani Papae & Martyris.

Oratio.

Infirmiorem nostram respice omnipotens Deus: & quia pondus propriae actionis gravat; beati Pontiani Martyris tui atque Pontificis intercessio gloriosa nos protegat. Per Dominum nostrum Jesum Christum.

Lectio libri Sapientiae.

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitae suae. Quasivit lanam & linum, & operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque praedam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fenum. Manum suam aperuit inopi, & palmas suas extendit ad pauperem. Non timebit

domui suae a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, & vendidit, & cingulum tradidit Chanaan. Fortitudo & decor indumentum ejus, & ridebit in die novissimo. Os suum aperuit sapientiae: & lex clementiae in lingua ejus. Consideravit semitas domus suae, & panem otiosa non comedit. Surrexerunt filii ejus, & beatissimam praedicaverunt; vir ejus, & laudavit eam. Multae filiae congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eum in portis opera ejus.

Graduale. Diffusa est gratia in labiis tuis, propterea benedixit te Deus in aeternum. **V.** Propter veritatem, & mansuetudinem, & justitiam: & deducet te mirabiliter dextera tua. Alleluja, alleluja. **V.** Specie tua, & pulchritudine tua intendente, prospere procede, & regna. Alleluja.

Sequentia sancti Evangelii secundum Matthaeum.

In illo tempore: Dixit Jesus discipulis suis parabolam hanc: Simile est regnum caelorum thesauro abscondito in agro: quem qui invenit homo, abscondit, & praegaudio illius vadit, & vendit universa quae habet, & emit agrum

illum.

illum. Iterum simile est regnum caelorum homini negotiatori, quaerenti bonas margaritas. Inventa autem una pretiosa margarita, abiit, & vendidit omnia quae habuit, & emit eam. Iterum simile est regnum caelorum sagena missae in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione saeculi: exibunt Angeli, & separabunt malos de medio iustorum, & mittent eos in eam in ignis: ibi erit fletus, & stridor dentium. Intellexistis haec omnia? Dicunt ei: Etiam. Ait illis: Ideo omnis scribe doctus in regno caelorum, similis est homini patrifamilias, qui profert de thesauro suo nova & vetera.

Offertorium. Diffusa est gratia in labiis tuis, propterea benedixit te Deus in aeternum, & in saeculum saeculi.

Secreta.

Accepta tibi sit, Domine, sacratae plebis oblatio, pro tuorum honore Sanctorum: quorum se meritis de tribulatione percipisse cognoscit auxilium. Per Dominum nostrum.

Pro S. Pontiano. Secreta.

Hostias tibi, Domine, beati Pontiani Martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dominum nostrum Jesum Christum Filium tuum.

Communio. Dilexisti justitiam, & odisti iniquitatem: propterea

unxit te Deus, Deus tuus, oleo laetitiae, praefertur confortibus tuis.

Postcommunio.

Satiasti Domine familiam tuam munere sacris: ejus quassumus, semper interventione nos refove; cujus solennia celebramus. Per Dominum nostrum.

Pro S. Pontiano.

Postcommunio.

Refecti participatione muneris sacri, quassumus Domine Deus noster: ut cujus exequimur cultum, intercedente beato Pontiano Martyre tuo atque Pontifice, sentiamus effectum. Per Dominum nostrum Jesum Christum Filium tuum.

Die 20. Novembris.

IN FESTO

S. Felicis de Valois Confessoris. Missa: Justus ut palma. de Comuni Confessoris non Pontificis. Pag. xxvij. praeter Orationem primam.

Oratio.

DEUS, qui beatum Felicem Confessorem tuum ex eremo ad munus redimendi captivos coelestis vocare dignatus es: presta quassumus; ut per gratiam tuam ex peccatorum nostrorum captivitate, ejus intercessione liberati, ad coelestem patriam perducamur. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia saecula saeculorum. **R.**

Amen.

Die

Die 21. Novembris.

IN FESTO

Præsentationis B. Mariæ Virginis.

Introitus.

Salve sancta parens, enixa puerpera Regem: qui cælum terramque regit in sæcula sæculorum.

Psalmus. Eructavit cor meum verbum bonum: dico ego opera mea Regi. ✠. Gloria Patri.

Oratio.

DEUS, qui beatam Mariam semper Virginem, Spiritus sancti habitaculum, hodierna die in templo præsentari voluisti: præsta quæsumus; ut ejus intercessiōne, in templo gloriæ tuæ præsentari mereamur. Per Dñm nostrum. in unitate ejusdem Spiritus sancti Deus.

Lectio libri Sapientiae.

AB initio & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei hæreditas illius, & in plenitudinæ sanctorum detentio mea.

Graduale. Benedicta & venerabilis es Virgo Maria: quæ finem tætu pudoris: inventa es mater Salvatoris. ✠. Virgo Dei Genitrix, quem totus non capit orbis, in tua

se clauit viscera, factus homo. Allelûja, allelûja. ✠. Post partum Virgo inviolata permansisti: Dei genitrix intercède pro nobis. Allelûja.

Sequētia sancti Evangelii
secundum Lucam.

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit; & ubera, quæ suxisti. At ille dixit: Quinimò beati, qui audiunt verbum Dei, & custodiunt illud.

Credo.

Offertorium. Ave Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

Tua, Domine, propitiatiōne & beatæ Mariæ semper Virginis intercessiōne, ad perpetuam atque præsentem hæc oblatio nobis proficiat prosperitatem & pacem. Per Dñm nostrum.

Præfatio de B. Maria. Et te in Præsentatione. Pag. 260.

Communio. Beata viscera Mariæ Virginis, quæ portaverunt æterni Patris Filium.

Postcommunio

Sumptis, Domine, salutis nostræ subsidiis: da quæsumus, beatæ Mariæ semper Virginis patrocinis nos ubique protegi; in cuius veneratione hæc tuæ obolumus majestati. Per Dñm nostrum Jesum Christum Filium tuum: Qui tecum vivit & regnat.

Die

Die 22. Novembris.

IN FESTO

S. Cæciliæ Virginis & Martyris.

Introitus.

LOquēbar de testimonio tuis in conspectu regum, & non confundēbar: & meditabar in mandatis tuis, quæ dilexi nimis.

Psalmus. Beati immaculati in via: qui ambulant in lege Domini. ✠. Gloria Patri.

Oratio.

DEUS, qui nos annua beatæ Cæciliæ Virginis & Martyris tuæ solemnitate lætificas: da, ut quam veneramur officio, etiam pia conversatiōnis sequamur exemplo. Per Dñm nostrum.

Lectio libri Sapientiae.

Domine Deus meus, exaltasti super terram habitationem meam, & pro morte defluente deprecata sum. Invocaui Dñm Patrem Domini mei, ut non derelinquat me in die tribulationis meæ, & in tempore superbiorum sine adiutorio. Laudabo nomen tuum assidue, & collaudabo illud in confessione, & exaudita est oratio mea. Et liberaisti me de perditione, & eripuisti me de tempore iniquo. Propterea confitebor, & laudem dicam tibi, Domine Deus noster.

Graduale. Audi filia, & vide, & inclina aurem tuam: quia concupivit Rex speciem tuam. ✠. Spe-

cie tua, & pulchritudine tua intende, prospere procede, & regna. Allelûja, allelûja. ✠. Quinque prudentes virgines acceperunt oleum in vasis suis cum lampadibus: media autem nocte clamor factus est: Ecce sponsus venit, exite obviam Christo Domino. Allelûja.

Sequētia sancti Evangelii
secundum Matthæum.

IN illo tempore: Dixit Jesus discipulis suis parabolam hanc: Simile erit regnum cælorum decem virginibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpserunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Media autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornaverunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Respondérunt prudentes, dicentes: Nè fortè non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissime verò veniunt & reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio

H h h h h

vos.

vos. Vigilâte itaque, quia nescitis diem, neque horam.

Offertorium. Afferentur Regi virgines post eam: proximæ ejus afferentur tibi in lætitia & exultatione: adducuntur in templum Regi Dómino.

Secreta.

Hæc hóstia, Dómine, placationis & laudis, quæsumus, ut intercedente beata Cæcília Virgine & Mártire tua, nos propitiatione tua dignos semper efficiat. Per Dóminum nostrum.

Communio. Confundantur superbi, quia injústè iniquitatem fecerunt in me: ego autem in mandatis tuis exercébör, in tuis justificationibus, ut non confundar.

Postcommunio.

Satiasti, Dómine, familiam tuam munéribus sacris: ejus, quæsumus, semper interventióne nos refóve; cujus solémnia celebrámus. Per Dóminum nostrum Jesum Christum.

Die 23. Novembris.

IN FESTO

S. Clementis Papæ & Martyris.

Introitus.



Dicit Dóminus: Sermónes mei, quos dedi in os tuum, non deficient de ore tuo: & múnera tua accepta erunt super altäre meum. **Psalms.** Beátus vir, qui timet Dóminum: in mandatis ejus cupit nimis. ✠ Glória Patri.

Oratio.

DEUS, qui nos ánnua beáti Clementis Mártiris tui atque Pontíficis sollemnitate lætíficas: concède propítius; ut cujus natiuita cólimus, virtútem quoque Passiónis imitémur. Per Dóminum nostrum Jesum Christum.

Pro Commemoratione S. Felicitatis Martyris.

Oratio.

Presta quæsumus omnipotens Deus: ut beátæ Felicitátis Mártiris tuæ solémnia recensentes, méritis ipsius protegámur, & precibus. Per Dóminum nostrum Jesum Christum Fílium tuum.

Lectio Epístolæ beáti Pauli Apóstoli ad Philippénfes.

Fratres, Imitatôres mei estôte, & observâte eos, qui ita ambulant, sicut habétis formam nostram. Multi enim ambulant, quos sæpè dicebam vobis (nunc autem & flens dico) inimicos crucis Christi: quorum finis intéritus: quorum deus venter est: & glória in confusióne ipsórum, qui terréna sapiunt. Nostra autem conversatio in cœlis est: unde étiam Salvatôrem expectámus Dóminum nostrum Jesum Christum, qui reformábit corpus humilitátis nostræ, configurátum corpore claritátis suæ, secúndum operatióem, qua étiam possit subícere sibi ómnia itaque fratres mei charíssimi, & desideraríssimi, gáudium meum, & coróna mea: sic state in Dómino charíssimi. Euódiam rogo, & Syntichen deprecor, idípsum sápe-
re in Dómino. Etiam rogo & te

germâne

germâne compar, adjuva illas, quæ mecum laboravérunt in Evangelio cum Clemente, & ceteris adjutóribus meis, quorum nómina sunt in libro vitæ.

Graduale. Jurávit Dóminus, & non pœnitêbit eum: Tu es sacerdos in ætérnum, secúndum ordinem Melchisedech. ✠. Dixit Dóminus Dómino meo: sede à dextris meis. Alleluja, alleluja. ✠. Hic est Sacerdos quem coronávit Dóminus. Alleluja.

Sequéntia sancti Evangelii secúndum Matthæum.

In illo témpore: Dixit Jesus discipulis suis: Vigilâte, quia nescitis qua hora Dóminus vester ventúrus sit. Illud autem scitôte, quóniam si sciret paterfamilias qua hora fur ventúrus esset, vigilâret utique, & non síneret pœrfodi domum suam. Ideò & vos estôte parati: quia qua nescitis hora Fílius hóminis ventúrus est. Quis, putas, est fidéls servus, & prudens, quem constituit Dóminus suus super familiam suam, ut det illis cibum in témpore? Beátus ille servus, quem, cum venerit dóminus ejus, invenerit sic faciéntem. Amen dico vobis, quóniam super ómnia bona sua constituet eum.

Offertorium. Vêritas mea, & misericórdia mea cum ipso: & in nómine meo exaltábitur cornu ejus.

Secreta.

Munera tibi, Dómine, dicata sanctífica: & intercedente beáto Clemente Mártire tuo atque Pontífice, per hæc nos à peccatô-

rum nostrórum máculis emúnda. Per Dóminum nostrum.

Pro S. Felicitate M.

Secreta.

Vota pópuli tui, Dómine, propitiátus inténde: & cujus nos tribuis solémnia celebrâre, fac gaudere suffrágis. Per Dóminum nostrum.

Communio. Beátus servus, quem cum venerit Dóminus, invenerit vigilántem: amen dico vobis, super ómnia bona sua constituet eum.

Postcommunio.

Corporis sacri, & pretiósi sanguinis repléti libámine, quæsumus Dómine Deus noster: ut quod pia devotióne gérimus, intercedente beáto Clemente Mártire tuo atque Pontífice, certa redemptiône capiámus. Per eúmdem Dóminum nostrum.

Pro S. Felicitate M.

Postcommunio.

Supplices te rogámus omnipotens Deus: ut intercedéntibus Sanctis tuis, & tua in nobis dona múltiples & témpora nostra dispónas. Per Dóminum nostrum.

Die 24. Novembris.

IN FESTO

S. Chrysogoni Martyris.

Introitus.



N virtúte tua, Dómine lætábitur justus: & super salutare tuum exultábit veheménter: desiderium ánimæ ejus tribuísti ei.

H h h h h 2

Psalms.

Psalms. Quoniam pravenisti eum in benedictionibus dulcedinis: posuisti in capite ejus coronam de lapide pretioso. *Glória Patri.*

Oratio.

Adesto Domine supplicationibus nostris: ut qui ex iniquitate nostra reos nos esse cognoscimus, beati Chrysogoni Martyris tui intercessione liberemur. Per Dominum nostrum.

Lectio libri Sapientiae.

Iustum deduxit Dominus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complévit labores illius. In fraude circumventium illum, affuit illi: & honestum fecit illum. Custodivit illum ab inimicis, & a seductoribus tutavit illum, & certamen forte dedit illi ut vinceret, & sciret quoniam omnium poténtior est sapientia. Hæc venditum iustum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & poténtiam adversus eos qui eum deprimébant: & mendaces ostendit, qui maculaverunt illum: & dedit illi claritatem æternam, Dominus Deus noster.

Graduale. Beatus vir, qui timet Dominum: in mandatis ejus cupit nimis. *Ps.* Potens in terra erit semen ejus: generatio rectorum benedicetur. Allelúja, allelúja. *Ps.* Posuisti Domine super caput ejus coronam de lapide pretioso. Allelúja.

Sequentia sancti Evangelii secundum Matthæum.

In illo tempore: Dixit Jesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Veni enim separare hominem adversus patrem suum, & filium adversus matrem suam, & nurum adversus socrum suam: & inimici hominis, domestici ejus. Qui amat patrem aut matrem plus quam me, non est me dignus. Et qui amat filium aut filiam super me, non est me dignus. Et qui non accipit crucem suam, & sequitur me, non est me dignus. Qui invénit animam suam, perdet illam: & qui perdiderit animam suam propter me, invéniet eam. Qui recipit vos, me recipit: & qui me recipit, recipit eum qui me misit. Qui recipit Prophétam in nomine Prophète: mercèdem Propheta accipiet: & qui recipit iustum in nomine justi, mercèdem justi accipiet. Et quicumque potum dederit uni ex minimis istis, calicem aquæ frigidæ tantum in nomine discipuli: amen dico vobis, non perdet mercèdem suam.

Offertorium. Glória & honore coronasti eum: & constituisti eum super opera manuum tuarum, Domine.

Secreta.

Oblatis, quasumus Domine, placare munibus: & intercedente beato Chrysogono Martyre tuo, a cunctis nos defende periculis. Per Dominum nostrum Jesum Christum.

Comm.

Communio. Qui vult venire post me, abneget semetipsum: & tollat crucem suam, & sequatur me. **Postcommunio.**

Tui, Domine, perceptione sacramenti, & a nostris mundemur occultis, & ab hostium liberemur insidiis. Per Dominum nostrum Jesum Christum.

Die 25. Novembris.

IN FESTO

S. Catharinæ Virginis & Martyris.

Introitus.

Quæbar de testimonio tuis in conspectu Regum, & non confundabar: & meditabar in

mandatis tuis, quæ dilexi nimis. **Psalms.** Beati immaculati in via: qui ambulant in lege Domini. *Glória Patri.*

Oratio.

DEUS, qui dedisti legem Moysi in summitate montis Sinai, & in eodem loco per sanctos Angelos tuos corpus beatæ Catharinæ Virginis & Martyris tuæ mirabiliter collocasti: presta quasumus, ut ejus meritis & intercessione, ad montem, qui Christus est, pervenire valeamus. Qui tecum vivit & regnat.

Lectio libri Sapientiae.

Confitebor tibi Domine Rex, & collaudabo te Deum Salvatorem meum. Confitebor nomini tuo: quoniam adiutor & protector

factus es mihi, & liberasti corpus meum a perditione, a laqueo linguæ iniquæ, & a labiis operantium mendacium, & in conspectu astantium factus es mihi adiutor. Et liberasti me secundum multitudinem misericordiæ nominis tui a rugientibus, præparatis ad escam, de manibus querentium animam meam, & de portis tribulationum, quæ circumdederunt me: a presura flammæ, quæ circumdedit me, & in medio ignis non sum æstutatus: de altitudine ventris inferi, & a lingua coinquinata, & a verbo mendacii, a rege iniquo, & a lingua injusta: laudabit usque ad mortem anima mea Dominum, quoniam eruis sustinentes te, & liberas eos de manibus gentium, Domine Deus noster.

Graduale. Dilexisti justitiam, & odisti iniquitatem. *Ps.* Propterea unxit te Deus, Deus tuus, oleo lætitiæ. Allelúja, allelúja. *Ps.* Adducuntur Regi virgines post eam, proximæ ejus afferuntur tibi in læticia. Allelúja.

Sequentia sancti Evangelii secundum Matthæum.

In illo tempore: Dixit Jesus discipulis suis parabolam hanc: Simile erit regnum cælorum decem virginibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudentes; sed quinque fatuæ, acceptis lampadibus, non sumpserunt oleum secum: prudentes verò acceperunt oleum in vasis suis cum lampadibus. Moram autem fa-

H h h h h 3

ciénte

ciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornavérunt lámpades suas. Fáturæ autem sapiéntibus dixerunt: Date nobis de óleo vestro: quia lámpades nostræ extinguuntur. Respondérunt prudentes, dicentes: Nè fortè non sufficiat nobis & vobis, ite potiùs ad vendentes, & émite vobis. Dum autem irent émere, venit sponsus: & quæ paratæ erant, intravérunt cum eo ad nuptias, & clausa est janua. Novissimè verò veniunt & reliquæ virgines, dicentes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Afferéntur Regi virgines post eam: próximæ ejus afferéntur tibi in læticia & exultatione: adducéntur in templum Regi Dómino.

Secreta.

Suscipe Dómine múnera, quæ in beatæ Catharinæ Virginis & Mátyris tuæ solemnitáte deférimus: cujus nos confidimus pá-

trocinio liberári. Per Dóminum nostrum Jesum Christum Fílium tuum: Qui tecum.

Communio. Confundántur superbi, quia injústè iniquitatem fecerunt in me: ego autem in mandátis tuis exercébör, in tuis justificationibus, ut non confundar.

Postcommunio.

Auxiliéntur nobis, Dómine, sumpta mystéria: & intercedente beata Catharina Virgine & Mátyre tua, sempitérna faciant protectiône gaudere. Per Dóminum nostrum Jesum Christum Fílium tuum: Qui tecum vivit & regnat in unitate Spíritus sancti Deus, per ómnia sæcula sæculórum. **32. Amen.**

Die 26. Novembris.

IN FESTO

S. Petri Alexandrini Episcopi & Mátyris. Missa: Státuit ei Dóminus. de Communi unius Mátyris Pontificis. Pag. ij.

INFRA OCTAVAM

S. Catharinæ, dicitur Missa sicut in die Festo, cum secunda Oratione de B. M. V. Concède. Tertia pro Ecclesia, vel Papa. Pag. 315.



COM.

COMMUNE SANCTORUM.

IN VIGILIA UNIUS APOSTOLI

Introitus.



Go autem sicut oliva fructifera in domo Dómini, speravi in misericórdia Dei mei, & expectábo nomen tuum, quóniam bonum est ante conspéctum sanctórum tuórum. **Psalms.** Quid gloriáris in malitia: qui potens es in iniquitate? **3. Glória Patri.**

Oratio.

DA quæsumus omnipotens Deus: ut beati **N.** Apóstoli tui, quam prævenimus, veneránda solémnitas; & devotióne nobis áugeat, & salutem. Per Dóminum nostrum.

Lectio libri Sapiéntiæ.

Benedictio Dómini super caput justí. Ideò dedit illi Dóminus hæreditatem, & divisit illi partem in tribubus duódecim: & invénit grátiam in conspéctu omnis carnis. Et magnificávit eum in timóre inimicórum: & in verbis suis monstra placávit. Glorificávit illum in conspéctu regum, & jussit illi corám pópulo suo, & osténdit illi glóriam suam. In fide & leni-

tate ipsius sanctum fecit illum, & elegit eum ex omni carne. Et dedit illi corám præcepta, & legem vitæ & disciplinæ: & excelsum fecit illum. Státuit ei testaméntum ætérnum, & circumcínxit eum zona justitiæ: & induit eum Dóminus corónam glóriæ.

Graduale. Justus ut palma florebit: sicut cedrus Libani multiplicábitur in domo Dómini. **3. Ad annuntiándum manè misericórdiam tuam, & veritatem tuam per noctem.**

Sequéntia sancti Evangélii
secundum Joánnem.

In illo témpore: Dixit Jesus discipulis suis: Hoc est præceptum meum, ut diligátis invicem, sicut diléxi vos. Majórem hac dilectionem nemo habet, ut ánimam suam ponat quis pro amicis suis. Vos amici mei estis, si feceritis, quæ ego præcipio vobis. Jam non dicam vos servos: quia servus nescit quid faciat dóminus ejus. Vos autem dixi amicos: quia ómnia quæcúmque audivi à Patre meo, nota feci vobis. Non vos me elegistis: sed ego elegi vos, & posui vos ut eátis, & fructum afferátis; & fructus vester máneat: ut quodcúmque petieritis Patrem in nómine meo, det vobis.

A A

Offer.

Offertorium. Glória & honóre coronásti eum: & constituísti eum super ópera manuum tuarum, Dómine.

Secreta.

A Postólíci reverentiá cúlminis offeréntes tibi sacra mystéria, Dómine quæsumus: ut beáti N. Apóstoli tui suffrágiis, cujus natalítia prævenímus, plebs tua semper & sua vota deprómat, & desideráta percípiat. Per Dóminum nostrum.

Communio. Magna est glória ejus in salutári tuo: glóriam & magnum decórem impónes super eum, Dómine.

Postcommunio.

Sancti Apóstoli tui N. quæsumus Dómine, supplicatióne placátus; & véniam nobis tribue, & remédia sempitérna concède. Per Dóminum nostrum.

In festis Apostolorum, & Evangelistarum, omnia ut suis locis in Proprio Sanctorum.

**COMMUNE
UNIUS MARTYRIS PONTIFICIS.**

Introitus.

STatuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum. **Psalmus.** Meménto Dómine David, & omnis mansuetúdinis ejus. **Glória Patri.**

Oratio.

Infirmítatem nostram réspice omnipotens Deus: & quia pondus propriæ actiõnis gravat, beáti N. mártiris tui atque Pontíficis intercessiõ gloriósa nos próteget. Per Dóminum nostrum.

Lectio Epistolæ beáti Jacobi Apóstoli.

Charíssimi, Beátus vir, qui suffert tentatióem: quóniam cum probátus fúerit, accípiet corónam vitæ, quam repromísit Deus diligéntibus se. Nemo cum tentátur, dicat quóniam à Deo tentátur: Deus enim intentátor malórum est: ipse autem néminem tentat. Unusquisque verò tentátur à concupiscéntia sua abstráctus, & illéctus. Deinde concupiscéntia cum concéperit, parit peccátum: peccátum verò cum consummátum fúerit, génerat mortem. Nolíte itaque erráre fratres mei dilectíssimi. Omne datum óptimum, & omne donum perfectum, desúrsus est, descéndens à Patre lúminum: apud quem non est transmutatió, nec vicissitúdinis obumbratió. Voluntáriè enim génuít nos verbo veritátis, ut simus iníitium álíquod creatúræ ejus.

Graduale. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **Glória Patri.** Nihil proficiet inimicus in eo, & filius iniquitátis non nocébit ei. **Allelúja, allelúja.** Tu es sacerdos in ætérnum, secúndum órđinem Melchisedech, **Allelúja.**

Post

Post Septuagesimam, omíssis Allelúja, & versu sequenti, dicitur

Tractus. Desiderium animæ ejus tribuísti ei: & voluntáte labiórum ejus non fraudásti eum. **Glória Patri.** Quóniam prævenísti eum in benedictiõibus dulcedinis. **Glória Patri.** Posuísti in cápite ejus corónam de lapide pretiósio.

Sequéntia sancti Evangelii secundum Lucam.

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & animam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens cóputat sumptus, qui necessarij sunt, si hábeat ad perficiéndum; nè, posteaquam posuerit fundaméntum, & non potuerit perficere, omnes qui vident, incipiant illúdere ei, dicéntes: quia hic homo ccepit ædificáre, & non pótuit consummáre? Aut quis rex itúrus committere bellum adversus álíum regem, non sedens prius cógitat, si possit cum decem millibus occurrere ei, qui cum viginti millibus venit ad se? alióquin, adhuc illo longè agente, legatió-nem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discipulus.

Offertorium. Veritas mea, & misericórdia mea cum ipso: & in

nómine meo exaltábitur cornu ejus.

Secreta.

Hostias tibi, Dómine, beáti N. mártiris tui atque Pontíficis dicátas méritis, benígnus assume: & ad perpétuum nobis tribue proveníre subsidium. Per Dóminum nostrum.

Communio. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfecta in ætérnum: & testis in celo fidelis.

Postcommunio.

Refecti participatióne muneris sacri, quæsumus Dómine Deus noster: ut cujus exéquimur cultum, intercedente beáto N. mártire tuo atque Pontífice, sentiámus effectum. Per Dóminum nostrum.

DE EODEM COMMUNIALIA MISSA.

Introitus.

Sacerdotes Dei benedicite Dóminum: sancti & humiles corde laudáte Deum. **Psalmus.** Benedicite ómnia ópera Dómini Dómino: laudáte & superexaltáte eum in sæcula. **Glória Patri.**

Oratio.

DEUS, qui nos beáti N. mártiris tui atque Pontíficis annua solemnitáte lætíficas: concède propítius; ut cujus natalítia cólimus,

cólimus, de ejusdem etiam protectiōne gaudeamus. Per Dóminum nostrum.

Lectio Epistolæ beati Pauli Apóstoli ad Corínthios.

Fratres: Benedictus Deus & Pater Dómini nostri Jesu Christi, Pater misericordiárum, & Deus totius consolatiōnis, qui consolatur nos in omni tribulatiōne nostra: ut possimus & ipsi consolári eos, qui in omni pressura sunt, per exhortatiōnem, qua exhortámur & ipsi à Deo. Quóniam sicut abundant passiōes Christi in nobis: ita & per Christum abundat consolatio nostra. Sive autem tribulamur pro vestra exhortatiōne & salute, sive consolámur pro vestra consolatiōne, sive exhortámur pro vestra exhortatiōne & salute, quæ operatur tolerantiam earumdem passiōum, quas & nos patimur: ut spes nostra firma sit pro vobis: scientes, quod, sicut socii passiōum estis, sic eritis & consolatiōnis: in Christo Jesu Dómino nostro.

Graduale. Glória & honore coronasti eum. **V.** Et constituisti eum super ópera manuum tuarum, Dómine. **Alleluja, alleluja.** **V.** Hic est sacerdos, quem coronavit Dóminus. **Alleluja.**

Post Septuagesimam, omittis Alleluja, & versu sequenti, dicitur

Tractus. Beatus vir, qui timet Dóminum: in mandatis ejus cupit nimis. **V.** Potens in terra erit semen ejus: generatio rectórum benedicetur. **V.** Glória & divitiæ in domo ejus: & justitia ejus manet in sæculum sæculi.

Sequéntia sancti Evangelii secundum Matthæum.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutatiōnem pro anima sua? Filius enim hominis venturus est in glória Patris sui cum Angelis suis: & tunc reddet unicuique secundum opera ejus.

Offertorium. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Munera tibi, Dómine, dicata sanctifica: & intercedente beato N. martyre tuo atque Pontifice, per eadem nos placatus intende. Per Dóminum nostrum.

Communio. Posuisti Dómine in capite ejus coronam de lapide pretioso.

Postcommunio.

Hæc nos communitio, Dómine, purget à crimine: & intercedente beato N. martyre tuo atque Pontifice, cœlestis remédii faciat esse cōsortes. Per Dóminum nostrum.

Epistolæ & Evangelia pro Pontifice & Martyre assignata, legi possunt etiam pro Martyre non

Pontifice:

Pontifice: & quæ infra de Martyre non Pontifice habentur, etiam pro Martyre Pontifice. Et similiter quæ in una Missa de eodem Communi ponuntur, dici possunt in aliis Missis de eodem Communi.

**COMMUNE
UNIUS MARTYRIS NON PONTIFICIS**

Introitus.

In virtute tua, Dómine, latabitur justus: & super salutare tuum exultabit vehementer:

desiderium animæ ejus tribuisti ei. **Psalmus.** Quóniam prævenisti eum in benedictionibus dulcedinis: posuisti in capite ejus coronam de lapide pretioso. **V.** Glória Patri.

Oratio.

Presta quæsumus omnipotens Deus: ut qui beati N. martyris tui natalitia cólimus, intercessiōne ejus in tui nómínis amore roborémur. Per Dóminum nostrum.

Lectio libri Sapientiae.

Iustum deduxit Dóminus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complévit labores illius. In fraude circumveniéntium illum, affuit illi: & honestum fecit illum. Custodivit illum ab inimicis, & à seductóribus tutavit illum, & certamen forte dedit illi ut vinceret, & sciret quóniam omnium potén-

tior est sapiéntia. Hæc venditum justum non dereliquit, sed à peccatóribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & poténtiam adversus eos qui eum deprimebant: & mendaces ostendit, qui maculaverunt illum: & dedit illi claritatem æternam, Dóminus Deus noster.

Graduale. Beatus vir, qui timet Dóminum: in mandatis ejus cupit nimis. **V.** Potens in terra erit semen ejus: generatio rectórum benedicetur. **Alleluja, alleluja.** **V.** Posuisti Dómine super caput ejus coronam de lapide pretioso. **Alleluja.**

Post Septuagesimam, omittis Alleluja, & versu sequenti, dicitur

Tractus. Desiderium animæ ejus tribuisti ei: & voluntate labiorum ejus non fraudasti eum. **V.** Quóniam prævenisti eum in benedictionibus dulcedinis. **V.** Posuisti in capite ejus coronam de lapide pretioso.

Sequéntia sancti Evangelii secundum Matthæum.

In illo tempore: Dixit Jesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Veni enim separare hominem adversus patrem suum, & filiam adversus matrem suam, & nurum adversus socrum suam, & inimici hominis, domestici ejus. Qui amat patrem aut matrem plusquam me, non est me dignus. Et qui amat filium aut filiam super

A A 3 me,

me, non est me dignus. Et qui non accipit crucem suam, & sequitur me, non est me dignus. Qui invenit animam suam, perdet illam: & qui perdiderit animam suam propter me, inveniet eam. Qui recipit vos, me recipit: & qui me recipit, recipit eum qui me misit. Qui recipit Prophetam in nomine Prophetarum, mercedem Prophetarum accipiet: & qui recipit iustum in nomine iusti, mercedem iusti accipiet. Et quicumque potum dederit uni ex minimis istis calicem aquarum frigidarum tantum in nomine discipuli: amen dico vobis, non perdet mercedem suam.

Offertorium. Gloria & honore coronasti eum: & constituisti eum super opera manuum tuarum, Domine.

Secreta.

Muneribus nostris, quæsumus Domine, precibusque fuscipis: & celsitibus nos munda mysteriis, & clementer exaudi. Per Dominum nostrum Jesum Christum Filium tuum.

Communio. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quæsumus Domine Deus noster: ut sicut tuorum commemoratione Sanctorum, temporaliter gratulamur officio; ita perpetuo letemur aspectu. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia secula seculorum. Amen.

DE EODEM COMMUNIALIA MISSA.

Introitus.

Istabitur justus in Domino, & sperabit in eo: & laudabuntur omnes recti corde. **Psalmus.**

Exaudi Deus orationem meam cum deprecor: a timore inimici eripe animam meam. **Gloria Patri.**

Oratio.

Presta quæsumus omnipotens Deus: ut intercedente beato N. martyre tuo, & a cunctis adversitatibus liberemur in corpore, & a pravis cogitationibus mundemur in mente. Per Dominum nostrum.

Lectio Epistolæ beati Pauli Apostoli ad Timotheum.

Charissime, Memor esto Dominum Jesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans: sed verbum Dei non est alligatum. Ideo omnia sustineo propter electos, ut & ipsi salutem consequantur, quæ est in Christo Jesu, cum gloria celsit. Tu autem affectus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: quæ mihi facta sunt Antiochiæ, Iconiæ, & Lystris: quales persecutiones sustinui, & ex omnibus eripuit me Dominus. Et

omnes,

omnes, qui pie volunt vivere in Christo Jesu, persecutionem patientur.

Graduale. Justus cum ceciderit, non collidetur: quia Dominus supponit manum suam. **Tota die miseretur, & commodat: & semen ejus in benedictione erit. Alleluja, alleluja.** Qui sequitur me, non ambulat in tenebris, sed habebit lumen vitæ æternæ. **Alleluja.**

Post Septuagesimam, omnis Alleluja, & versu sequenti, dicitur.

Tractus. Beatus vir, qui timet Dominum: in mandatis ejus cupit nimis. **Potens in terra erit semen ejus: generatio rectorum benedicetur.** Gloria & divitiæ in domo ejus: & justitia ejus manet in sæculum sæculi.

Sequentia sancti Evangelii secundum Mattheum.

In illo tempore: Dixit Jesus discipulis suis: Nihil est opertum, quod non revelabitur: & occultum, quod non sciatur. Quod dico vobis in tenebris, dicite in lumine: & quod in aure auditis, prædicite super terra. Et nolite timere eos, qui occidunt corpus, animam autem non possunt occidere: sed potius timeate eum, qui potest & animam, & corpus perdere in gehennam. Nonne duo passeret asseverunt: & unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confite-

bor & ego eum coram Patre meo, qui in cælis est.

Offertorium. Posuisti Domine in capite ejus coronam de lapide pretioso: vitam petiit a te, & tribuisti ei. **Alleluja.**

Secreta.

Accepta sit in conspectu tuo Domine, nostra devotio: & ejus nobis fiat supplicatione salutaris, pro cujus solemnitate deferuntur. Per Dominum nostrum.

Communio. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus Domine Deus noster: ut cujus exequimur cultum, intercedente beato N. martyre tuo, sentiamus effectum. Per Dominum nostrum.

Item alia Epistolæ & Evangelium, in Communi unius Martyris.

Lectio Epistolæ beati Jacobi Apostoli.

Charissimi, Omne gaudium existimate cum in tentationes varias incidieritis: scientes quod probatio fidei vestra patientiam operatur. Patientia autem opus perfectum habet: ut sitis perfecti & integri, in nullo deficientes. Si quis autem vestrum indiget sapientia, postulet a Deo, qui dat omnibus affluenter, & non improperat: & dabitur ei. Postulet autem in fide nihil hæsitans: qui enim hæsitat, similis est fluctui maris, qui a vento movetur, & circumfertur. Non ergo æstimet homo ille quod

accipiat

accipiat aliquid à Dómino. / Vir duplex ánimo, incónstans est in ómnibus viis suis. / Gloriétur autem frater húmilis in exaltatióne sua; divés autem in humilitate sua, quóniam sicut flos sceni transibit: exórtus est enim sol cum ardóre, & arefecit scenum; & flos ejus decidit, & decor vultus ejus depéruit; ita & dives in itinéribus suis marcéscet. Beátus vir, qui suffert tentatióne: quóniam cum probátus fuerit, accipiet corónam vitæ, quam repromísit Deus diligéntibus se.

Léctio Epístolæ beáti Petri Apóstoli.

Charíssimi, Communicántes Christi passiónibus gaudete, ut & in revelatióne glóriæ ejus gaudeátis exultántes. Si exprobrámini in nómine Christi, beátí éritis: quóniam quod est hónóris, glóriæ, & virtútis Dei, & qui est ejus Spíritus, super vos requiescit. Nemo autem vestrum patiatur ut homicida, aut fur, aut malédicus, aut alienórum appetitor. Si autem ut Christiánus, non erubéscat: gloríficet autem Deum in isto nómine. Quóniam tempus est, ut incípiat júdicium à domo Dei. Si autem primùm à nobis: quis finis eórum, qui non credunt Dei Evangélio? Et si justus vix salvábitur, impius & peccátor ubi parébunt? Itaque & hi qui patiúntur secundum voluntatem Dei, fidéli Creatóri comméndent ánimas suas in benefáctis.

—SS—

Sequéntia sancti Evangélii secundum Joánnem.

In illo témpore: Dixit Jesus discipulis suis: Amen, amen dico vobis, nisi granum fruménti cadens in terram, mórtuum fuerit; ipsum solum manet. Si autem mórtuum fuerit, multum fructum affert. Qui amat animam suam, perdet eam; & qui odit animam suam in hoc mundo, in vitam ætérnam custodit eam. Si quis mihi ministrat, me sequatur: & ubi sum ego, illic & míster meus erit. Si quis mihi ministráverit, honorificábit eum Pater meus.

COMMUNE MARTYRUM

**TEMPORE PASCHALI.
DE UNO MARTYRE.**

Inscritus.

Rotexisti me Deus à conventu malignántium, allelúja: à multitudíne operántium iniquitatem, allelúja, allelúja. **Psalmus.** **A**udi Deus oratióne meam, cum deprecor: à timóre inimici éripe animam meam. **G**loria Patri.

Pro Martyre & Pontifice

Oratio.

Infirmítatem nostram respice omnipotens Deus: & quia pondus propriæ actiōis gravat, beáti N. mártiris tui atque Pontíficis intercessio gloriósa nos protégat. Per Dóminum nostrum.

Pro

Pro Martyre & Pontifice.

Alia Oratio.

DEUS, qui nos beáti N. mártiris tui atque Pontíficis annua solemnitáte latíficas: concede propítius; ut ejus natalítia cólimus, de ejusdem etiam proteccióne gaudeámus. Per Dóminum nostrum.

Pro Martyre tantum.

Oratio.

Presta quæsumus omnipotens Deus: ut qui beáti N. mártiris tui natalítia cólimus, intercessiōe ejus in tui nóminis amore robóremur. Per Dóminum nostrum.

Pro Martyre tantum.

Alia Oratio.

Presta quæsumus omnipotens Deus: ut intercedente beáto N. mártire tuo, & à cunctis adversitatibus liberémur in corpore, & à pravis cogitatiōibus mundémur in mente. Per Dóminum nostrum.

Léctio libri Sapientiae.

Stabunt justí in magna constantia adversus eos qui se angustiarunt, & qui abstulerunt labores eórum. Vidéntes turbabúntur timóre horribili, & mirabúntur in subitatiōe insperatæ salutis, dicéntes intra se, poeniténtiam ágéntes, & præ angustia spíritus geméntes: Hi sunt, quos habuimus aliquándo in derisum, & in similitudinem impropérii. Nos insensátam vitam illórum æstimabámus insaniam, & finem illórum finē honoris: ecce quómodo computátí sunt inter filios Dei, & inter sanctos fors illórum est.

Vel Epístola beati Pauli Apóstoli ad Timotheum. Charíssime, Memor esto. ut supra in Comuni unius Martyris extra tempus Paschale. Pag. vj. Allelúja, allelúja. **Confitebuntur celi mirabilia tua Dómine: etenim veritatem tuam in ecclesia sanctórum. Allelúja.** Posuísti Dómine super caput ejus corónam de lapide pretióso. Allelúja.

Sequéntia sancti Evangélii secundum Joánnem.

In illo témpore: Dixit Jesus discipulis suis: Ego sum vitis vera: & Pater meus agricola est. Omnem pálmitem in me non feréntem fructum, tollet eum: & omnem qui fert fructum, purgábit eum, ut fructum plus afferat. Jam vos mundi estis propter sermónem, quem locútus sum vobis. Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me mánseritis. Ego sum vitis, vos pálmities: qui manet in me, & ego in eo, hic fert fructum multum: quia sinè me nihil potéstis facere. Si quis in me non mánserit, mittétur foras sicut palmes, & arefcet, & colligent eum, & in ignem mittent, & ardet. Si mánseritis in me, & verba mea in vobis mánserint: quodcúmque volúeritis, petétis, & fiet vobis.

Offertorium. Confitebúntur celi mirabilia tua Dómine, & veritatem tuam in ecclesia sanctórum. Allelúja, allelúja.

—SS— (O) —SS—

B B

Pro

Pro Martyre & Pontifice.
Secreta.

Hostias tibi, Dómine, beati N. mártiris tui atque Pontificis dicatas méritis, benígnus assúme: & ad perpétuum nobis tribue proveníre subsidium. Per Dóminum nostrum.

Pro Martyre & Pontifice.
Alia Secreta.

Munera tibi, Dómine, dicata sanctifica: & intercedente beato N. mártire tuo atque Pontifice, per eadem nos placatus inténde. Per Dóminum nostrum.

Pro Martyre tantum.
Secreta.

Munéribus nostris, quæsumus Dómine, precibusque suscéptis; & cœlestibus nos munda mystériis, & cleménte exaudi. Per Dóminum nostrum.

Pro Martyre tantum.
Alia Secreta.

Accepta sit in conspéctu tuo Dómine, nostra devotio: & ejus nobis fiat supplicatióne salutáris, pro cujus solemnitate defertur. Per Dóminum nostrum.

Communio. Lætábitur justus in Dómino, & sperábit in eo: & laudabúntur omnes recti corde. Allelúja, allelúja.

Pro Martyre & Pontifice.
Postcommunio.

Refecti participatióne muneris sacri, quæsumus Dómine Deus noster: ut cujus exequimur cultum, intercedente beato N. mártire tuo atque Pontifice, sentiámus effectum. Per Dóminum nostrum.

Pro Martyre & Pontifice.
Alia Postcommunio.

Hæc nos commúnio, Dómine, purget à crimine: & intercedente beato N. mártire tuo atque Pontifice, cœlestis remédii faciat esse consortes. Per Dóminum nostrum.

Pro Martyre tantum.
Postcommunio.

DA, quæsumus Dómine Deus noster: ut sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dóminum nostrum.

Pro Martyre tantum.
Alia Postcommunio.

Refecti participatióne muneris sacri, quæsumus Dómine Deus noster: ut cujus exequimur cultum, intercedente beato N. mártire tuo, sentiámus effectum. Per Dóminum nostrum.

Epístola & Evangelium supradictæ Missæ dicuntur etiam in sequenti Missa: & quæ in sequenti habentur, dici possunt in superiori.

DE PLURIBUS MARTYRIBUS.

TEMPORE PASCHALI.

Introitus.

Sancti tui Dómine, benedicent te: glóriam regni tui dicent, allelúja, allelúja. *Plalmus.* I xaltábo te Deus meus rex: & benedicam nómini tuo in sæculum, & in sæculum sæculi. *Ps.* Glória Patri.

Ps.

Pro pluribus Martyribus Pontificibus.
Oratio.

Beatórum mátyrum, paritérque Pontificum N. & N. nos, quæsumus Dómine, festa tueántur: & eórum comméndet oratio veneránda. Per Dóminum nostrum.

Pro pluribus Martyribus tantum.
Oratio.

DEUS, qui nos concédís sanctórum mátyrum tuórum N. & N. natalítia colere: da nobis in æterna beatitúdine de eórum societate gaudere. Per Dóminum nostrum.

Pro pluribus Martyribus.
Alia Oratio.

DEUS, qui nos ánnua sanctórum mátyrum tuórum N. & N. solemnitate lætíficas: concède propítius; ut quorum gaudémus méritis, accendámur exémpis. Per Dóminum nostrum.

Lectio Epístolæ beati Petri
Apóstoli.

Benedíctus Deus & Pater Dómini nostri Jesu Christi, qui secundum misericórdiam suam magnam regenerávit nos in spem vivam, per resurrectiõem Jesu Christi ex mórtuis, in hæreditatem incorruptibilem, & incontaminatam, & immarcescibilem, conservatam in cœlis in vobis, qui in virtute Dei custodímur per fidem in salutem, paratam revelári in tempore novíssimo. In quo exultábitis, módicum nunc si opórtet contristári in váriis tentatióibus: ut probatio vestræ fidei multò pretiósior auro (quod per ignem probá-tur) inveniátur in laudem, & gló-

riam, & honórem, in revelatióne Jesu Christi Dómini nostri.

Allelúja, allelúja. *Ps.* Sancti tui Dómine florébunt sicut lílium: & sicut odor balsami erunt ante te. Allelúja. *Ps.* Pretiósá in conspéctu Dómini, mors sanctórum ejus. Allelúja.

Sequéntia sancti Evangelii
secundum Joánnem.

In illo tempore: Dixit Jesus discípulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potéstis facere. Si quis in me non mánserit: mittétur foras sicut palmes, & aréscet, & colligent eum, & in ignem mittent, & ardet. Si mánseritis in me, & verba mea in vobis mánserint: quodcúmque volueritis, petétis, & fiet vobis. In hoc clarificátus est Pater meus, ut fructum plurimum afferátis, & efficiámini mei discípuli. Sicut diléxit me Pater, & ego diléxi vos. Manéte in dilectiõe mea. Si præcepta mea servavéritis, manébitis in dilectiõe mea, sicut & ego Patris mei præcepta servávi, & máneo in ejus dilectiõe. Hæc locútus sum vobis, ut gáudium meum in vobis sit, & gáudium vestrum impleátur.

Offertorium. Lætámini in Dómino, & exultáte justí: & gloriámini omnes recti corde. Allelúja, allelúja.

Pro pluribus Martyribus Pontificibus.
Secreta.

Adó Dómine supplicatióibus nostris, quas in Sanctórum tuórum commemoratiõe deférimus: ut qui nostræ justitiæ fi-

B B 2

duciam

dúciam non habemus, eorum qui tibi placuerunt, méritis adjuvémur. Per Dóminum nostrum.

Pro pluribus Martyribus tantum.

Secreta.

MUnera tibi, Dómine, nostra devotiōnis offerimus: quæ & pro tuorum tibi grata sint honorum; & nobis salutaria, te miserante, reddantur. Per Dóminum nostrum.

Pro pluribus Martyribus.

Alia secreta.

Oblatis, quæsumus Dómine, placare munéribus: & intercedentibus sanctis mátyribus tuis **N. & N.** à cunctis nos defende periculis. Per Dóminum nostrum.

Psalm.
32.

Communio. Gaudete iusti in Dómino, allelúja: rectos decet collaudatio, allelúja.

Pro pluribus Martyribus Pontificibus. Postcommunio.

Quæsumus Dómine, salutáribus repleri mystériis: ut quorum solémnia celebrámus, eorum orationibus adjuvémur. Per Dóminum nostrum.

Pro pluribus Martyribus tantum.

Postcommunio.

Presta nobis, quæsumus Dómine, intercedentibus sanctis mátyribus tuis **N. & N.** ut quod ore contingimus pura mente capiámus. Per Dóminum nostrum.

Pro pluribus Martyribus.

Alia Postcommunio.

Hæc nos communio, Dómine, purget à crimine: & intercedentibus sanctis mátyribus tuis **N. & N.** cœlestis remédii faciat esse cōsortes. Per Dóminum nostrum.

In Communi Martyrum tempore Paschali, alia Epistola, & Evangelium.

Lectio libri Apocalypsis beati Joannis Apóstoli.

In diébus illis: Post hæc ego Joannes audi vi quasi vocem turbarum multarum in celo dicentium: Allelúja: Salus, & glória, & virtus Deo nostro est: quia vera & iusta iudicia sunt ejus, qui iudicavit de meretrice magna, quæ corrupit terram in prostitutione sua, & vindicavit sanguinem servorum suorum de manibus ejus. Et iterum dixerunt: Allelúja. Et fumus ejus ascendit in sæcula sæculorum. Et ceciderunt seniores viginti quatuor, & quatuor animalia, & adoraverunt Deum sedentem super thronum, dicentes: Amen: Allelúja. Et vox de throno exivit, dicens: Laudem dicite Deo nostro omnes servi ejus: & qui timetis eum, pusilli & magni. Et audi vi quasi vocem turbae magnæ, & sicut vocem aquarum multarum, & sicut vocem tonitruorum magnorum, dicentium: Allelúja: quoniam regnavit Dóminus Deus noster omnipotens. Gaudeamus, & exultemus, & demus glóriam ei: quia venerunt nuptiæ Agni, & uxor ejus præparavit se. Et datum est illi, ut cooperiat se byssino splendenti & cándido. Byssinum enim, justificationes sunt sanctorum. Et dixit mihi: Scribe: Beati, qui ad cenam nuptiarum Agni vocati sunt.

Sequen-

Sequentia sancti Evangelii secundum Joannem.

In illo tempore: Dixit Jesus discipulis suis: Amen, amen dico vobis: quia plorabitis & flebitis vos, mundus autem gaudébit; vos verò contristabimini, sed tristitia vestra vertetur in gaudium. Mulier cum parit, tristitiam habet, quia venit hora ejus: cum autem pepererit puerum, jam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis, iterum autem videbo vos, & gaudébit cor vestrum: & gaudium vestrum nemo tollet à vobis.

In Communi Confessorum, & Virginum, & in aliis Missis tempore Paschali, omnia dicuntur ut intra, addito in Introitu ante Psalmum duplici Allelúja, & in fine Offertorii & Communionis uno Allelúja, ubi non habetur: & omisso Graduali, dicuntur duo Versus cum quatuor Allelúja, ut suis locis ponitur.

**COMMUNE
PLURIMORUM MARTYRUM.
EXTRA TEMPUS PASCHALE.**

Introitus.

Intrret in conspectu tuo, Dómine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui ef-

fusus est. **Psalmus.** Deus venerunt gentes in hereditatem tuam, poluerunt templum sanctum tuum: posuerunt Jerúsalem in pomorum custodiam. **V. Glória Patri.**

Pro pluribus Martyribus Pontificibus. Oratio.

Beatorum mátyrum, pariterque Pontificum **N. & N.** nos, quæsumus Dómine, festa tueantur: & eorum commendet oratio veneranda. Per Dóminum nostrum.

Si non fuerint Pontifices, dicatur Oratio ut in sequenti Missa.

Lectio libri Sapiéntiæ.

Iustorum animæ in manu Dei sunt, & non tanget illos tormentum mortis. Visi sunt oculis insipientium mori: & æstimata est afflictio exitus illorum: & quod à nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitæte plena est. In paucis vexati, in multis benè disponuntur: quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt iusti, & tamquam scintillæ in arundineto discurrent. Judicabunt nationes, & dominabuntur populis, & regnabit Dóminus illorum in perpetuum.

Graduale. Gloriosus Deus in sanctis suis: mirabilis in maiestate, faciens prodigia. **V. Dextera tua Dómine glorificata est in virtute: dextera manus tua confrégit inimicos.** Allelúja, allelúja. **V. Cor-**

B B 3

pora

^{Ecol.} ^{44.} pora sanctorum in pace sepulta sunt: & nomina eorum vivent in generatione & generationem. Alleluya.

Post Septuagesimam, omisso Alleluya, & versu sequenti, dicitur

^{Psal.} ^{121.} *Tractus.* Qui seminant in lacrymis, in gaudio metent. *V.* Euntes ibant & flebant, mittentes semina sua. *V.* Venientes autem venient cum exultatione, portantes manipulos suos.

Sequentia sancti Evangelii secundum Lucam.

^{Luc.} ^{21. c.} **I**n illo tempore: Dixit Jesus discipulis suis: Cum audieritis prelia, & seditiones, nolite terri: oportet primum haec fieri, sed nondum statim finis. Tunc dicebat illis: Surget gens contra gentem, & regnum adversus regnum. Et terramotus magni erunt per loca, & pestilentiae, & fames, terroresque de caelo, & signa magna erunt. Sed ante haec omnia injicient vobis manus suas, & persequentur, tradentes in synagogas & custodias, trahentes ad reges & praesides propter nomen meum: continget autem vobis in testimonium. Ponite ergo in cordibus vestris, non praemeditari quemadmodum respondeatis. Ego enim dabo vobis os, & sapientiam, cui non poterunt resistere & contradicere omnes adversarii vestri. Trademini autem a parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro

non peribit. In patientia vestra possidebitis animas vestras.

Offertorium. Mirabilis Deus in sanctis suis: Deus Israel ipse dabit virtutem & fortitudinem plebi suae: benedictus Deus. Alleluya.

Secreta.

Adesto Domine supplicationibus nostris, quas in Sanctorum tuorum commemoratione deferimus: ut qui nostrae justitiae fiduciam non habemus, eorum, qui tibi placuerunt, meritis adjuvemur. Per Dominum nostrum.

Communio. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Quesumus Domine, salutariis tuis repleti mysteriis: ut quorum solennia celebramus: eorum orationibus adjuvemur. Per Dominum nostrum.

DE EODEM COMMUNIALIA MISSA.

Introitus.

Sapientiam sanctorum narrent populi: & laudes eorum nuntiet ecclesia: nomina autem eorum vivent in saeculum saeculi. *Psalms.*

Exultate justi in Domino: rectos decet collaudatio. V. Gloria Patri.

Oratio.

DEUS, qui nos concedis sanctorum martyrum tuorum N.

& N. natalitia colere: da nobis in aeterna beatitudine de eorum societate gaudere. Per Dominum nostrum.

Si fuerint Pontifices, dicatur Oratio praecedentis Missae: quod & in sequentibus servetur.

Lectio libri Sapientiae.

^{Sap.} ^{1. c.} **I**usti autem in perpetuum vivent. & apud Dominum est merces eorum, & cogitatio illorum apud Altissimum. Ideo accipient regnum decoris, & diadema speciei de manu Domini: quoniam dextera sua teget eos, & brachio sancto suo defendet illos. Accipiet armaturam zelus illius, & armabit creaturam ad ultionem inimicorum. Induet pro thorace justitiam, & accipiet pro galea iudicium certum. Sumet scutum inexpugnabile aequitatem.

^{Psal.} ^{123.} *Graduale.* Anima nostra, sicut passer, erepta est de laqueo venantium. *V.* Laqueus contritus est, & nos liberati sumus: adiutorium nostrum in nomine Domini, qui fecit caelum & terram. Alleluya. *V.* Iusti epulentur, & exultent in conspectu Dei: & delectentur in letitia. Alleluya.

Post Septuagesimam, omisso Alleluya, & versu sequenti, dicitur

^{Psal.} ^{121.} *Tractus.* Qui seminant in lacrymis, in gaudio metent. *V.* Euntes ibant & flebant, mittentes semina sua. *V.* Venientes autem venient cum exultatione, portantes manipulos suos.

Sequentia sancti Evangelii secundum Lucam.

^{Luc.} ^{6. c.} **I**n illo tempore: Descendens Jesus de monte, stetit in loco campetri, & turba discipulorum ejus, & multitudo copiosa plebis ab omni Judaea, & Jerusalem, & maritima, & Tyri, & Sidonis, qui venerant ut audirent eum, & sanarentur a languoribus suis. Et qui vexabantur a spiritibus immundis, curabantur. Et omnis turba quaerebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra, multa est in caelo.

Offertorium. Exultabunt sancti in gloria, letabuntur in cubilibus suis: exaltationes Dei in faucibus eorum, Alleluya.

Secreta.

Munera tibi, Domine, nostrae devotionis offerimus: quae & pro tuorum tibi grata sint honore justorum, & nobis salutaria, te miserante, reddantur. Per Dominum nostrum.

Communio. Dico autem vobis amicis meis: ne terreamini ab his, qui vos persequuntur.

Postcom.

Postcommunio.

Praesta nobis, quaesumus Domine: intercedentibus sanctis martyribus tuis **N. & N.** ut quod ore contingimus, pura mente capiamus. Per Dominum nostrum Jesum Christum.

DE EODEM COMMUNI
ALIA MISSA.

Introitus.

Salus autem iustorum a Domino, & protector eorum. est in tempore tribulationis. **Psalmus.** Non li aemulari in malignantibus: neque zelaveris facientes iniquitatem. **V.** Gloria Patri.

Oratio.

DEUS qui nos annua sanctorum martyrum tuorum **N. & N.** solemnitate laetificas: concede propitius; ut quorum gaudemus meritis, accendamus exemplis. Per Dominum nostrum.

Lectio Epistolae beati Pauli
Apostoli ad Hebraeos.

Ratres, Rememoramini pristinos dies, in quibus illuminati, magnum certamen sustinistis passionum: & in altero quidem opprobriis, & tribulationibus spectaculum facti: in altero autem socii taliter conversantium effecti. Nam & vincitis compassi estis, & rapinam bonorum vestrorum cum gaudio suscepistis, cognoscentes vos habere meliorem & manentem substantiam. Nolite itaque amittere

confidentiam vestram, quae magnam habet remunerationem. Patientia enim vobis necessaria est: ut voluntatem Dei facientes, reportetis promissionem. Adhuc enim modicum aliquantulum, qui venturus est, veniet, & non tardabit. Justus autem meus ex fide vivit.

Graduale. Clamaverunt iusti, & Dominus exaudivit eos: & ex omnibus tribulationibus eorum liberavit eos. **V.** Juxta est Dominus his, qui tribulato sunt corde: & humiles spiritu salvabit. **Alleluja, alleluja.** **V.** Te Martyrum candidatus laudat exercitus Domine. **Alleluja.**

Post Septuagesimam, omisso Alleluja, & versu sequenti, dicitur

Tractus. Qui seminant in lacrymis, in gaudio merent. **V.** Euntes ibant & flebant, mittentes semina sua. **V.** Venientes autem venient cum exultatione, portantes manipulos suos.

Sequentia sancti Evangelii secundum Matthaeum.

In illo tempore: sedente Jesu super montem Oliveti, accesserunt ad eum discipuli secreto, dicentes: Dic nobis, quando haec erunt? & quod signum adventus tui, & consummationis saeculi? Et respondens Jesus, dixit eis: Videte ne quis vos seducat. Multi enim venient in nomine meo, dicentes: Ego sum Christus: & multos seducant. Audiri enim estis praelia, & opiniones praeliorum. Videte ne turbemini. Oportet enim haec fieri, sed nondum est finis. Consurget enim gens in gentem, &

regnum

regnum in regnum, & erunt pestilentiae, & fames, & terramotus per loca. Haec autem omnia, initia sunt dolorum. Tunc tradent vos in tribulationem, & occident vos: & eritis odio omnibus gentibus propter nomen meum. Et tunc scandalizabuntur multi, & invicem tradent, & odio habebunt invicem. Et multi pseudoprophetae surgent, & seducant multos. Et quoniam abundavit iniquitas, refrigeret charitas multorum. Qui autem perseveraverit usque in finem, hic salvus erit.

Offertorium. Iustorum animae in manu Dei sunt, & non tanget illos tormentum malitiae: visi sunt oculis insipientium mori, illi autem sunt in pace. **Alleluja.**

Secreta.

Oblatis, quaesumus Domine placare munerebus: & intercedentibus sanctis martyribus tuis **N. & N.** a cunctis nos defende periculis. Per Dominum nostrum.

Communio. Quod dico vobis in tenebris, dicite in lumine, dici Dominus: & quod in aure audistis, praedicite super tecta.

Postcommunio.

Haec nos communio, Domine, purget a crimine: & intercedentibus sanctis martyribus tuis **N. & N.** caelestis remedii faciat esse consortes. Per Dominum nostrum.

Item aliae Epistolae & Evangelia pro pluribus Martyribus.

Lectio libri Sapientiae.

Reddedit Deus iustis mercedem laborum suorum, & deduxit

illos in via mirabili: & fuit illis in velamento diei, & in luce stellarum per noctem: transtulit illos per mare Rubrum, & transvexit illos per aquam nimiam. Inimicos autem illorum demersit in mare, & ab altitudine inferorum eduxit illos. Ideo iusti tulerunt spolia impiorum; & decantaverunt, Domine, nomen sanctum tuum, & victricem manum tuam laudaverunt pariter, Domine Deus noster.

Lectio Epistolae Beati Pauli
Apostoli ad Romanos.

Ratres, Iustificati ex fide, pacem habemus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriamur in spe gloriae filiorum Dei. Non solum autem, sed & gloriamur in tribulationibus: scientes quod tribulatio patientiam operatur: patientia autem probationem, probatio vero spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

Lectio Epistolae beati Pauli
Apostoli ad Romanos.

Ratres, Non sunt condignae passionibus hujus temporis ad futuram gloriam, quae revelabitur in nobis. Nam expectatio creaturae, revelationem filiorum Dei expectat. Vanitati enim creatura subiecta est, non volens, sed propter eum, qui subiecit eam in spe: quia & ipsa creatura liberabitur a servitute corruptionis, in libertatem

C C

gloriae

glóriæ filiôrum Dei. Scimus enim quod omnis creatûra ingemiscit, & pârturit usque adhuc. Non solum autem illa, sed & nos ipsi primîtias spîritus habentes; & ipsi intra nos gémimus, adoptiônem filiôrum Dei expectântes, redemptiônem cõporis nostri.

Lectio Epistolæ beati Pauli
Apóstoli ad Corinthios.

Fratres, Exhibeamus nosmetipsos sicut Dei ministros, in multa patientia, in tribulationibus, in necessitatibus, in angustis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spîritu sancto, in charitate non ficta, in verbo veritatis, in virtute Dei, per arma justitiæ à dextris, & à sinistris, per glóriam, & ignobilitatem, per infamiam, & bonam famam: ut seductores, & veraces; sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, & omnia possidentes.

Lectio Epistolæ beati Pauli
Apóstoli ad Hebræos.

Fratres, Sancti per fidem vicērunt regna, operati sunt justitiam, adépti sunt repromissiones, obturavērunt ora leônium, extinxērunt impetum ignis, effugerunt áciem gládii, convaluerunt de infirmitate, fortes facti sunt in bello, castra vertērunt exterôrum: acceperunt mulieres de resurrectione

ne mortuos suos. Alii autem disténti sunt, non suscipientes redemptionem, ut meliorem invenirent resurrectionem. Alii verò ludibria & verbera experti, insuper & vincula & carceres: lapidati sunt, secti sunt, tentati sunt, in occisiône gládii mortui sunt: circue-runt in melotis, in pellibus caprinis, egentes, angustati, afflicti: quibus dignus non erat mundus: in solitudinibus errantes, in montibus & speluncis & in cavernis terræ. Et hi omnes testimonio fidei probati inventi sunt: in Christo Jesu Dómino nostro.

Lectio libri Apocalypsis beati
Joánnis Apóstoli.

In diébus illis: Respondit unus de seníoribus, & dixit mihi: Hi, qui amícti sunt stolis albis, qui sunt? & unde venērunt? Et dixi illi: Dómine mi, tu scis. Et dixit mihi: Hi sunt, qui venērunt de tribulatione magna, & laverunt stolas suas, & dealbavērunt eas in sanguine Agni. Ideo sunt ante thronum Dei, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius, nec cadet super illos sol, neque ullus æstus: quoniam Agnus, qui in medio throni est, reget illos, & deducet eos ad vitæ fontes aquarum, & absterget Deus omnem lacrymam ab oculis eorum.

Sequentia sancti Evangelii
secundum Matthæum.

In illo tempore: Videns Jesus turbas, ascendit in montem, &

cum

cum sedisset, accesserunt ad eum discipuli ejus, & apériens os suum docēbat eos, dicens: Beati pauperes spîritu: quoniam ipsorum est regnum cœlorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt & sitiunt justitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati, qui persecutionem patiuntur propter justitiam: quoniam ipsorum est regnum cœlorum. Beati estis, cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cœlis.

Sequentia sancti Evangelii
secundum Matthæum.

In illo tempore: Respondens Jesus, dixit: Confiteor tibi Pater, Dómine cœli & terræ: quia abscondisti hæc à sapientibus, & prudentibus, & revelasti ea parvulis. Ità Pater: quoniam sic fuit placitum ante te. Omnia mihi tradita sunt à Patre meo. Et nemo novit Filium, nisi Pater: neque Patrem quis novit, nisi Filius, & cui voluerit Filius revelare. Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite à me, quia mitis sum, & humilis corde: & inveniētis requiem ani-

mas vestris. Jugum enim meum suave est, & onus meum leve.

Sequentia sancti Evangelii
secundum Lucam.

In illo tempore: Dicēbat Jesus Scribis & Pharisæis: Væ vobis, qui ædificatis monumenta Prophetarum: patres autem vestri occiderunt illos. Profectò testificamini, quod consentitis operibus patrum vestrorum: quoniam ipsi quidem eos occiderunt, vos autem ædificatis eorum sepulchra. Propterea & sapientia Dei dixit: Mittam ad illos Prophetas, & Apóstolos, & ex illis occident, & persequuntur. Ut inquiratur sanguis omnium Prophetarum, qui effusus est à constitutione mundi à generatione ista, à sanguine Abel, usque ad sanguinem Zachariæ, qui periit inter altare & ædem. Ita dico vobis, requirētur ab hac generatione.

Sequentia sancti Evangelii
secundum Lucam.

In illo tempore: Dixit Jesus discipulis suis: Qui vos audit, me audit: & qui vos spernit, me spernit. Qui autem me spernit, spernit eum, qui misit me. Reversifunt autem septuaginta duo cum gaudio, dicentes: Dómine, etiam dæmónia subjiciuntur nobis in nomine tuo. Et ait illis: Videbam satanam sicut fulgur de cœlo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici: & nihil vobis nocēbit. Verumtamen in hoc nolite gaudere, quia spîritus vobis subjiciun-

CC 2

tur:

tur: gaudete autem, quod nomina vestra scripta sunt in caelis.

Sequentia sancti Evangelii secundum Lucam.

IN illo tempore: Dixit Jesus discipulis suis: Attendite a fermento Phariseorum, quod est hypocrisis. Nihil autem operum est, quod non reveletur: neque absconditum, quod non sciatur. Quoniam quae in tenebris dixistis, in lumine dicentur: & quod in aures locuti estis in cubiculis, praedicabitur in testis. Dico autem vobis amicis meis: Ne terreamini ab his qui occidunt corpus, & post haec non habent amplius quid faciant. Ostendam autem vobis, quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeris veniunt dipondio, & unus ex illis non est in oblivione coram Deo? Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis quicumque confessus fuerit me coram hominibus, & Filius hominis confitebitur illum coram Angelis Dei.

COMMUNE CONFESSORIS PONTIFICIS.

Introitus.

STATUIT EI DOMINUS testamentum pacis: & principem fecit eum: ut sit illi sacerdotii dignitas in a-

ternum. **Psalmus.** Memento Do-

mine David: & omnis mansuetudinis ejus. **Glória Patri.**

Oratio

DA, quasumus omnipotens Deus: ut beati **N.** Confessoris tui atque Pontificis veneranda solemnitas, & devotionem nobis augeat & salutem. Per Dominum nostrum.

Lectio libri Sapientiae.

ECCE sacerdos magnus, qui in diebus suis placuit Deo, & inventus est justus: & in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriae. Statuit illi testamentum aeternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius: & offerre illi incensum dignum in odorem suavitatis.

Graduale. Ecce sacerdos magnus, qui in diebus suis placuit Deo. **Glória.** Non est inventus similis illi, qui conservaret legem Excelsi. **Alleluja, alleluja.** **Glória.** Tu es sacerdos in aeternum, secundum ordinem Melchisedech. **Alleluja.**

Post Septuagesimam, omittis Alleluja, & versu sequenti, dicitur

Tractus.

Tractus. Beatus vir, qui timeret Dominum: in mandatis ejus cupit nimis. **Glória.** Potens in terra erit semen ejus: generatio rectorum benedicetur. **Glória & divitiae in domo ejus: & justitia ejus manet in saeculum saeculi.**

Tempore Paschali omittitur Graduale, & ejus loco dicitur, Alleluja, alleluja. **Glória.** Tu es sacerdos in aeternum, secundum ordinem Melchisedech. **Alleluja.** **Glória.** Hic est sacerdos, quem coronavit Dominus. **Alleluja.**

Sequentia sancti Evangelii secundum Matthaeum.

IN illo tempore: Dixit Jesus discipulis suis parabolam hanc: Homo peregre proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii vero unum: unicuique secundum propriam virtutem, & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam Domini sui. Post multum vero temporis venit dominus servorum illorum, & posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum. Ait illi dominus ejus: Euge serve bone, & fidelis, quia super pauca fuisti fidelis, super multa te constituam, in-

tra in gaudium domini tui. Accedens autem & qui duo talenta acceperat, & ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium domini tui.

Offertorium. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

SANCTI tui, quasumus Domine, nos ubique latificent: ut dum eorum merita recolimus, patrocinia sentiamus. Per Dominum nostrum.

Communio. Fidelis servus & prudens, quem constituit dominus super familiam suam: ut det illis in tempore tritici mensuram.

Postcommunio.

PRAESTA quasumus omnipotens Deus: ut de perceptis muneribus gratias exhibentes, intercedente beato **N.** Confessore tuo atque Pontifice, beneficia potiora sumamus. Per Dominum nostrum.

DE EODEM COMMUNI

ALIA MISSA.

Introitus.

SACERDORES tui, Domine, induant justitiam: & sancti tui exultent: propter David servum tuum, non avertas faciem Christi tui. **Psalmus.**

C C 3

mus.

mus. Meménto Dómine David, & omnis mansuerúdinis ejus. *Ps.* Gló-
ria Patri.

Oratio.

EXáudi, quæsumus Dómine, pre-
ces nostras, quas in beáti N.
Confessôris tui atque Pontíficis so-
lemnitate deférimus: & qui tibi
digné méruit famulári, ejus inter-
cedéntibus méritis ab ómnibus nos
absólve peccátis. Per Dóminum
nostrum.

Lectio Epístolæ beáti Pauli
Apóstoli ad Hebræos.

FRatres, Plures facti sunt sacer-
dotes, idcirco quòd morte pro-
hiberéntur permanére: Jesus au-
tem eò quòd máneat in ætérnum,
sempitérnum habet sacerdotium.
Unde & salváre in perpétuum po-
test accedéntes per semetípsum ad
Deum: semper vivens ad interpel-
lándum pro nobis. Talis enim de-
cébat, ut nobis esset Póntifex, san-
ctus, innocens, impollútus, segre-
gátus à peccatóribus, & excelsior
cælis factus: qui non habet ne-
cessitatem quotidie, quemádmo-
dum sacerdotes, prius pro suis de-
líctis hóstias offerre, deinde pro
pópuli: hoc enim fecit semel, se-
ípsum offeréndo, Jesus Christus
Dóminus noster.

Graduale. Sacerdotes ejus in-
duam salutári: & sancti ejus exul-
tatione exultábunt. *Ps.* Illuc pro-
dúcám cornu David: parávi lucér-
nam Christo meo. Allelúja, allelú-
ja. *Ps.* Jurávit Dóminus, & non
pœnitêbit eum: Tu es sacerdos in
ætérnum secúndum ordinem Mel-
chisédech. Allelúja.

Post Septuagesimam, omíssis Al-
lelúja, & versu sequenti, dicitur

Tractus. Beátus vir, qui timet
Dóminum: in mandátis ejus cupit
nimis. *Ps.* Potens in terra erit se-
men ejus: generatio rectórum be-
nedicetur. *Ps.* Glória & divítia in
domo ejus: & justítia ejus manet
in sæculum sæculi.

Tempore Paschali omittitur
Graduale, & ejus loco dicitur,

Allelúja, allelúja. *Ps.* Jurávit Dó-
minus, & non pœnitêbit eum: Tu
es sacerdos in ætérnum, secúndum
ordinem Melchisédech. Allelúja.
Ps. Amávit eum Dóminus, & orná-
vit eum: stolam glóriæ induit eum.
Allelúja.

**Sequéntia sancti Evangélii se-
cúndum Matthæum.**

IN illo témpore: Dixit Jesus di-
scípulis suis: Vigiláte, quia ne-
scitis qua hora Dóminus vester
ventúrus sit. Illud autem scitôte,
quóniam si sciret paterfamilias, qua
hora fur ventúrus esset, vigiláret
útique, & non síncret pœfodi do-
mum suam. Ideò & vos estôte pa-
ráti: quia qua nescitis hora, Filius
hóminis ventúrus est. Quis, pu-
tas, est fidélis servus, & prudens,
quem constituit dóminus suus su-
per familiam suam, ut det illis ci-
bum in témpore? Beátus ille ser-
vus, quem, cum vénerit dóminus
ejus, invenerit sic faciéntem. A-
men dico vobis, quóniam super
omnia bona sua constituet eum.

Offertorium. Véritas mea, &
misericórdia mea cum ipso: &
in nómine meo exaltábitur cornu
ejus.

Secreta.

Secreta.

Sancti N. Confessôris tui atque
Pontíficis, quæsumus Dómine,
annua solémnitas pietáti tuæ nos
reddat accéptos: ut per hæc pia
placatiónis officia, & illum beáta
retribútió comitêtur, & nobis grá-
tiæ tuæ dona concíliet. Per Dó-
minum nostrum.

Communio. Beátus servus, quem
cum vénerit Dóminus, invenerit
vigilántem: amen dico vobis, su-
per ómnia bona sua constituet eum.

Postcommunio.

DEUS fidélium remunerátor a-
nimárum, præsta: ut beáti
N. Confessôris tui atque Pontífi-
cis, cujus venerándam celebrámus
festivitátem, précibus indulgén-
tiam consequámur. Per Dóminum
nostrum.

**Item aliæ Epístolæ & Evange-
lia pro Confessore Pontifice.****Lectio Epístolæ beáti Pauli**
Apóstoli ad Hebræos.

FRatres, Omnis Póntifex ex hó-
minibus assumptus, pro hómi-
nibus constituitur in iis, quæ sunt
ad Deum, ut offerat dona, & sacri-
ficia pro peccátis: qui condolére
possit iis, qui ignórant, & errant:
quóniam & ipse circumdatus est in-
firmitate: & propterea debet,
quemádmodum pro pópulo, ita
etiám & pro semetípso offerre pro
peccátis. Nec quisquam sumit si-
bi honórem, sed qui vocátur à
Deo, tamquam Aaron.

Lectio Epístolæ beáti Pauli
Apóstoli ad Hebræos.

FRatres, Mementôte præpositó-
rum vestrórum, qui vobis lo-

cúti sunt verbum Dei: quorum in-
tuéntes éxitum conversatiónis,
imitámini fidem. Jesus Christus
heri, & hódie: ipse & in sæcula. Do-
ctrínis váriis & peregrínis nolíte
abducí. Optimum est enim grá-
tia stabilíre cor, non escis: quæ
non profuérent ambulántibus in
eis. Habémus altáre, de quo éde-
re non habent potestátem, qui ta-
bernálo deserviunt. Quorum e-
nim animálium infértur sanguis
pro peccáto in Sancta per Pontífi-
cem, horum córpora cremántur
extra castra. Propter quod & Je-
sus, ut sanctificáret per suum san-
guinem pópulum, extra porram
passus est. Exeámus igitur ad eum
extra castra, impropérium ejus
portántes. Non enim habémus híc
manéntem civitátem, sed futúram
inquirimus. Per ipsum ergo offe-
rámus hóstiam laudis semper Deo,
id est, fructum labiórurn confitén-
tium nómini ejus. Beneficéntia
autem, & communiónis nolíte obli-
vísci: rálibus enim hóstiis prome-
rétur Deus. Obedíte præpósitis
vestris, & subjacéte eis. Ipsi enim
pervigilant, quasi ratiónem pro a-
nimábus vestris reddituri.

**Sequéntia sancti Evangélii se-
cúndum Lucam.**

IN illo témpore: Dixit Jesus di-
scípulis suis: Nemo lucérnam ac-
céndit, & in abscondito ponit, ne-
que sub módio: sed supra cande-
lábrum, ut qui ingrediuntur, lu-
men vídeant. Lucérna corporis
tui, est óculus tuus. Si óculus tuus
fúerit simplex, totum corpus tuum
lucidum erit: si autem nequam
fuerit,

fuerit, etiam corpus tuum tenebrōsum erit. Vide ergo nē lumen, quod in te est, tenebræ sint. Si ergo corpus tuum totum lucidum fuerit, non habens aliquam partem tenebrarum, erit lucidum totum, & sicut lucerna fulgōris illuminabit te.

Sequētia sancti Evangelii secundum Marcum.

In illo tempore: Dixit Jesus discipulis suis: Videte, vigilate, & orate: nescitis enim quando tempus sit. Sicut homo, qui peregre profectus reliquit domum suam, & dedit servis suis potestatem cujusque operis, & janitori præcepit ut vigilet. Vigilare ergo; (nescitis enim quando dominus domus veniat: sero, an media nocte, an galli cantu, an mane:) nē cum venerit repente, inveniat vos dormientes. Quod autem vobis dico, omnibus dico: Vigilare.

COMMUNE DOCTORUM.

Introitus.

In medio Ecclesiæ aperuit os ejus: & implevit eum Dominus spiritu sapientiae, & intellectus: stolam gloriæ induit eum. **Psalmus.** Bonum est confiteri Domino: & psallere nomini tuo, Altissime. **Gloria Patri.**

Oratio.

DEUS, qui populo tuo æternæ salutis beatum N. ministrum

tribuisti: præsta quæsumus; ut quem doctorem vitæ habuimus in terris, intercessorem habere mereamur in cœlis. Per Dominum nostrum.

Lectio Epistolæ beati Pauli Apóstoli ad Timotheum.

Charissime, Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, instā oportune, importune argues, obsecra: increpa in omni patientia, & doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurientes auribus, & à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo repōita est mihi corōna justitiæ, quam reddet mihi Dominus in illa die, justus Judex: non solum autem mihi, sed & iis, qui diligunt adventum ejus.

Graduale. Os justī meditabitur sapientiam, & lingua ejus loquetur judicium. **Gloria Patri.** Lex Dei ejus in corde ipsius: & non supplantabuntur gressus ejus. **Allelūja, allelūja.** Amavit eum Dominus, & ornavit eum: stolam gloriæ induit eum. **Allelūja.**

Post Septuagesimam, omittitur Allelūja, & versu sequenti, dicitur:

Tractus.

Tractus. Beatus vir, qui timet Dominum: in mandatis ejus cupit nimis. **Gloria Patri.** Potens in terra erit semen ejus: generatio rectorum benedicetur. **Gloria Patri.** Glória & divitiæ in domo ejus: & justitia ejus manet in sæculum sæculi.

Tempore Paschali omittitur Graduale, & ejus loco dicitur, Allelūja, allelūja. Amavit eum Dominus, & ornavit eum: stolam gloriæ induit eum. **Allelūja.** Justus germinabit sicut lilium: & florebit in æternum ante Dominum. **Allelūja.**

Sequētia sancti Evangelii secundum Matthæum.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub mōdio, sed super candelabrum, ut luceat omnibus, qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est. Nolite putare, quoniam veni solvere legem, aut prophetas: non veni solvere, sed adimplere. Amen quippe dico vobis, donec transeat cælum & terra, jota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cœlorum: qui autem fecerit & docuerit, hic magnus vocabitur in regno cœlorum.

Offertorium. Justus ut palma florebit: sicut cedrus, quæ in Libano est, multiplicabitur.

Secreta.

Sancti tui N. nobis, Domine, pia non desit oratio: quæ & muneris nostra conciliet; & tuam nobis indulgentiam semper obtineat. Per Dominum nostrum.

Communio. Fidelis servus, & prudens, quem constituit Dominus super familiam suam: ut det illis in tempore tritici mensuram.

Postcommunio.

Ut nobis, Domine, tua sacrificia dent salutem: beatus N. Confessor tuus, & Doctor egregius, precator accedat. Per Dominum nostrum.

Alia Epistola pro Doctoribus.

Lectio libri Sapientiae.

Justus cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur. Si enim Dominus magnus voluerit, spiritu intelligentiæ replēbit illum: & ipse tamquam imbres mittet eloquia sapientiæ suæ, & in oratione confitebitur Domino: & ipse diriget consilium ejus, & disciplinam, & in absconditis suis consiliabitur. Ipse palam faciet disciplinam doctrinæ suæ, & in lege testamenti Domini gloriabitur. Collaudabunt multi sapientiam ejus, & usque in sæculum non delēbitur. Non recedet

DD

memó-

memória ejus, & nomen ejus requirétur à generatione in generationem. Sapientiam ejus enarrabunt gentes, & laudem ejus enuntiabit Ecclesia.

**COMMUNE
CONFESSORIS NON PONTIFICIS.**

Introitus.



DS justi meditabuntur sapientiam, & lingua ejus loquetur judicium: lex Dei ejus in corde ipsius. **Psalmus.** Noli æmulari in malignantibus: neque zelaveris facientes iniquitatem. **Gloria Patri.**

Oratio

DEUS, qui nos beati **N.** Confessoris tui annua solemnitate lætificas: concede propitius; ut cujus natalitia colimus, etiam actiones imitemur. Per Dominum nostrum.

Lectio libri Sapientie.

Beatissimus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus; facere mala, & non fecit. Ideo stabilita sunt bona illius in Domino, & eleemosynas illius enarrabit omnis Ecclesia sanctorum.

Graduale. Justus ut palma florebit: sicut cedrus Libani multiplicabitur in domo Domini. **V.** Ad annuntiandum manere misericordiam tuam, & veritatem tuam per noctem. **Alleluja, alleluja.** **V.** Beatus vir, qui suffert tentationem: quoniam cum probatus fuerit, accipiet coronam vitæ. **Alleluja.**

Post Septuagesimam omissis Alleluja, & versu sequenti, dicitur

Tractus. Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur. **V.** Gloria & divitiæ in domo ejus: & justitia ejus manet in sæculum sæculi.

Tempore Paschali omittitur

Graduale, & ejus loco dicitur, Alleluja, alleluja. **V.** Beatus vir, qui suffert tentationem: quoniam cum probatus fuerit, accipiet coronam vitæ. **Alleluja.** **V.** Amavit eum Dominus, & ornavit eum: stolam gloriæ induit eum. **Alleluja.**

Sequentia sancti Evangelii secundum Lucam.

In illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis: ut cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: Amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia

venerit,

venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

Laudis tibi, Domine, hostias immolamus, in tuorum commemoratione sanctorum: quibus nos & presentibus exui malis confidimus, & futuris. Per Dominum nostrum Jesum Christum.

Communio. Beatus servus, quem, cum venerit dominus, invenerit vigilanter: amen dico vobis, super omnia bona sua constituet eum.

Postcommunio.

Refecti cibo potuque celesti, Deus noster, te supplices exoramus: ut in cujus hæc commemoratione percipimus, ejus muniamur & precibus. Per Dominum nostrum Jesum Christum.

**DE EODEM COMMUNI
ALIA MISSA.**

Introitus.



Iustus ut palma florebit, sicut cedrus Libani multiplicabitur: plantatus in domo Domini, in atriis domus Dei no-

stri. **Psalmus.** Bonum est confiteri Domino: & psallere nomini tuo, Altissime. **V.** Gloria Patri.

Oratio.

Adesto Domine supplicationibus nostris, quas in beati **N.** Confessoris tui solemnitate deferimus: ut qui nostræ justitiæ fiduciam non habemus, ejus, qui tibi placuit, precibus adjuvemur. Per Dominum nostrum.

Lectio Epistolæ beati Pauli Apostoli ad Corinthios.

Fratres, Spectaculum facti sumus mundo, & angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cadimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo, sed ut filios meos charissimos moneo. In Christo Jesu Domino nostro.

Graduale. Os justi meditabitur sapientiam, & lingua ejus loquetur judicium. **V.** Lex Dei ejus in corde ipsius: & non supplantabuntur gressus ejus. **Alleluja, alleluja.** **V.** Beatus vir, qui timet Dominum: in mandatis ejus cupit nimis. **Alleluja.**

Post Sepruagesimam, omittis Allelúja, & versu sequenti, dicitur

Tractus. Beatus vir, qui timet Dóminum: in mandatis ejus cupit nimis. **V.** Potens in terra erit semen ejus: generatio rectórum benedicetur. **V.** Glória & divitiæ in domo ejus: & justitia ejus manet in sæculum sæculi.

Tempore Paschali omittitur Graduale, & ejus loco dicitur,

Allelúja, allelúja. **V.** Beatus vir, qui timet Dóminum: in mandatis ejus cupit nimis. Allelúja. **V.** Justus germinabit sicut lílium: & florébit in ætérnum ante Dóminum. Allelúja.

Sequéntia sancti Evangélíi secúndum Lucam.

In illo témpore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quæ possidétis, & date elemosynam. Facite vobis sácculos qui non veteráscunt, thesáurum non deficientem in cælis: quò fur non appropriat, neque tinea corrumpit. Ubi enim thesáurus vester est, ibi & cor vestrum erit.

Offertorium. In virtúte tua Dómine latábitur justus, & super salutáre tuum exultábit vehementer: desiderium ánimæ ejus tribuísti ei.

Secreta.

Presta nobis, quæsumus omnipotens Deus: ut nostræ humilitátis oblátio, & pro tuórum tibi grata sit honóre Sanctórum, & nos corpore páriter & mente purificet. Per Dóminum nostrum.

Communio. Amen dico vobis, quòd vos qui reliquistis ómnia, & secúti estis me, centuplum accipietis, & vitam ætérnam possidebitis.

Postcommunio.

Quæsumus omnipotens Deus: ut qui cælestia aliménta percépimus, intercedente beato N. Confessore tuo, per hæc contrá omnia advérsa muniámur. Per Dóminum nostrum.

Item alia Epístola, & Evangelium pro Confessore non Pontifice.

Lectio Epístolæ beati Pauli
Apóstoli ad Philippenses.

Fratres, Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse, propter eminentem sciéntiam Jesu Christi Dómini mei: propter quém ómnia detriméntum feci, & arbitror ut stercora, ut Christum lucrifaciam: & inveniar in illo, non habens meam justitiam, quæ ex lege est, sed illam, quæ ex fide est Christi Jesu: quæ ex Deo est justitia in fide, ad cognoscéndum illum, & virtútem resurrectionis ejus, & societátem passionum illius, configurátus morti ejus: si quo modo occurrám ad resurrectionem, quæ est ex mortuis: non quòd jam acceperim, aut jam perfectus sim: sequor autem, si quo modo comprehendám, in quo & comprehensus sum à Christo Jesu.

—SSS—

Sequéntia

Sequéntia sancti Evangélíi secúndum Lucam.

In illo témpore: Dixit Jesus discipulis suis parabolam hanc: Homo quidam nobilis abiit in regiónem longinquam accipere sibi regnum, & revérti. Vocátis autem decem servis suis, dedit eis decem mnas, & ait ad illos: Negotiamini dum vénio. Cives autem ejus óderant eum: & miserunt legationem post illum, dicentes: Nólumus hunc regnare super nos. Et factum est ut rediret accepto regno: & jussit vocari servos, quibus dedit pecúniam, ut sciret quantum quisque negotiatus esset. Venit autem primus, dicens: Dómine, mna tua decem mnas acquisivit. Et ait illi: Euge bone serve, quia in módico fuísti fidéls, eris potestatem habens super decem civitates. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitates. Et alter venit, dicens: Dómine, ecce mna tua, quam hábui repósitam in sudario: tímui enim te, quia homo austérus es: tollis quod non posuisti, & metis, quod non seminasti. Dicit ei: De ore tuo te judico serve nequam. Sciébas, quòd ego homo austérus sum, tollens quod non posui, & metens quod non seminavi: & quare non dedísti pecúniam meam ad mensam, ut ego veniens, cum usuris útique exegissem illam? Et astántibus dixit: Auferte ab illo mnam, & date illi qui decem mnas habet. Et dixerunt ei: Dómine, habet decem

mnas. Dico autem vobis, quia omni habénti dábitur, & abundabit: ab eo autem qui non habet, & quod habet, auferétur ab eo.

DE EODEM COMMUNI MISSA PRO ABBATIBUS.

Introitus.

Qui justus meditabitur sapientiam, & lingua ejus loquétur judicium: lex Dei ejus in corde ipsius. **Psalms.** Noli æmulári in malignántibus: neque zeláveris facientes iniquitatem. **V.** Glória Patri.

Oratio.

Intercéssio nos quæsumus Dómine, beati N. Abbátis commendat: ut, quod nostris méritis non valémus, ejus patrocínio assequámur. Per Dóminum nostrum.

Lectio libri Sapientiae.

Dilectus Deo & hominibus, cuius memoria in benedictione est. Similem illum fecit in glória sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum, & jussit illi corám pópulo suo, & osténdit illi glóriam suam. In fide & lenitáte ipsius sanctum fecit illum, & elégit eum ex omni carne. Audívit enim eum, & vocem ipsius, & indúxit illum in nubem. Et dedit illi corám præcepta, & legem vitæ & disciplinæ.

DD 3

Graduale

Graduale. Dómine, pravenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit à te, & tribuisti ei longitudo diem in sæculum sæculi. **Allelúja, allelúja.** **V.** Justus ut palma florebit: sicut cedrus Libani multiplicabitur. Allelúja.

Post Septuagesimam, omittis Allelúja, & versu sequenti, dicitur.

Tractus. Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur. **V.** Glória & divitiæ in domo ejus: & justitia ejus manet in sæculum sæculi.

Tempore Paschali omittitur Graduale, & ejus loco dicitur, Allelúja, allelúja. **V.** Justus ut palma florebit: sicut cedrus Libani multiplicabitur. Allelúja. **V.** Justus germinabit sicut lilium: & florebit in æternum ante Dominum. Allelúja.

Sequentia sancti Evangelii secundum Matthæum.

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israël. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen

meum, centuplum accipiet, & vitam æternam possidebit.

Offertorium. Desiderium animæ ejus tribuisti ei Dómine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Dómine, hostias superpositas sanctus **N.** Abbas, quæsumus, in salutem nobis provenire deprecatur. Per Dominum nostrum.

Communio. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

Protegat nos, Dómine, cum tui perceptione sacramenti beatus **N.** Abbas pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum Jesum Christum.

COMMUNE VIRGINUM. PRO VIRGINE ET MARTYRE.

Introitus.

Invenio te, O quæbar de testimonio tuis in conspectu regum, & non confundar: & meditabar in mandatis tuis, quæ dilexi nimis. **Psalmus.** Beati immaculati in via, qui ambulant in lege Domini. **V.** Glória Patri.

Oratio.

Post Septuagesimam, omittis Allelúja, & versu sequenti, dicitur.

Tractus. **A**udi filia, & vide, & inclina aurem tuam: quia concupivit Rex speciem tuam. **V.** Vultum tuum deprecabuntur omnes divites plebis: filia regum in honore tuo. **V.** Adducuntur Regi virgines post eam: proximæ ejus afferentur tibi. **V.** Afferentur in lætitia & exultatione: adducuntur in templum Regis.

Tempore Paschali omittitur Graduale, & ejus loco dicitur,

Allelúja, allelúja. **V.** Adducuntur Regi virgines post eam: proximæ ejus afferentur tibi in lætitia. Allelúja. **V.** Specie tua, & pulchritudine tua, intende, prospere procede, & regna. Allelúja.

Sequentia sancti Evangelii secundum Matthæum.

In illo tempore: Dixit Jesus discipulis suis parabolam hanc: Simile erit regnum celorum decem virginibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpserunt oleum secum: prudentes vero acciperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornaverunt lampades suas. Fatuæ autem sapientibus dixerunt: Date nobis de oleo vestro: quia

lampades nostræ extinguuntur. Respondérunt prudentes, dicentes: Nè fortè non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissimæ vero veniunt & reliquæ virgines, dicentes: Dómine, Dómine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Filia regum in honore tuo, astitit regina à dextris tuis in vestitu deaurato, circumdata varietate.

Secreta.

Accepta tibi sit, Dómine, sacratæ plebis oblatio, pro tuorum honore Sanctorum: quorum se méritis de tribulatione percepisse cognoscit auxilium. Per Dominum nostrum.

Communio. Quinque prudentes virgines acceperunt oleum in vasis suis cum lampadibus: média autem nocte clamor factus est: Ecce sponsus venit, exite obviam Christo Dómino.

Postcommunio.

Satiasti Dómine familiam tuam munere sacris: ejus quæsumus semper interventione nos refove, cujus sollemnia celebramus. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia sæcula sæculorum. **R.** Amen.

EE 2

ITEM

ITEM PRO VIRGINE
TANTUM

ALIA MISSA.

Introitus.

Vultum tuum deprecabuntur omnes divites plebis: adducuntur Regi virgines post eam: proxima ejus adducuntur tibi in lætitia & exultatione. **Psalms.** Eructavit cor meum verbum bonum: dico ego opera mea Regi. **Glória Patri.**

Oratio

Exaudi nos Deus salutaris noster: ut sicut de beata **N.** Virginis tuæ festivitæ gaudemus; ita pia devotionis erudiâmur affectu. Per Dominum nostrum.

Lectio Epistolæ beati Pauli
Apóstoli ad Corinthios.

Fratres: De virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acciperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: Tempus breve est: reliquum est, ut & qui habent uxores, tamquam non ha-

bentes sint: & qui fient, tamquam non fientes: & qui gaudent, tamquam non gaudentes: & qui emunt, tamquam non possidentes: & qui utuntur hoc mundo, tamquam non utantur: præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, & divisus est. Et mulier innupta, & virgo, cogitat quæ Domini sunt; ut sit sancta corpore & spiritu: in Christo Jesu Domino nostro.

Graduale. Concupivit Rex decorem tuum, quoniam ipse est Dominus Deus tuus. **Glória.** Audi filia, & vide, & inclina aurem tuam. **Allelúja, allelúja.** **Glória.** Hæc est virgo sapiens, & una de numero prudentum. **Allelúja.**

Post Septuagesimam, omittis Allelúja, & versu sequenti, dicitur Tractus. Audi filia, & vide, & inclina aurem tuam: quia concupivit Rex speciem tuam. **Glória.** Vultum tuum deprecabuntur omnes divites plebis: filia regum in honore tuo. **Glória.** Adducuntur Regi virgines post eam: proxima ejus afferuntur tibi. **Glória.** Afferuntur in lætitia & exultatione: adducuntur in templum Regis.

Tempore Paschali omittitur Graduale, & ejus loco dicitur, Allelúja, allelúja. **Glória.** Hæc est Virgo sapiens, & una de numero prudentum, **Allelúja.** **Glória.** O quam pulchra est casta generatio cum claritate! **Allelúja.**

Sequentia

Sequentia sancti Evangelii secundum Matthæum.

Matt. **I**n illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cælorum homini negotiatori, quærenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum cælorum sagæ missæ in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa. malos autem foras miserunt. Sic erit in consummatione sæculi: exhibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cælorum, similis est homini patrifamilias, qui profert de thesauro suo nova & vetera.

Offertorium. Afferuntur Regi virgines post eam: proxima ejus afferuntur tibi in lætitia & exultatione: adducuntur in templum Regi Domino.

Secreta.

Accepta tibi sit, Domine, sacratæ plebis oblatio, pro tuorum honore Sanctorum: quorum se meritis de tribulatione percipisse cognoscit auxilium. Per Do-

minum nostrum Jesum Christum Filium tuum: Qui tecum.

Communio. Simile est regnum cælorum homini negotiatori, quærenti bonas margaritas: inventa autem una pretiosa margarita, dedit omnia sua, & comparavit eam.

Postcommunio.

Satiasti Domine familiam tuam munere sacris: ejus quæsumus semper interventione nos refove, cujus solennia celebramus. Per Dominum nostrum Jesum Christum Filium tuum: Qui tecum.

COMMUNE
NON VIRGINUM.
PRO UNA MARTYRE NON
VIRGINE.

Introitus.

Me expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. **Psalms.** Beati immaculati in via: qui ambulat in lege Domini. **Glória Patri.**

Oratio

DEUS, qui inter cætera potentia tua miracula, etiam in sexu fragili victoriam martyrii contulisti: concede propitius; ut qui beata **N.** Martyris tuæ natalitia colimus, per ejus ad te exempla gradiamur. Per Dominum nostrum Jesum Christum.

E E 3

Si

Si fuerint plures. Oratio.

DA nobis, quæsumus Dómine Deus noster, sanctarum Mártirum tuarum **N. & N.** palmas incessabili devotíone venerári: ut quas digna mente non possumus celebrare, humilibus saltém frequentemus obsequiis. Per Dóminum nostrum.

Lectio libri Sapientiae.

Confitebor tibi Dómine Rex, & collaudábo te Deum Salvatorem meum. Confitebor nómini tuo: quóniam adjutor & protector factus es mihi, & liberásti corpus meum à perditíone, à láqueo linguae iniquae, & à lábiis operantium mendácium, & in conspectu astantium factus es mihi adjutor. Et liberásti me secundum multitudinem misericórdiae nóminis tui à rugientibus preparatis ad escam, de manibus querentium animam meam, & de portis tribulationum, quæ circumdederunt me: à pressura flammæ, quæ circumdedit me, & in medio ignis non sum aestuata: de altitudine ventris inferi, & à lingua coinquinata, & à verbo mendacii, à rege iniquo, & à lingua injusta: laudábit usque ad mortem ánima mea Dóminum, quóniam éruis sustinentes te, & liberás eos de manibus gentium, Dómine Deus noster.

Graduale. Dilexisti justitiam, & odisti iniquitatem. **V.** Propterea unxit te Deus, Deus tuus, oleo lætitiæ. **Allelúja, allelúja.** **V.** Specie tua & pulchritudine tua intende, prospere procede, & regna. **Allelúja.**

Post Septuagesimam, omittis **Allelúja, & versu sequenti, dicitur**

Tractus. Veni sponsa Christi, accipe corónam, quam tibi Dóminus preparávit in ætérnum: pro cuius amore sanguinem tuum fudisti. **V.** Dilexisti justitiam, & odisti iniquitatem: propterea unxit te Deus, Deus tuus, oleo lætitiæ: præ confortibus tuis. **V.** Specie tua, & pulchritudine tua: intende, prospere procede, & regna.

Tempore Paschali omittitur **Graduale, & ejus loco dicitur,**

Allelúja, allelúja. **V.** Specie tua, & pulchritudine tua: intende, prospere procede, & regna. **Allelúja.** **V.** Propter veritatem, & mansuetudinem, & justitiam, & deducet te mirabiliter dextera tua. **Allelúja.**

Sequentia sancti Evangelii secundum Matthæum.

In illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cælorum homini negotiatori, quaerenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum cælorum sagénæ missæ in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione sæculi: ex-

ibunt

ibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno cælorum, similis est homini patrifamilias, qui profert de thesauro suo nova & vetera.

Offertorium. Diffusa est gratia in labiis tuis, propterea benedixit te Deus in ætérnum, & in sæculum sæculi. **Allelúja.**

Secreta.

Suscipe Dómine múnera, quæ in beata **N.** Mártiris tuæ solemnitate deferimus, cuius nos confidimus patrocinio liberari. Per Dóminum nostrum.

Si fuerint plures. Secreta.

Intende, quæsumus Dómine, múnera, altaribus tuis pro sanctarum Mártirum tuarum **N. & N.** festivitate propósita: ut sicut per hæc beata mystéria illis glóriam contulisti, ita nobis indulgentiam largiaris. Per Dóminum nostrum.

Communio. Príncipes persecuti sunt me gratis, & à verbis tuis formidavit cor meum: lætabor ego super elóquia tua, quasi qui invenit spolia multa.

Postcommunio.

Auxiliéntur nobis, Dómine, sumpta mystéria: & intercedente beata **N.** Mártire tua, sempiterna faciant protectíone gaudere. Per Dóminum nostrum.

Si fuerint plures.

Postcommunio.

Presta nobis, quæsumus Dómine, intercedentibus sanctis Mártiribus tuis: ut quod ore con-

tingimus, pura mente capiámus. Per Dóminum nostrum Jesum Christum.

PRO NEC VIRGINE
NEC MARTYRE.

Introitus.

Cognóvi Dómine, quia æquitas iudicia tua, & in veritate tua humiliasti me: confige timore tuo carnes meas, à mandatis tuis tímui. **Psalms.** Beati immaculati in via: qui ambulant in lege Dómini. **V.** Glória Patri.

Oratio.

Exaudi nos Deus salutaris noster: ut sicut de beata **N.** festivitate gaudemus; ita piæ devotíonis erudiámur affectu. Per Dóminum nostrum.

Lectio libri Sapientiae.

Mulierem fortem quis invéniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & ro-

boravit

boravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fufum. Manum suam aperuit inopi, & palmas suas extendit ad pauperem. Non timebit domui suae a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, & vendidit, & cingulum tradidit Chananæo. Fortitudo & decor indumentum ejus, & ridebit in die novissimo. Os suum aperuit sapientiae: & lex clementiae in lingua ejus. Consideravit semitas domus suae, & panem otiosa non comedit. Surrexerunt filii ejus, & beatissimam praedicaverunt; vir ejus, & laudavit eam. Multae filiae congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale. Diffusa est gratia in labiis tuis, propterea benedixit te Deus in aeternum. *✠* Propter veritatem, & mansuetudinem, & justitiam: & deducet te mirabiliter dextera tua. Alleluja, alleluja. *✠* Specie tua, & pulchritudine tua, intende, prospere procede, & regna. Alleluja.

Post Septuagesimam, omissis Alleluja, & versu sequenti, dicitur

Tractus. Veni sponsa Christi, accipe coronam, quam tibi Dominus preparavit in aeternum. *✠* Dilexisti justitiam, & odisti iniquitatem: propterea unxit te Deus, Deus tuus, oleo laetitiae praefortibus tuis. *✠* Specie tua, & pulchritudine tua, intende, prospere procede, & regna.

Tempore Paschali omittitur Graduale, & ejus loco dicitur, Alleluja, alleluja. *✠* Specie tua, & pulchritudine tua, intende, prospere procede, & regna. Alleluja. *✠* Propter veritatem, & mansuetudinem, & justitiam: & deducet te mirabiliter dextera tua. Alleluja.

Sequentia sancti Evangelii secundum Matthaeum.

In illo tempore: Dixit Jesus discipulis suis parabolam hanc: Simile est regnum caelorum thesauro abscondito in agro: quem qui invenit homo, abscondit, & praegaudio illius vadit, & vendit universa quae habet, & emit agrum illum. Iterum simile est regnum caelorum homini negotiatori, quaerenti bonas margaritas. Inventa autem una pretiosa margarita, abiit, & vendidit omnia quae habuit, & emit eam. Iterum simile est regnum caelorum sagenae missae in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione saeculi: exhibunt Angeli, & separabunt malos de medio iustorum, & mittent eos in caminum ignis: ibi erit fletus,

&

vantes pervenire mereamur. Per Dominum nostrum.

Communio. Domus mea, domus orationis vocabitur, dicit Dominus: in ea omnis qui petit, accipit: & qui quirit, invenit: & pulsanti aperiatur.

Postcommunio.

DEUS, qui de vivis & electis lapidibus aeternum majestati tuae praeparas habitaculum: auxiliare populo tuo supplicanti; ut quod Ecclesiae tuae corporalibus proficit spatiis, spiritalibus amplificetur augmentis. Per Dominum nostrum.

Intra Octavam Dedicationis Ecclesiae, & in die Octava, dicitur Missa ut supra in die anniversario: sed infra Octavam secunda Oratio dicitur de beata Maria, tertia, Ecclesiae, vel pro Papa, ut supra fer. II. post Dominicam in Albis.

In ipsa die Dedicationis Ecclesiae Missa dicitur ut supra in anniversario Dedicationis, exceptis Orationibus, quae dicuntur ut sequitur.

Oratio.

DEUS, qui invisibiliter omnia continet, & tamen pro salutem generis humani signa tuae potentiae visibiliter ostendis: templum hoc potentia tuae inhabitationis illustra, & concede; ut omnes, qui huc deprecaturi conveniunt, ex quacumque tribulatione ad te clamaverint, consolationis tuae beneficia consequantur. Per Dominum nostrum.

Secreta.

DEUS, qui sacrandorum tibi auctor es munerum, effunde

super hanc orationis domum benedictionem tuam: ut ab omnibus in ea invocantibus nomen tuum, defensionis tuae auxilium sentiatur. Per Dominum nostrum.

Postcommunio.

Quafumus omnipotens Deus: ut in hoc loco, quem nomini tuo indigni dedicavimus, cunctis petentibus aures tuae pietatis accommodes. Per Dominum nostrum.

In ipsa die Dedicationis Altaris dicitur Missa ut supra in anniversario Dedicationis Ecclesiae, praeter Orationes; quarum loco dicuntur sequentes.

Oratio.

DEUS, qui ex omni coaptatione sanctorum, aeternum tibi condas habitaculum: da aedificationi tuae incrementa caelestia; ut quorum hic reliquias pio amore complectimur, eorum semper meritis adjuvemur. Per Dominum nostrum.

Secreta.

Descendat, quafumus Domine Deus noster, Spiritus tuus sanctus super hoc altare: qui & populi tui dona sanctificet, & summentium corda dignanter emundet. Per Dominum in unitate ejusdem Spiritus sancti.

Postcommunio.

Omnipotens sempiternus Deus, altare hoc nomini tuo dedicatum, caelestis virtutis benedictione sanctifica: & omnibus in te sperantibus, auxilii tui munus ostende; ut & hic sacramentorum virtus, & votorum obtineatur effectus. Per Dominum nostrum.